

APOSEL Bi Jisas Takaw Nop Dad Ameb Okok Titay Gilak Kesim

God Kawnan ne ak ownigab

¹⁻² Mam TiyoPilus. Yad nep mij ned tikinek ak, Jisas tikjakil wog gil mid dad amil, wog titay gak, takaw titay binib okok kilop agñak ak, nep aginek. Ne God man ne alañ amnig, God Kawnan ne ak gos ñakniñ, bine takaw nop dad ameb okok kilop agñi tep gak. Agñi tep gek, God nop dad man ne alañ amnak. ³ Pen ned yipil awl dil kumil tikjakil, kidek bine takaw nop dad ameb okok yelakniñ, ñin kunay yibil misen lak. Misen lil, kilop God binib dil kilop kod yenigab takaw ak agñoligup. Pen ne titay gak ak niñid, ak Jisas ne nokom kumil tikjakup agil, nigtep gilak. Pen kumil tikjakil, ñin anep 40 lum awl midil, aplan jakil wisip alañ amnak. ⁴ Pen kumil tikjakil, lum awl yoligup ñin anib okok, ñin olap apil bine takaw nop dad ameb okok ayip midil agak, Nibop ned aginek tek, bapi nibop tap olap ñinigayn agil aglak ak nim, man Jerusalem awl kod yenimib agak. ⁵ Jon ne kilop ñig pakñak ak pen, bapi nibop Kawnan ne ak pakñinigab agak. Ñin anib ak wulep mideb, kod yenimib agak.

God Jisas nop dad man ne alañ amnak

1:1-2 Mak 16.19, Luk 1.1-4, 24.49-51 **1:3** Mat 28.17, Mak 16.12, Luk 24.36-49, Apo 10.41, 1 Ko 15.5-7 **1:4** Luk 24.49, Jon 14.16-17, Apo 2.33 **1:5** Mat 3.11, Mak 1.8, Luk 3.16, Jon 1.33, Apo 11.16

⁶ Pen ñin olap, Jisas bine takaw nop dad ameb okok yelak sɨjak misen lek, nop agnigalak, Biawl. Nad miñil ge, chin Yislel binib man chin ke kod yonigabun akan agalak? ⁷ Agelak kilop agak, Bapi ne ke aglek, anib ñin ak tap anib ak ginigab agak. Anib ak tap nibi mel, nibi ma niginigabim agak. ⁸ Pen nigim. God Kawnan ne ak apil nibop kod midakniñ, kiles ak dinigabim agak. Dil, nibi am Jelusalem binib okok, Judiya plopens binib okok, Samaliya plopens binib okok, binib man okok midupsek, yad titay gipin ak kilop agñinigabim agak.

⁹ Anib agek, God nop dad man ne alan amnak. Bine takaw nop dad ameb okok nig yelakniñ, wisip bad ak ap nop yu gak.

¹⁰ Pen anigil kilan gil nig yelakniñ, bi chech kayig tep yibil yimilek ominal kasek apil, yelak wulep sɨjak misen lil ¹¹ agilek, Galili bi okok. Taynen wisip alan nig midebim agilek? Jisas adikid ownigab ñin ak, miñil anigil God man ne alan ameb tek ownigab agilek.

Judas wog goligup ak, Matiyas nop pen agilak

¹² Bi ensel ominal anib ak, anib agil amnilekniñ, bi Jisas takaw nop dad ameb okok kili man Olip dum yelak ak keligil, Jelusalem amnilak. Man Olip dum anib ak, wulep sɨjak mideb. ¹³ Am midil,

1:6 Ais 1.26, Dan 7.17, Amo 9.11, Mat 24.3, Luk 24.21 **1:7** Mat 24.36, Mak 13.32, 1 Te 5.1 **1:8** Mat 28.19, Mak 16.15, Luk 24.47-48, Jon 15.27, Apo 2.32, 3.15, 5.32 **1:9** Mak 16.19, Luk 24.50-51, Jon 6.62, 20.17 **1:10** Mat 28.3, Mak 16.5, Luk 24.4, Jon 20.12, Apo 10.3, 10.30 **1:11** Mat 24.30, 26.64, Luk 21.27, Jon 14.3, 1 Te 1.10, 4.16, Lep 1.7 **1:12** Luk 24.50 **1:13** Mat 10.2-4, Mak 3.16-19, Luk 6.14-16

kal abañ adek nab alañ migan ak yelak. Bi anib okok nim ak, Pita, Jon, Jemis, Edlu, Pilip, Tomas, Batolomyu, Matyu, Jemis nap ak Alpiyus, Saymon ne bi Selot ageligipal okok bi kili olap ak, Judas nap ak Jemis. ¹⁴ Kili minek minek apnan gıl, God nop ageligipal. Bin ogınap sek, Jisas nonim Maliya ak sek, Jisas nımam sikop ak sek, kili ayıp God nop ageligipal.

¹⁵ Pen ñin anib sıñak, binib anep 120 tek apnan gılakñıñ, Pita tikjakıl kilop agak, ¹⁶ Mam sikop, nigim agak. God Kawnan ak bilel Depid nop gos ñek niñid, takaw anib ak buk Baybol kıl tikak agak. Judas bi okok kilop poñid amnigab, Jisas nop dun agıl amnigabal tek agıl tikek, miñıl agak agak tek gup agak. ¹⁷ Jisas bi Judas anib ak dek chin ayıp midil, God wog ak jimñıl goligipun agak.

¹⁸ Bi anib ak Judas, ne Jisas nop mimug niñid, mani dak ak dad amıl, lum wakay olap tawak. Ñin olap apyap pakek, kogmeg nop ak pak jakıl, chibol okok limig sen amek kumak. ¹⁹ Anigıl kumek, Jelusalem binib midupsek niñid, lum tawıl kumak anib ak, yib Akeldama agılak. Akeldama agılak takaw jıj ak, nikim yowak lum agıl agılak.

²⁰ Pen Pita agak, Kili bilel Buk Kımep ak tikıl agılak,

Binib ogınap man ne anib ak, ma am yenigel agıl tikılak agak. Man nep anib ak binib ma yenigel agıl tikılak agak. Takaw olap

1:14 Mat 13.55, Luk 23.49, 23.55, 24.10, Jon 6.42, 7.5 **1:16** Sng 41.9 **1:17** Mat 10.4, Luk 6.16, Apo 1.25 **1:18** Mat 26.15, 2 Pi 2.15 **1:18** Mat 27.3-8 **1:20** Sng 69.25, 109.8

pen agilak, Wog ne goligup ak, bi olap pen dinimun agil tikilak agak.

21-22 Anigil agilak, anib ak tek chin bi olap ninid dinigun agak. Bi anib ak bi yokip olap mel, bi chin ayip pel ajil, Jon Jisas nop nig paknak ak ninid, mid dad amil, Jisas kumil tikjakek God nop dad man ne alar amek nigak bi olap ninid dinigun agak. Bi anib ak tek don nim, chin ayip midil, biawl Jisas kumil tikjakak takaw ak agninigabun agak.

23 Pita anib agek, bi Matiyas ayip, Josep ayip kilop aglilak. Pen Josep yib ne olap Basabas. Pen binib oginap Jastus ageligipal. **24-25** Bi ominal anib ak, anigil aglil God nop agilak, Biawl. Judas ne bi Jisas takaw nop dad ameb olap yek ak pen wog anib ak keligak agilak. Keligil, man timel ne ke ak amnak agilak. Amil, tep nop ak an dinimun agil, bi ominal awl aglipun agilak. Anib ak nad binib midupsek gos ninid gipal tek nepan ak nim, nep agnigobun agilak. Nad ke bi an aglipan ak age, ninid dinigun agilak. **26** Anib agel, bi ominal gil jakilek, Matiyas yib ne aplanak. Aplanil, bi Jisas takaw nop dad ameb anep agip okok ayip jimnil yelak.

2

God Kawnan ne ak owak

1 Juda nin awl Pedikos* owaknin, kili kal migan nokom olap yelak. **2** Anigil yelaknin, gu awl ak

1:21-22 Mat 3.16, Mak 1.9, 16.19, Luk 3.21, 24.51, Jon 15.27, Apo 4.33 **1:24-25** 1 Sml 16.7, Jer 11.20, Jon 2.25, Lep 2.23 **2:1** Lo 16.9-11, Apo 1.14 * **2:1** Juda nin awl Pedikos, nin awl kili apnan gep nin ak, tap midup dipun ak ninid minimi ginigun apal. **2:2** Apo 4.31

wisip adek alañ agil, yigen awl tek dıl, gu awl kal migan yelak anıb ak midupsek kus gak. ³ Pen won anıb anep mab minılan tun tek ak apıl, kilop keke amnaknıñ, ⁴ God Kawnan ne ak kilop bak lıl gek, takaw yibil keke agılak.

⁵ Nın anıb ak, Juda binıb wakay keke apıl Jelusalem nan gi yelak. Kili God nop agnıñid kidek geligıpal. ⁶ Pen gu awl anıb ak agek nıñid, binıb kunay apnan gılak. Apnan gıl, kili nokom nokom nigılak, takaw yibil kili ak keke yipid gıl nep agelak. ⁷⁻⁸ Kili nıñid, gos pal awl lıl wal agıl agılak, Bi okol midupsek Galili nıb ak pen, titay dıl takaw yibil chin keke apun tek yipid gıl agebal nigobun agılak? ⁹ Chin ogınap Patiya nıb, ogınap Midiya nıb, ogınap Elam nıb, ogınap Mesopodemiya nıb, ogınap Judiya nıb, ogınap Kapadosiya nıb, ogınap Podus nıb, ogınap Esiya nıb, ¹⁰ ogınap Piligiya nıb, ogınap Pampiliya nıb, ogınap Yijip nıb, ogınap Libiya, Saylini gol okok nıb, ogınap Lom nıb, ¹¹ ogınap Klit nıb, ogınap Alebiya nıb agılak. Chin ogınap Juda yipid gıl yibil, ogınap Juda mel man okok nıb okok nıb ownok ak pen Juda binıb gıpal tek ak gipun agılak. Pen takaw yibil chin keke mideb tek ak agel chin midupsek nigobun agılak. God kiles timel gıl, tap teplep okok midupsek gak ak agebal agılak. ¹² Anıb agıl, gos kunay nigilig ju dıl, pen agnıgek pen agnıgek gıl agılak, Ke yibil geb anıb ak tay ginig geb agılak. ¹³ Pen binıb ogınap agjulig agılak, Ak ñig wayn kunay ñibil sawl gıl agebal agılak.

2:3 Mat 3.11 **2:4** Mak 16.17, Apo 1.5, 4.31, 10.44-46, 1 Ko 12.10, 13.1 **2:7-8** Apo 1.11 **2:9** 2 Ti 1.15

Pita takaw agñak

¹⁴ Anib agelak, Pita ayip bi Jisas takaw nop dad ameb wog jimñil gep okok ayip tikjakil, takaw awl agil agak, Nib Juda binib okok, binib midupsek Jelusalem midebim okok, takaw agebin ak nigtep ginimib agak. ¹⁵ Bi anib okok takaw yibil keke agebal ak, ñig wayn ñibil ma agebal agak. Binib kili ñig wayn ak sub kidek owup won ak ma ñibal, dugap won anep ñibal agak. Miñil minek won ak agak. ¹⁶ Pen takaw yibil keke agebal nigezim anib awl, bi God gos ñek agñeb ak Jowel, bilel agil tikak tek nep gup agak. Ne takaw anib ak tikil agak,

¹⁷ God agup, Ñin kidek ak binib okok midupsek kilop Kawnan yad ak yokinigayn agup agil tikak agak. Ñipay nib okok kilop gos ñek agñinigabal agup agil tikak agak. Bi pilaj okok day niginigabal agup agil tikak agak. Biawl okok wisin niginigabal agup agil tikak agak. ¹⁸ Ñin anib ak, binbi yip wog giñibal okok kilop Kawnan yad ak yoken gos ñek, binib okok kilop agñinigabal agup agil tikak agak. ¹⁹ Pen adekab alan tap ke yibil oginap gil, lum awl ak tap mageptek oginap ginigayn agup agil tikak agak. Pen nikim sek gil, mab yinil, sikom awl gil ginigab agup agil tikak agak. ²⁰ Sub ak milek ma gil, takan ak nikim sek linigab agup agil tikak agak. Anigek, kidek nim Biawl ñin awl ne ak ownigab agup agil tikak agak. Ñin awl anib ak apek, Biawl kiles ne ak sek milek ne ak

sek yomnigab agil tikak agak. ²¹ Pen binib biawl nop agniginigabal okok, kilop tig asik dinigab agup agil tikak agak.

²² Pita ne Jowel ñu kil tikak takaw anib ak agjuwil agak, Nibi Yislel binib. Takaw aginige bin awl niginimib agak. Jisas bi Nasalet nib ak, bi yokip mel agak. God ne nokom nop aglil agyokek owak agak. Nop agyoken tap mageptek gek ninid, God bine aginigabal agil agyokak agak. Agyokek apil, tap mageptek okok gek nepim agak. ²³ God ne nibi ginigabim tek ninid, Jisas nop di ñin adek nibop ak lek, dam binib God nop ma nepal okok kilop ñibek, mab bak alañ chipil pak tibik lel kumak agak. ²⁴ Yul awl dil kumak ak pen, kumbad ak nop chichik dinimun tek ma lak agak. God gek tepayan tikjakak agak. ²⁵ Pen Yislel binonim Depid, ne bilel Jisas nop takaw ak ñu kil tikil agak,

Yad nepin, Biawl ak ne yip pel wulep sinawl mideb agil tikak agak. Wulep sinawl mideb, yip kiles ñek, yad tap olap ma pilikinigayn agil tikak agak. ²⁶ Anigek yip tep gek, miñmiñ yibil gipin agil tikak agak. Kumnig abe ma pilikipin agil tikak agak. Yad nop gos ninid, tap teplep abe kod midebin agil tikak agak. ²⁷ Yip agup, Nad bi suntep yibil yad ak, binib kubal okok ayip midil ma kuy gi yownigaban agup agil tikak agak. ²⁸ Pel midep kanib ak yip yomnak tek, nad

2:21 Lom 10.13 **2:22** Jon 3.2, 14.10-11, Hib 2.4 **2:23** Mat 27.35, Mak 15.24, Luk 23.33, Jon 19.18, Apo 4.28, 1 Pi 1.20 **2:24** Mat 28.5-6, Mak 16.6, Luk 24.5, Apo 3.15, 4.10, 10.40, 13.30-31, 17.31, 1 Ko 15.15 **2:25** Sng 16.8-11 **2:27** Apo 13.35

ayip pelpel midil, miñmiñ ginigayn agil tikak agak.

²⁹ Pita ne Depid ñu kil tikak takaw anib ak agjuwil agak, Mam sikop. Depid takaw agak anib ak, ne ke dil ma agak. Based yes chin Depid ne kumek, kamilak kaw migan ak miñil abe nopun agak. ³⁰ Pen ne bi God gos ñek agñeb ak nim, ne nigak, God nop niñid yibil agil agak, Ñi nad tike, tikel amil apil ginigab okok, kidek ñi olap nad binonim mideban tek midil, binib kilop kod yenigab agak. ³¹ God agak anib ak nim, Depid nigak, kidek Klays kumil pisnep kuy gi yownimur tek ma lak agak. God gek tepayan tikjakinigab tek niñid, takaw anib ak agak. ³² God gek, Jisas tepayan tikjakek, widin chin ke niñid agobun agak. ³³ God Jisas nop man ne alan dad amil, ñin yipid kid okok ken lek, ne ayip mideb agak. Nap ned agak tek, Kawnan ne ak Jisas nop ñak agak. Ñek, chinop yokek nim, apek takaw keke apun awl nepim agak. ³⁴ Depid ne Jisas amnak tek ma amnak, God man ne alan agak. Pen ne takaw oginap tikil agak,

God ne Biawl yad anop agup, Nad ñin yipid kid yad okok besig yenimin agup agil tikak agak. ³⁵ Besig midil, mid dad amil, binib nad ayip penpen gep okok kilop tob muk nak okok len, taw tibikinigaban agup agil tikak agak. Pen Depid takaw agak anib ak, ne ke dil ma agak.

2:29 1 Kin 2.10, Luk 1.32, 1.69, Apo 13.36, 2 Ti 2.8 **2:30** 2 Sml 7.12-13, Sng 89.3-4, 132.11 **2:31** Sng 16.10, Apo 13.35 **2:32** Apo 1.8, 2.24 **2:33** Jon 14.26, Apo 1.4, 5.31, 7.55-56, 10.45, Epe 4.8, Hib 10.12 **2:34** Sng 110.1

³⁶ Anib ak Depid takaw agak anib ak, nibi Yisiel binib nigtep ginimib agak. Jisas bi mab bak alan chipil pak tibik lel kumak ak nop, God gek Biawl yibil mideb agak. Ne nokom Bi God nop aglup ak agak.

Binib kunay yibil tap si tap timel gilak ak keligil ñig pakilak

³⁷ Pita takaw anib ak agek, binib yelak okok nigel chibol gos kilop aj lakak. Aj lakek, kili Pita ayip bi Jisas takaw nop dad ameb wog jimñil gep okok ayip kilop agilak, Mam sikop, chin miñil tay ginigun agilak? ³⁸ Agelak Pita agak, Nibi nokom nokom tap si tap timel gipun ak taynen anigipun agil keligil, Jisas Klays nop gos ninid ñig pakinimib agak. Anigenigabim, God tap si tap timel gipim ak tig walig giyokil, Kawnan ne ak nibop yokinigab agak. ³⁹ God bilel aglil agak, Kawnan yad ak nibop yokil, ñapay nibi tikinigabim okok yokil, binib man pal okok kilop yokil ginigayn agak. God Biawl chin ak, binib ne dinig gup okok kilop midupsek, Kawnan ne ak yokinigab agak.

⁴⁰ Pita ne kiles gil agil, takaw kunay agil kilop agak, Nibi nigtep ginimib agak. Nibi binib okok titimel gipal tek keligil, midtep ginimib agak. Mel ak, yul awl dinigabim agak. ⁴¹ Pita ñin anib ak anigil agek, binib kunay yibil, anep 3,000 tek, takaw nop dil ñig pakilak. Pakil, kili apil biawl binib ne ned nib okok ayip jimñil yelak.

2:36 Apo 5.30-31 **2:37** Sek 12.10, Luk 3.10-12, Apo 9.6, 16.30

2:38 Luk 24.47, Apo 3.19 **2:39** Ais 57.19, Jol 2.28, Apo 10.45, 14.27, Epe 2.13, 2.17 **2:40** Lo 32.5, Plp 2.15 **2:41** Apo 2.47, 4.4, 5.14

Jisas binib ne okok geligipal tek

⁴² Bi Jisas takaw nop dad ameb okok takaw agñeligipal ak, binib okok kili nigtep gilig, nimam kilop gos ninid giñilig, tap midup tipag jimñil ñibilig, God nop agilig yeligipal. ⁴³ God bi Jisas takaw nop dad ameb okok kilop kod midakniñ, tap mageptek kunay yibil gelak, binib midupsek jel gek pilikilak. ⁴⁴ Binib Jisas nop gos linigilak okok jimñil yelak ak nim, binib an tap yek okok, binib tap ma yek okok kilop monmon ñilak. ⁴⁵ Lum awl, tap okok abe bi oginap tawelak mani dil, binib tap ma yek okok kilop bilok ñilak. ⁴⁶ Minek minek God agnigep kal awl kab wali kus gil yek ak migan ayan apnan geligipal. Pen kal kili okok abe nan gil, bilet tipagil miñmiñ gilig tap jimñil ñibeligipal. ⁴⁷ Anigilig, God nop tep ageligipal ninid, binib yokip okok kilop nigel tep gak. Biawl minek minek binib oginap sek opal ak kilop dek, ap binib ne ned nib okok ayip jimñil yeligipal.

3

Bi tob timel gak ak sun lak

¹⁻³ Bi olap nonim tikak ñin anep tob timel gak. Nop minek minek dad apil, God agnigep kal awl kab wali kanibtub gol sinjak lel, besig yoligup. Kanibtub anib ak, kanibtub teplep yibil agilak. Midilig, binib God agnigep kal awl kab wali kus gil

2:42 Apo 20.7 **2:43** Mak 16.17, Apo 4.33, 5.11-12 **2:44** Apo 4.32-35, 5.12, 6.8 **2:46** Luk 24.53, Apo 1.14, 20.7 **2:47** Apo 2.41, 4.33, 5.14, 6.7, 11.21, 11.24, Lom 14.18 **3:1-3** Sng 55.17, Jon 9.1, Apo 2.46, 10.3, 10.9, 10.30, 14.8

yek migan ak apil amelīgipal okok, kilop mani nen asib agoligup.

Pen minek olap Pita ayip Jon ayip, sub yipid gak won ak God nop pel agnigelīgipal, kal migan ak agniginig amnilek. Amil, bi tob timel gak anib ak kilop niñid agak, Yip tap oginap ñel agak. ⁴ Agek, kili nop niñijsek lil midilig Pita agak, Chilop nigan agak. ⁵ Agek, yip tap ñinigayl agil nig yek, ⁶ Pita agak, Mani yad ma mideb, pen tap yad mideb ak nep ñinigayn agak. Jisas Klays Nasalet nib ak, kiles ne ak nep gek, tikjakil amnon agak. ⁷ Anib agil, ñin yipid kid nop ak dil, di jakñakniñ, won anib anep tob nop okok sunj lil wos gak. ⁸ Sunj lek jakil am ap gil, kili ayip God agnigep kal awl kab wali kus gil yek ak migan ayan amnilak. Amilig, tilak tilak gilig, God nop tep yibil agilig amnak. ⁹⁻¹⁰ Anigek, binib yelak okok kili nigilak, bi tob timel pel apil kanibtub awl teplep gilak gol sinjak midilig, mani tap okok nen asib agoligup ak, ne tob yibil tawlig God nop tep yibil agek. Niñid ju dil, gos kunay nigilak.

Pita takaw agñak, God agnigep kal awl ak

¹¹ Won anib ak, bi anib ak ne Pita ayip Jon ayip kilop nab nab dakniñ, binib kunay yibil kasek ap niñid gos kunay nigilak. Kili God agnigep kal awl kab wali kus gil yek ak, Solomon kal bad ak agelīgipal yelak. ¹² Anigelak, Pita niñid anib agak, Yislel binib. Chilop taynen niñijsek lil gos pal awl lebim agak? Kili bi teplep yibil midil akan, kiles timel yibil midebil ak nim, gel bi anib awl kanib

ajeb agil gos ak nıgebım agak? Ak mel agak. ¹³ God ne Eblaham ayıp, Aysak ayıp, Jekop ayıp, based chin okok God kili agak. God anıb ak, ne bi wog giñeb ne Jisas yıb nop ak dad aplanak agak. Nibi pen, bi anıb ak nop ma dipek agak. Nop bi gapman God nop ma nepal ñın adek ak lipek agak. Lil, gapman biawl Paylat wisib yokin agek, nibi pen Jisas nop kud ñibek agak. ¹⁴ Bi suntep yibil anıb ak yipid gil mideb ak, nop kud ñil Paylat nop apek, Bi binıb paklup ak, nop kelige amnan apek agak. ¹⁵ Bi binıb gek pelpel midebal ak nop pisnep paklipek agak. Anıgipek ak pen, God gek tepayan tikjakıl konım mideb agak. Pen chil niñid anıb agobul agak. ¹⁶ Bi tob timel pel nepım awl, miñil sun lup nepım agak. Chil bi Jisas anıb ak nop gos linıgıl, chilop gos ñek, ne bi anıb anop gek sun linıgab agıl di jakñıbul agak. Di jakñıl, nop gek sun lup agak.

¹⁷ Pen mam sikop agak. Nibi biawl nibi okok ayıp, gos nigtep ma gipek ak nim, Jisas nop anıgipek agak. ¹⁸ Pen God, bine gos ñek agñeb okok midupsek kilop bilel gos ñek agılak, Kidek Bi God nop aglup ak yul awl yibil dil kumnıgab agılak ak nim, agılak tek nep gipek agak. ¹⁹ Anıb ak tap si tap timel gipun ak taynen anıgipun agıl kelıgil, God nop adıkid ownımıb agak. Anıgenıgabım, tap si tap timel gipım gach ak wik yokıngab agak. ²⁰ Anıgil nim, Biawl kiles ne nibop ñınıgab agak. God ne

3:13 Kis 3.6, 3.15, Mat 22.32, Luk 23.13-25, Apo 2.23, 7.32 **3:14** Mat 27.15-23, Mak 15.6-14, Luk 23.13-23, Jon 19.12-15 **3:15** Apo 1.8, 2.24, 2.32, 2.36, 4.10 **3:16** Mat 9.22, Apo 4.10, 14.9 **3:17** Luk 23.34, Jon 16.3, 1 Ko 2.8, 1 Ti 1.13 **3:18** Ais 50.6, 53.5, Luk 24.27, 24.44, Apo 26.22, 1 Pi 1.10-11 **3:19** Apo 2.38

Klays nibop nen agyoken nibop kod yenigab agil agyokinigab agak. Bi God nop aglup ak, Jisas ne nokom agak. ²¹ Pen bi God gos ñek agñeb okok bilel agilak tek, Jisas, Bi God nop aglup ak, ne God man ne alan mideb tek midil, kidek tap lum awl ayan mideb okok tepayan gitep ginig ownigab agak. ²² Bilel bi Mosis agak, God Biawl ne kidek bine gos ñek agñeb ak, yad tek olap agyokek, bi nib ayip midebim ak tek olap agak. Takaw aginigab ak midupsek nigtep ginimib agak. ²³ Binib takaw nop ma niginigabal okok, binib ne yibil okok ayip jimñil ma yenigabal agak. God ne kilop agyokil gi timel ginigab agak.

²⁴ Bi God gos ñek agñeb Samwel sek, bi God gos ñek agñeb kidek owlak okok sek, kili midupsek takaw agilak okok, miñil midobun ñin nab awl agilak agak. ²⁵ Bi God gos ñek agñeb anib okok, ñapay tikel, tik dad amil tik dad amil tikel nim, nibi midebim agak. Anib ak takaw nibop olap, God based Eblaham nop ginigayn agil takaw aglak agak. Nop takaw aglil agak, Ñapay nad tike, tik dad amil apil gil tiginigabal okok, olap yek ninid, binib okok midupsek kod midtep ginigab agak. ²⁶ Pen God bi wog giñeb ne ak nop tikjakil nibop ñinig agak, Nibop ned agyoken bi anib ak nibop kod midtep gek, nibi midupsek tap si tap timel gipim ak keliginimib agak. Anib agil, agyokek owak agak.

4

3:22 Lo 18.15-19, Apo 7.37 **3:23** Wkp 23.29 **3:25** Stt 12.3, 18.18, 22.18, Lom 9.4, 9.8, Gal 3.8, 3.26 **3:26** Mat 10.5, Luk 24.47, Apo 13.32-33, 13.46

Kili Pita ayip Jon ayip kilop dad biawl takaw tig asikep okok widin midup sinjak apil agilak

¹⁻² Pita ayip Jon ayip Jisas kumil tikjakak takaw ak binib kilop agñileknin, bi God nop sibogep okok sek, bi God agnigep kal awl polis biawl okok sek, bi Sajusi okok sek, kili takaw agilek anib ak nigilak. Ninid, binib oginap kumil ma tikjakipal anib ak taynen takaw anib ak agñebil agil milik nigilak. ³ Milik ninid, di nag lil, miñil dugap won awl mel, tol takaw agil di nag lep agilak. ⁴ Pen takaw agilek nin anib ak, binib kunay yibil Jisas nop gos linigilak. Bi anib okok apnan gilak nim anep 5,000 tek amnak.

⁵ Pen minek biawl takaw tig asikep oginap, Juda biawl oginap, bi kili Mosis takaw nu kil tikak ak nigtep gep oginap, Jelusalem apnan gilak. ⁶ Pen Anas, ne bi God nop sibogep biawl yibil ak, Kaya-pas ak, Jon ak, Aleksada ak, Anas bine oginap sek, kili ayip apnan gilak. ⁷ Anigil nig midilaknin, Pita ayip, Jon ayip kilop dap nab sinjak lil agilak, Bi tob timel gak ak taydil gel sun lup agilak? Kiles akal dil, wog anib ak anigil gipil agilak?

⁸ Agelak, Pita God Kawnan ayip yek ak nim agak, Nibi biawl takaw tig asikep okok sek, Juda biawl okok sek agak. ⁹ Chil tap telep yibil gobul agak. Pen chilop bi tob timel gak anop taydil gel sun lup agil, agnigebim agak? ¹⁰ Nibi okok, Yislel binib midupsek okok, takaw agebin ak nigtep ginimib agak. Jisas Klays bi Nasalet nib ak nop, mab bak alan chipil pak tibik lem kumak ak pen,

4:1-2 Mat 22.23, Luk 22.4, 22.52, Apo 23.8

Mat 21.23, Apo 7.27

4:8 Mat 10.19-20

4:4 Apo 2.41

4:7

4:10 Apo 2.24, 3.6,

3.13-16

God gek tepayan tikjakak agak. Bi anib ak nop ne nokom agnigol, bi tob timel gak anib awl nop gek pisnep sun lek, aj tep gup agak. ¹¹ Bi Jisas anib anop nim, buk Baybol kil tikil, takaw pal adan lil agilak,

Nibi bi kal gep okok, nigem kab meg olap tep ma gek keligipek ak pen, miñil kal meg nab awl ayan tek punil ñil mideb agil tikilak agak.

¹² God ne bi anib ak nep chinop agak ak nim, nop don, ne gek God binib ne yonigabun agak. Ne nokom bi kasin gep ak, chinop tig asik dinimun agak. Pen binib oginap kilop don, kili gel God binib ne yonigun tek ma mideb agak.

¹³ Pita anigil agek, biawl anib okok niñid gos pal awl lil agilak, Bi ominal awl sikul ma agilek ak pen, takaw anib awl ma pilikil monmon agebil agilak. Jisas ayip ajeligipal ak nim, anigebil agilak.

¹⁴ Kilop takaw kiles timel aginigel ak pen, bi tob timel sun lak ak, bi ominal ayip jak midakniñ, kilop ag ginigel tek ma lak. ¹⁵ Anib ak kili agilak, Ñili chinop bi Juda biawl takaw tig asikep okok keligil, senayan amnimil agilak. Anib agel, sen amelek, kili ke agnig agnig gil ¹⁶ agilak, Chin bi anib ominal ak kilop titay dinigun agilak? Tap mageptek ak gel, Jerusalem binib midupsek nepal agilak. Anib ak kilop yepis gipil agil, aginigun tek ma lup agilak. ¹⁷ Pen Jisas titay gak takaw anib ak, binib oginap kilop abe agel niginigel tek lup ak, kilop mel aginigun agilak. ¹⁸ Anib agil, kilop agel apel agilak, Jisas yib nop ak kidek ma yibil aginimil

4:11 Sng 118.22, Ais 28.16, Mat 21.42 **4:12** Mat 1.21, Apo 10.43

4:16 Jon 11.47, Apo 3.9-10 **4:18** Apo 5.28, 5.40

agilak. Binib okok kilop kidek ma yibil agñinimil agilak.

¹⁹ Anib agel pen agilek, Chil God takaw nop ak keligil, takaw nibop ak nigol, God nop tep ginigab akan agilek? Nibi ke nigim agilek. ²⁰ Pen Jisas titay gak, takaw titay agak ak keliginigul tek ma lup agilek. Tap anib ak ninjid, binib okok kilop agñinigabul agilek.

²¹⁻²² Anib agelek, biawl okok kili gos ke ninjid, bi anib ak sub anep 40 midil kidek sun lup ak, binib okok ninjid God yib nop dad aplanebal. Bi ominal anib awl kilop tap olap gonigabun, binib okok kabiyam junigabal agil, kilop yokip takaw awl agil, ag sen yokilak.

Binib Jisas nop gos linigilak okok God nop agel, kiles ñek God takaw agilak

²³ Pita ayip, Jon ayip kilop anigil ag sen yokilak. Yokel, bi ominal amil, Jisas binib ne okok kilop ninjid agñilek. Bi God nop sibogep biawl okok sek, Juda biawl okok sek, kili takaw titimel agilak anib okok midupsek agñilek. ²⁴ Agelek ninjid, midupsek God nop agilak, Nad biawl yibil, tap okok midupsek kod mideban agilak. Adekab alarj gilil, lum awl gilil, ñig solwala gilil, tap titay mideb okok midupsek gilinak agilak. ²⁵ Bilel Kawnan nad ak based chin Depid nop gos ñek, takaw nad ak tikil agak,

Taynen binib Juda mel okok midupsek kabiyam jupal agil tikak agilak. Binib okok taynen takaw aglil, tap timel gup anib okok gun

apal agil tikak agilak. ²⁶ Binonim man okok nib okok nib sek, biawl okok sek takaw ag jimñil, God ayip penpen ginigun agil, taw jisipuk gil midebal agil tikak agilak. Bi God nop aglup ak abe ayip penpen ginigun agil midebal agil tikak agilak.

²⁷ Based Depid, takaw agil tikak anib ak, niñid yibil agil tikak agilak. Gapman binonim Helod ayip Podiyus Paylat ayip, binib Juda mel oginap, Yislel nib oginap apil takaw ag adek nokom lilak agilak. Aglil, bi wog giñeb nad Jisas ak nop gi timel gilak, man awl anib ak agilak. Jisas bi suntep yibil, Bi nad nop aglup ak agilak. ²⁸ Pen ned Jisas nop aniginigabal aginak ak nim, yaw age gilak, yokip ak anib ma gipilap agilak. ²⁹ Biawl, miñil chinop takaw kiles timel yibil agebal agilak. Pen chin binib wog giñeb nad agilak. Chinop kod mide, chin ma pilikil, takaw nad ak binib okok kilop monmon kiles gil agñinigun agilak. ³⁰ Nad kiles ge, bi wog giñeb nad Jisas, ne bi suntep yibil ak, chin ayip kod midonimun agilak. Midil, binib tap gup okok gon sun lil, tap mageptek oginap sek ginigun agilak.

³¹ Pen anigil takaw agjuwelak, kal yelak ak monmon tek dak. Dil, God Kawnan ak apil kilop bak lek, ma pilikil, God takaw ak monmon kiles gil agñilak.

Binib tap yigilil ñitep gilak

³² Pen binib Jisas nop gos linigilak anib okok, takaw adek nokom agil, gos adek nokom niñid

4:27 Mat 27.1-2, Mak 15.1, Luk 23.1, 23.7-11, Jon 18.28-29, Apo 3.13

4:28 Apo 2.23, 3.18 **4:29** Apo 9.27, 13.46, 19.8, Epe 6.19 **4:31**

Apo 2.4, 4.29, 16.26 **4:32** Apo 2.44-45, 2 Ko 13.11, 1 Pi 3.8

gilak. Tap kili titay yek okok, midupsek tap chin ke agil ma nigilak, tap chin jimñil agil nigilak. ³³ Bi Jisas takaw nop dad ameb okok, takaw kili ak, takaw awl kiles gil ageligipal, Biawl Jisas nop ñag lel kumil tikjakek, nop niginok ageligipal. Pen God kilop midupsek ditep yibil gil, gitep gak. ³⁴ Kili olap tap oginap tek dek ma yelak, midupsek tap yek. Bi olap lum abe kal abe yek okok, kilop agek mani dap taweligipal. Tawel, mani dil dad apil, ³⁵ bi Jisas takaw nop dad ameb okok kilop ñeligipal. Kili pen dil, binib tap ma yek okok kilop bilok ñeligipal.

³⁶ Pen bi Lipay jij tik dad amil tikilak bi olap, yib ne Josep. Man ne Sayplus nib. Bi anib ak ne bi takaw sayn agil kilop agñitep goligup tek, bi Jisas takaw nop dad ameb okok, kili nop Banabas agilak. ³⁷ Banabas lum ne wakay olap agek tawilak. Tawel, mani anib ak dap bi Jisas takaw nop dad ameb okok kilop ñak.

5

Ananayas ayip bin ne Sapayla ayip yepis agilek

¹ Pen bi bel olap yelek. Nigimil yib ak Ananayas, bin ne yib ak Sapayla. Kili bel lum awl olap agelek kili tawilakniñ mani dilek. ² Dil, mani anib ak pis kid ak we gil, pis kid ak nigimil dad amil, bi Jisas takaw nop dad ameb okok kilop ñak. ³ Pen mani ak anigil dap ñek, Pita agak, Ananayas. Taynen Satan ayip midil yepis agil apan, Mani midupsek dad opin apan agak? Yepis apan anib ak, yip ma apan, God Kawnan ne ak nop apan agak. Mani

4:33 Apo 1.8, 1.22, 2.45-47

4:34 Apo 2.45

4:36 Apo 11.22-26,

13.2-3

5:2 Apo 4.34-37

5:3 Lo 23.21, Luk 22.3, Jon 13.2

nep lum awl tawpal anib ak, pis kid ak we gil opan agak. ⁴ Lum awl anib ak, lum awl nak agak. Aginig apinap, mel ak keliginig keligipinap agak. Pen age mani tawebilap, midupsek dad ownig dad opinap agak. Pis kid ak kal kelig ownig, kelig opinap agak. Taynen gos timel anib won ak nepan agak. Nak yepis apan ak, binib kilop ma apan, God nop apan agak.

⁵⁻⁶ Pita anib agek, Ananayas ninid won anib ak nep pisnep kumil, apyap lum ayan pakak. Pakek, bi pilaj okok apil, nop chech kam silokil, dam kamilak. Pen binib okok gak anib ak ninid, jel gek pilikilak.

⁷ Bin ne, nigimil nop kumek dam kamilak anib ak ma nigak. Ne yokip won olap tapin midil apjakak. ⁸ Apjakek, Pita nop agninid agak, Lum awl nili bel ak agel, titay tawilak agak? Agek agak, Nim bi ak dad owup tek tawilak agak. ⁹ Anib agek, Pita nop agak, Nili bel taynen takaw ag linig linig gil, yepis apil agak? God Kawnan ak takaw anib ak ma niginigab agil anib apil agak? Nigan. Nagimil kumek, dam kabal bi okok midebal kanibtub awl agak. Nep abe dad amnigebal agak.

¹⁰ Anib agek, won anib ak nep pisnep kumil, Pita tob agen sijak apyap pakak. Bi pilaj tun nigimil nop dam kamilak anib ak apil nigilak, bin ne abe pisnep kumek. Nop dad amil nigimil nop kamilak gol sijak kamilak. ¹¹ Klays binib ne okok sek, binib yokip okok sek tap gak anib ak ninid pilikelak, kilop jel timel yibil gak.

Bi Jisas takaw nop dad ameb okok, kili tap mageptek oginap keke gilak

¹² Bi Jisas takaw nop dad ameb okok, tap mageptek kunay binib nab okok gilig yelak. Binib Jisas nop gos linigilak okok, midupsek pel apnan geligipal. God agnigep kal awl kab wali kus gil yek ak, Solomon kal bad ak migan ak apnan geligipal.

¹³ Binib yokip okok, kilop nigel tep gak ak pen, pilikil kili ayip ma apnan geligipal. ¹⁴ Pen minek minek binib oginap sek Jisas nop gos linijid, binib ned nib okok ayip ap jimnil yeligipal.

¹⁵ Jelusalem binib okok kili bi Jisas takaw nop dad ameb okok tap mageptek gilak tek ninjid, binib tap gak okok dad kanib awl gol ak owlak. Apil, mij dam migan migan pal lil agilak, Pita padikek, sub kawnan ne ak kilop paknek sun linigab agilak. ¹⁶ Binib man wulep anib yelak okok abe, kili kunay binib tap gak okok dil, kicheki aban lil yelak okok sek dil, dad owlak. Dad apelak, bi Jisas takaw nop dad ameb okok gel kilop midupsek sun lak.

Juda biawl oginap, kili bi Jisas takaw nop dad ameb okok kilop gi timel gilak

¹⁷ Pen bi Jisas takaw nop dad ameb okok anigelak, binib kili yib kilop dad aplanilak. Aplanel ninjid, bi God nop sibogep biawl yibil ak sek, bogilak ne Sajusi okok sek kilop milik nigilak. ¹⁸ Milik ninjid, tikjakil kilop dil, dam nag lilak. ¹⁹ Kilop anigil dam nag lilak ak pen, nin anib anep kisilim ayan God agek, ensel olap owak. Apil, kanib ak yikil, kilop ponjid amek sen amnilak. Amel agak, ²⁰ Nibi God agnigep kal awl kab wali

5:12 Apo 2.43, 4.32, 14.3, Lom 15.19, 2 Ko 12.12 **5:14** Apo 2.41, 21.20 **5:15** Mat 9.21, 14.36, Apo 19.12 **5:16** Mak 6.56, Apo 19.11-12 **5:17** Apo 4.1-2, 4.6 **5:19** Apo 12.7-10, 16.26

kus gil yek ak migan ayan amil, binib okok kilop, titay del God gek konim midil pelnep yenigabal takaw ak, midupsek agñinimib agak. ²¹ Agek, man tikakniñ, God agnigep kal awl kab wali kus gil yek ak migan ayan amnilak. Amil, ensel agak tek, binib okok kilop takaw agñilak.

Anigil agñilakniñ, bi God nop sibogep biawl yibil ak sek, bine okok sek, kili bi Juda biawl takaw tig asikep okok midupsek kilop suk agel, takaw aginig apnan gilak. Apnan gil, Juda polis okok kilop agilak, Bi Jisas takaw nop dad ameb okok nag lipun ak, miñil am ponjid owim agilak. ²² Agelak, bi Juda polis anib okok amil nigilak, bi Jisas takaw nop dad ameb anib okok ma yelak. Anigek adikid apil agilak, ²³ Chin amil nopun, kanib ak giñilak tek mideb, bi polis okok abe kanibtub ak nig midebal ak pen, kanib yikil, kal migan ayan amil nopun, bi olap ma midebal agilak.

²⁴ Anib agelak, bi God agnigep kal awl polis biawl ak sek, bi God nop sibogep biawl okok sek takaw anib ak niñid, titay dup agil, gos kunay yibil nigilak. ²⁵ Anigil nig midilakniñ, bi olap apil kilop agak, Bi nag lipek okok, kili am God agnigep kal awl kab wali kus gil yek migan ak midilig, binib okok kilop takaw agñebal agak. ²⁶ Anib agek, bi God agnigep kal awl polis biawl ak, ne polis oginap ponjid, bi Jisas takaw nop dad ameb anib okok kilop dinig amnilak. Amil, binib chinop kab ju pakinigabal agil, kilop ma ag gilak. Kimigel ponjid owlak.

²⁷ Bi Juda biawl takaw tig asikep okok apnan gi yelak okok ponjid owlak. Ponjid apelak, bi God nop

sibogep biawl yibil ak kilop agak, ²⁸ Nibop Jisas takaw agak ak ma aginimib agil, kiles gil apun ak pen, ag mel ninid keligipun agak. Nibi Jelusalem binib kilop midupsek Jisas takaw ak agñibim agak. Chinop pen apim, Kili Jisas nop paklel kumak apim agak.

²⁹ Anib agek, Pita ayip bi Jisas takaw nop dad ameb wog jimñil gep okok ayip agilak, Binib takaw apal ak dil kidek ma ginigun, God takaw ak dil kidek ginigun agilak. ³⁰ Jisas nop mab bak alañ chipil pak tibik lem kumak ak pen, God gek tepayan tikjakak agilak. Based sikop kili God nop nep agnigeligipal agilak. ³¹ God gek tikjakek, nop man ne alañ dad amil, ñin yipid kid okok ken lak agilak. Anib ak nopun, ne nokom nim Biawl chin, bi kasin gep agilak. Ne chinop Yisles binib mapen nigup ak nim, tap si tap timel gipun ak taynen anigipun agil keligon, gach chinop tig walig giyokinigab agilak. ³² God gup anib ak nigtep gipun tek, binib okok agñibun agilak. God Kawnan ak abe nigtep gil, takaw anib ak tek agup agilak. Binib God takaw ne ak kidek gipal ak, God ne Kawnan ne ak kilop ñub agilak.

³³ Anib agelak, bi Juda biawl takaw tig asikep anib okok, kili kabiyam juwil agilak, Kilop pisnep paklinigun agilak. ³⁴ Anib agilak ak pen, nab anib ak biawl olap yek, yib ne ak Gamaliyel. Ne bi Pelisi God takaw nigtep gep kili olap. Juda binib midupsek nop nigel kilop tep goligup. Bi

5:28 Mat 27.25, Apo 2.23, 2.36, 4.18, 7.52 **5:29** Apo 4.19 **5:30** Apo 3.15, 10.39, 13.29, Gal 3.13, 1 Pi 2.24 **5:31** Apo 2.33-34, 3.15, Epe 1.20, Plp 2.9, Hib 2.10, 12.2 **5:32** Jon 15.26-27, Apo 1.8, 2.4, 10.44 **5:33** Apo 2.37, 7.54

Gamaliyel ne tikjakil agak, Bi tun awl kilop dam, senayan sikol won olap lem yelan agak. Anib agek sen amnilaknin, ³⁵ kilop agak, Yislel bi okol agak. Kilop titay ginigebim ak, gos nigtep gil ginimib agak. ³⁶ Nib nepim, ned bi Tewdas yad biawl agil agek nim, takaw ne agoligup ak bi kunay yibil anep 400 tek nigeligipal agak. Pen gapman bi okok nop pisnep paklelak, bi takaw nop nigilak okok, keke amel wog ne pisnep yowak agak. ³⁷ Pen kidek, yib dilak nin ak abe, bi Judas Galili nib ak agak, Yad biawl yibil midebin agak. Takaw apin tek nep ginigab agak. Chin gapman okok ayip penpen gil, kilop agyokinigabun agaknin, bi kunay yibil takaw nop kidek gilak agak. Anigelak pen, mid dad amil, bi anib ak nop paklelak kumak agak. Kumek, bi takaw ne agek nigilak okok, keke amnilak agak. ³⁸ Anib ak nim, nibop agebin agak. Bi midebal awl okok, kilop gi timel ma ginimib agak. Takaw kili ke apal ak, awl ginig tek gil apyownigab agak. ³⁹ Pen God ne nokom agek gipal ak, kilop tap olap ginimib tek ma linigab agak. Kilop timel ginig, kili ayip ma penpen ginigabim, God ayip penpen ginigabim agak.

⁴⁰ Gamaliyel anib agek, agak tek nigilak. Ninid, bi Jisas takaw nop dad ameb okok kilop agel apel, yokip paklilak. Paklil, Jisas takaw ak kidek ma yibil aginimib agil, kilop agyokelak amil, ⁴¹ bi Juda biawl takaw tig asikep okok kilop keligilak. Pen chinop taynen anigipal agil ma nigilak. God chinop Jisas bine yipid gil agil gek nim, chinop anigebal

5:36 Apo 21.38**5:37** Luk 2.1-2**5:38** Ais 8.10, Mat 15.13**5:39** Luk 21.15, Apo 7.51, 9.5, 1 Ko 1.25**5:40** Apo 4.18**5:41**

Mat 5.10-12, 1 Pi 4.13

agil, tep gakniŋ amnilak. ⁴² Amil, minek minek kal okok amil, God agnigep kal awl kab wali kus gil yek ak migan ayan amil, takaw teplep ak agñilak. Agñilig, Jisas ne nokom nim, Bi God nop aglup ak ageligipal.

6

Tap yigilil ñeb bi anep kugul ak aglilak

¹ Pen ñin nab anib ak, binib Jisas yil yelak okok kuŋay yibil amnak. Amek, Juda binib Glik takaw ak nigilak okok, kili Juda takaw yipid gil nigilak okok kilop ag gil agilak, Minek minek bin kañil nibi okok kilop mani tap midup tap okok yigilil ñitep gipim ak pen, taynen bin kañil chinop okok kilop anib ma gipim agilak. ² Anib agelak, bi Jisas takaw nop dad ameb okok anep umigan ak, kili binib Jisas yil yelak okok midupsek suk agel apel agilak, Mam sikop. Chin God takaw agñibun ak keligil, binib okok kilop tap yigilil ñinigabun ak, tep ma ginigab agilak. ³ Anib ak, nibi bi anep kugul ak niñid dem, kilop wog anib ak aglinigun agilak. Bi yokip oginap ma dinimib agilak. Bi God Kawnan ne ayip midil, gos nigtep gil, binib nigel tep gup okok dinimib agilak. ⁴ Anigil dem nim, kilop tap yigilep wog adek anib ak aglil, chin pen God nop agilig binib okok kilop takaw tep ak agñilig gi yonigabun agilak.

⁵ Anib agelak, midupsek nigel kilop tep gek, bi anep kugul ak aglilak. Bi anib okok nim, Stipen bi Jisas nop gos liniñid God Kawnan ne ayip nep

yek ak, Pilip ak, Plokolus ak, Nikanol ak, Timon ak, Palmenas ak, Nikolas ak. Bi Nikolas anib ak, ne taun Adiyok nib ak bi Juda mel ak pen, Juda binib gipal tek adek ak kidek gak. ⁶ Kilop aglil, dad bi Jisas takaw nop dad ameb okok yelak ak apel, kilop nin di midilig God nop agnigilak.

⁷ Pen God takaw ak agnel amnaknin, Jerusalem binib kunay yibil Jisas binib ne yil owlak. Bi God nop sibogep okok abe, kunay yibil Jisas nop gos lininid, bine yil owlak.

Kili Stipen nop biawl takaw tig asikep okok widin midup sinjak dad apil agilak

⁸ God ne Stipen ayip midil kiles ne ak nop nek, tap mageptek okok kunay yibil binib yeligipal nab okok goligup. ⁹ Pen Juda bi man keke okok nib oginap apnan gil, takaw adek nokom agel ninid, kilop Pliman* ageligipal. Bi anib okok, oginap taun Saylini nib, oginap taun Aleksadliya nib, oginap Silisiya plopens nib, oginap Esiya plopens nib. Kili Stipen gak tek ninid, ne ayip penpen agilak. Nop takaw kiles yibil gil agilak ak pen, ¹⁰ God Kawnan ak nop gos tep yibil naknin, takaw tay agilak ak, gos nigtep gil pen abe agek, nop pen aginigel tek ma lak.

¹¹ Pen kili Stipen nop ag mel ninid, am bi oginap kilop kimigel agtep gel, kili apil yepis agil agilak, Chin nopun, bi anib awl, ne Mosis takaw tikak ak

6:6 Apo 13.3, 14.23 **6:7** Jon 12.42, Apo 2.41, 12.24, 16.5, Kol 1.6

6:8 Apo 2.43 **6:9** 2 Ti 1.15 * **6:9** Pliman bi anib okok, kili ned bi wog gineb midil biawl kili muk okok yeligipal ak pen, minil biawl muk okok ma midebal. **6:10** Ais 54.17, Luk 21.15, Apo 5.39 **6:11** Mat 26.59-61

agjuwîl, God nop agjuwîl gup agîlak. ¹² Anîb agîl, Juda biawl okok dîl, bi kili Mosis takaw ñu kil tikak ak nigtep gep okok dîl, binîb yokîp okok dîl, chîbol kilop ak timel gek, ap Stipen nop dîl, dad bi Juda biawl takaw tig asîkep yelak okok amnîlak. ¹³ Dad amîl, bi yepîs agep ogînap sek dad apel, kili agîlak, Chîn nopun, bi anîb awl, ne pel God agnîgep kal awl ak takaw timel agîl, takaw Mosis ñu kil tikak ak takaw timel agîl gup agîlak. ¹⁴ Pen ne takaw olap agek nopun ak, anîb agup, Jîsas bi Nasalet nib ak, ne God agnîgep kal awl ak gi timel yîbil ginîgab agup agîlak. Pen ne Mosis takaw agek gîpal ak agek, kelîgil ginîgabab agup agîlak. ¹⁵ Pen bi anîb okok, bi Juda biawl takaw tig asîkep okok ayîp besîgil, Stipen nop ninîjsek lîl yelaknîj, jomulîk nop ak ensel jomulîk tek lak.

7

Stipen ne bi Juda biawl takaw tig asîkep okok kilop takaw agak

¹ Pen bi God nop sibogep biawl yîbil ak, ne Stipen nop agak, Takaw nep apal anîb ak, ninîd apal akan agak? ² Agek Stipen agak, Bapi mam sikop, nigîm agak. Based yes chîn Eblaham, bîlel taun Halan ma amnak, man Mesopodemiya nep yolîgup agak. Midaknîj, God Biawl tep yîbil chîn ak nop ap nigak agak. Ap ninîd, God ne nop agak, ³ Man nak awl kelîgil, binîb nak okok kelîgil, man yad nep agñîngayn ak amnîmîn agak. ⁴ Agek, Eblaham ne Kaldiya binîb man kili yolîgup ak kelîgil, taun Halan am yolîgup agak. Kîdek nap ne kumek, God

agek, ap yoligup man nıbi nım awl agak. ⁵ Ñın anıb ak, God Eblaham nop man awl wakay olap ma agak, yokip ap yoligup agak. Ñapay olap ma tikak, ñın anıb ak yokip yek agak. God pen Eblaham nop agak, Kidek man awl anıb ak, nad dinigaban agak. Ñapay nad tike, tikel tik dad amıl tıkinigabal okok, man awl anıb ak abe dil yenigabal agak. ⁶ Pen God takaw olap agak, Ñapay nad tike, tikel tik dad amıl tıkinigabal okok, am binıb ogınap man kılı ak yenigabal agak. Midel, binıb anıb okok binıb nak okok kilop midupsek nag lil, gi timel yıbil gil, nag wog tek aglel ginigabal, sub anep 400 yinigab agak. ⁷ Binıb okok kilop anıginigabal ak, yad kilop gi timel ginıgayn agak. Pen kidek binıb nak okok man anıb ak kelıgil, ap yıp kigom yımıl agnıginigabal, man nım awl agak. ⁸ Pen God Eblaham nop takaw ag adek nokom lil agak, Ñapay nad tike, tikel tik dad amıl tıkinigabal okok, nıbop midupsek kod yenıgayn ak nım, wak tıbilikınımıb agak. Agek, kidek Eblaham ñıne Aysak nop tıkil, ñın anep kugul ak midıl, ñın jel ak wak nop ak tıbilıkak agak. Aysak pen Jekop nop tıkak agak. Jekop ne pen, ñı anep umıgan ak kilop tıkek nım, çın Juda binıb jıj keke midobun agak.

⁹⁻¹⁰ Based anıb okok, nımam Josep nop nıgel yılık gek, nop dil bı ogınap kilop ñelak, tawıl dad man Yıjıp amnılak agak. Amel, bı yokip wog giñeb ak yoligup agak. Anıgil midıl, Josep midtep ma gak

7:5 Stt 12.7, 13.15, 15.3, 15.18, 17.8, 26.3, 48.4, Lo 2.5 **7:6** Stt 15.16, Kis 12.40, Gal 3.17 **7:6** Stt 15.13-14 **7:7** Kis 3.12 **7:8** Stt 17.10-14, 21.2-4, 25.26, 29.31-35.18 **7:9-10** Stt 37.11, 37.28, 39.2, 39.21, 41.37-41

ak pen, God ne Josep nop sawl ma gak agak. Ne ayip midil, minel ne okok midupsek gijuwil, Yijip binonim nop gos ñak agak. Ñek binonim agak, Bi Josep anib ak, ne nigtep yibil gup agak. Anib agil, nop agek, kal tap nop okok sek, man Yijip sek kod yoligup agak.

¹¹ Kidek ñin olap yuwan awl yibil ak, man Yijip sek, man Kenan sek owak agak. Apek, based chin tap midup piyow ninid, ñininigel tek olap ma yek, gos pal yibil lak agak. ¹² Jekop takaw olap nigak, tap midup yek man Yijip agak. Ak nim based chin sikop kilop ned agyokek, tap midup dinig amnilak agak. ¹³ Am didad apil, ñibjuwil, tepayan pen dinig amnilak agak. Amjakel, nimam Josep kilop agak, Mam sikop, yad namam nibi Josep nep agak. Agek, Yijip binonim ak, takaw anib ak ninid anib agak, Ak Josep nimam sikop ey agak. ¹⁴ Josep pen, bapi Jekop, binib ne okok yip kasek ownigel agil, takaw agyokek, bapi Jekop binib ne anep 75 dil, ayip owlak agak. ¹⁵ Jekop apil man Yijip midil ne kumak agak. Mid dad amil, based sikop anib okok midupsek kumdilak agak. ¹⁶ Kilop kamnig, dad adikid taun Sekem amil, kamilak agak. Taun Sekem anib ak, bilel based yes Eblaham, ne bi Hamol ñine sikop kilop tawil, chip kameb lum wakay anib ak tawak agak.

¹⁷ Pen God Eblaham nop ned ginigayn agil aglak tek ginig gaknin, binib chin okok, kili tikel amil apil

7:11 Stt 41.54, 42.1-2 **7:12** Stt 42.1-5 **7:13** Stt 45.1, 45.16

7:14 Stt 45.9-10, 45.17-18, 46.27 **7:15** Stt 46.1-7, 49.33 **7:16**

Stt 23.3-16, 33.19, 50.7-13, Jos 24.32 **7:17** Stt 15.5, Sng 105.24-25, Apo 7.5-7

gil, kunay yibil man Yijip yelak agak. ¹⁸ Ñin anib ak Yijip binib binonim kili kideyil olap dilak agak. Binonim anib ak pen, based Josep nop ma nigak agak. ¹⁹ Ak nim, binib chinop okok kilop yepis agil, gi timel yibil gak agak. Gi timel yibil gil, takaw kiles agek, ñapay kili okok tikil, sen okok yokel, ke midil kumeligipal agak.

²⁰ Anigilak ak pen, ñin anib ak, bi bel olap ñi tep yibil olap tikil, yib nop Mosis agilek agak. Ñi anib ak nop takan ominal nokom kal migan okok we gel yoligup agak. ²¹ Kidek dam senayan lelek, Yijip binonim payne ak ap nop ninid, dad amil, ñapay yad agil yimag loligup agak. ²² Nop anigil yimag lek awl gek, Yijip binib kili titay geligipal ak, nop agñitep gilak agak. Ne bi takaw kiles gil agil, wog kiles gil goligup agak.

²³ Pen Mosis sub anep 40 tek yin gak ñin ak midil, ne agak, Binib yad Yislel kilop am ninid owin agak. ²⁴ Pen ñin anib ak nigak, Yijip bi olap, ne bi Yislel olap nop gi timel gak agak. Mosis ninid, Yijip bi anop pisnep yibil paklek kumak agak. ²⁵ Pen Mosis gos ne nigak, binib yad Yislel binib okok, kili God Mosis nop gos ñek ap chinop kod yenigab agak. Chinop kod midil, kidek midtep ginigabun agil gos niginigabal, ne anigil gos nigak agak. Ak pen mel agak. Gos anib ak tek kili ma nigilak agak. ²⁶ Minek Mosis ap nigak, Yislel bi ominal penpen gelek agak. Ninid anib agak, Mam ominal. Ñili penpen gebil ak keliginimil agak. ²⁷ Agek, bine olap tap jij gak ak, ne Mosis nop diyokil agak,

Nep an agek, biawl midil, chinop kod mideban agak? ²⁸ Tolil Yijip bi olap paklinak ak, miñil pen yip paklinig apil ageban agak? ²⁹ Anib agek, bi paklipin anib ak nepal agil, Mosis pilik man Midiyan amnak agak. Amil, bi yokip olap tek yek agak. Ne bin dil, ñi omiñal tikak agak.

³⁰ Sub anep 40 tek yinak ak, Mosis man Midiyan yoligup agak. Kidek minek olap, am man nep binib ma yelak nab okok, Saynay dum wulep okok agak. Pen midil nigak, ensel olap ap mab bid ak midil, mab midupsek miñilan tek gak agak.

³¹ Anigek Mosis niñid, tap anib ak tay gup agil, wulep sinjak apil nigakniñ, Biawl ne Mosis nop agak. ³² Anib agak, Eblaham ayip, Aysak ayip, Jekop ayip, based yes okok ayip, God kili yad nokom agak. Anib agek, ak God nokom agup agil, pilikil nop niñid kuyan gak agak. ³³ Pen Biawl ne Mosis nop agak, Man anib ak yad ke, man suntep yibil mideb, anib ak tek tob tilup tigjuwan agak.

³⁴ Yad nepin, Yijip binib okok, kili binib yad Yislel kay kilop gi timel yibil gel, chib gek chan lipal agak. Anib ak niñid, kilop ap dinigebin agak. Nad tikjakan agak. Yad nep agyoken Yijip amnamin agak.

³⁵ Yislel binib kili Mosis nop ned agilak, An agek chinop kod yenigaban agilak agak. God pen ensel olap nop agyokek, mab miñilan tek gilig agek, Mosis ne Yislel biawl kili midil, kilop dinig adikid man Yijip amnak agak. ³⁶ Yijip amil, tap

7:29 Kis 2.21-22, 18.3-4 **7:30** Kis 3.1-10 **7:33** Jos 5.15 **7:35** Kis 2.14, 14.11-12, Nam 20.16 **7:36** Kis 7.3, 12.41, 14.21, 16.1, 16.35, Nam 14.33, Sng 105.27

mageptek okok kunay yibil gil, Yislel binib kilop dad ñig solwala Nikim apal ak tikiak agak. Tikiak kid adan amelak, tap mageptek okok gi yoligup agak. Man nep binib ma yelak nab okok midil anigak, sub anep 40 tek yinak agak. ³⁷ Mosis ne nokom nim, Yislel binib kilop takaw olap agak, God ne kidek bine gos ñek agñeb ak, yad tek olap agyokek, bi nib ayip midebim ak tek olap agak. ³⁸ Based sikop chin kili man nep binib ma yelak nab okok yeligipal, Mosis ne ayip yoligup agak. Dum Saynay amek, ensel nop takaw agñak agak. Takaw pel midep ak nop agñak agak. Takaw anib ak dil, chinop agñub agak.

³⁹ Mosis ne God takaw tep ak agñak ak pen, based chin okok takaw agak ak ma nigilak agak. Kili Mosis nop keligil, adikid Yijip amnun agil gos ak nigilak agak. ⁴⁰ Niñid, kili Mosis nimam Elon nop agilak, Namam nad, ne chinop Yijip nib dad owak ak, akal amub ak ma nopun agilak agak. Anib ak nad tap chin konim yimil agniginigun oginap gile, tap anib okok ned amek chin kidek ginigabun agilak agak.* ⁴¹ Anib agil, tap yepis agnigep olap, chag bulmakaw ñiluk tek kili ke gilak agak. Gilel, kilop tep gakniñ, tap ñineb pak dap sibog ñilak agak. ⁴² Anigelak, God kilop keligil agak, Anigipal ak, sub, takan, gap okok kigom yimil agnigilan agak. Ñin anib ak kili tap anib okok

7:37 Lo 8.15, 8.18, Mat 17.5, Apo 3.22 **7:38** Kis 19.1–20.17, Lo 5.1–33, Ais 63.9, Apo 7.53, Lom 3.2, Gal 3.19, Hib 2.2 **7:39** Nam 14.3 **7:40** Kis 32.1, 32.23 * **7:40** Mosis dum Saynay midil God takaw ak doligup anib ñin ak, kili takaw anib ak agilak. **7:41** Kis 32.2–6, Lo 9.16, Sng 106.19 **7:42** Sng 81.12, Jer 19.13, Ese 20.25, 20.39, 2 Te 2.11

agnigilak ak nım, bi God gos ñek agñeb olap, God agak tek, mij ak kil tikil agak,

Yislel binib agil tikak agak. Nibi ned sub anep 40 tek yınak ak, man nep binib ma yelak nab okok ajeligipim ñın ak, chag bulmakaw chag sipsip tap okok pakıl yıp sibogipek akan agil tikak agak? Ak yıp ma sibogipek agil tikak agak. ⁴³ Nibi pen tap yepis omıñal ke gilipek ak agnigeligipim agil tikak agak. Tap anıb ak, olap Molek ageligipim agil tikak agak. Olap gap tek gilil, Lapan ageligipim agil tikak agak. Tap yepis omıñal anıb ak nep, mij kal gi dad ajilig, agnig gi yeligipim agil tikak agak. Gipek anıb ak, yad nıbop diyoken, am man pal yenıgabım, man Babilon bak okok agil tikak agak.

⁴⁴ Stipen anıb agil, takaw olap pen agak, Bilel based sikop man nep binib ma yelak nab okok yeligipal ñın ak, Mosis amek, God nop takaw ogınap agil agak, Sel kal yıp agniginigel olap anıb anıb gil ginigel agak. Agek, Mosis apıl kilop agek, kal agak anıb ak tek gilak agak. ⁴⁵ Kidek, ñapay kili okok sel kal anıb ak dıl, Josuwa ayıp sel kal anıb ak dad owlak agak. Binib man anıb awl yelak okok, God kilop pısnep yuk yokek, based chin man anıb ak dilak agak. Sel kal anıb ak midıl, mid dad amıl, kidek binonım Depid yoligup agak. ⁴⁶ God Depid nop nıgek tep gak, Depid ne God nop

7:44 Kis 25.9, 25.40, 26.30, Hib 8.5 **7:45** Jos 3.14-17, 18.1, 23.9, Neh 9.24, Sng 44.2, Apo 13.19 **7:46** 1 Sml 16.1, 2 Sml 7.1-16, 1 Kin 8.19, 1 Sto 17.1-14, Sng 89.19, 132.1-5

agnijid agak, Yad kal tep olap gen, chin Jekop† ñapay ne okok apil, kal anib ak migan ayan nep gos nijid agniginigun akan agak? ⁴⁷ Anib agek ak pen, kidek ñine Solomon God agnigep kal awl agak anib ak gak agak.

⁴⁸ Pen God Biawl yibil adek alan mideb ak, binib ñin midup dil kal ginigabal ak, ne kal anib ak migan ayan ma yenigab agak. Bi God gos ñek agñeb olap takaw anib ak tikil agak,

⁴⁹ Adekab alan gilinek ak, besig midep yad agil tikak agak. Lum awl gilinek ak, tob yad lipin agil tikak agak. Yip kal tay tek ak gilem, yad añin lil yenigayn agil tikak agak? ⁵⁰ Tap anib okok midupsek yad ke gilinek agil tikak agak.

⁵¹ Stipen takaw anigil agil anib agak, Nibi takaw ma nijid, timel yibil gipim agak. Chibol nibop ak ma asikup agak. Tap lum ayan yil gos nepim agak. God Kawnan ak nibop gos tep ñek nepikep ak pen, pel mel apim agak. Nased sikop geligipal tek nep gipim agak. ⁵² Nased sikop kili bi God gos ñek agñeb okok kilop midupsek gi timel gilak agak. Bi oginap kili God bi teplep mideb ne ak ownigab agilak okok, nased sikop kili bi anib okok kilop midupsek paklilak agak. Nibi pen, bi teplep anib ak apek, mimug nijid ñapek agak. ⁵³ Pen takaw Mosis ñu kil tikak ak, God ensel okok kilop agak

† **7:46** Bi Jekop, yib ne olap Yisiel ageligipal. Ne Yisiel binib based kili yoligup. **7:47** 1 Kin 6.1-38, 8.20, 1 Sto 17.12, 2 Sto 3.1-17

7:48 1 Kin 8.27, 2 Sto 2.6, 6.18 **7:49** Mat 5.34-35, 23.22 **7:49** Ais 66.1-2 **7:51** Kis 32.9, Wkp 26.41, Lo 10.16, Ais 48.4, 63.10, Jer 6.10, 9.26 **7:52** 2 Sto 36.16, Mat 21.35, 23.31, 1 Te 2.15 **7:53** Kis 20.1, Apo 7.38, Gal 3.19, Hib 2.2

dad apil nibop ñilak ak, takaw anib ak niñid ma dipek agak.

Stipen nop kab dil paklel kumak

⁵⁴ Stipen takaw anib ak agakniñ, kilop milik timel yibil yapek, meg sulilig kabiyam julak. ⁵⁵ Pen God Kawnan ak Stipen ayip yek ak nim, God man ne alañ niñid nigak, God milek tep sek midil, Jisas ñin yipid kid sinjak yek. ⁵⁶ Niñid anib agak, Nigim. Yad nigebin, God man ne alañ migan yikil mideb agak. Bi Olap Ñine, God ñin yipid kid okok ken jakil mideb agak.

⁵⁷ Stipen anib agek, timud kili ak pil gil, nop takaw awl yibil agil, midupsek tikjakil ap nop chichik dil, ⁵⁸ kal nab keligil dad senayan ken amnilak. Dad amil, bi nop ag gil takaw kiles agilak okok, kabiyam juwil, tigris kili okok tig asik, bi pilaj Sol yek wulep sinjak lilak. Lel, ne kod midakniñ, kili Stipen nop kab ju pakilak.

⁵⁹ Nop anigil pakilakniñ ne agak, Biawl Jisas. Kawnan yip ak dan agak. ⁶⁰ Anib agil kigom yimil, suk awl yibil agak, Biawl. Yip paklebal awl, tap si tap timel gebal ak niñid keliginimin agak. Anib agil kumak.

8

Sol ne binib Jisas nop gos linigilak okok kilop paklak

7:54 Apo 5.33 **7:55** Mat 22.44, Apo 2.33-34, 5.31, 6.5 **7:56** Ese 1.1, Dan 7.13, Mat 3.16, Apo 10.11, Kol 3.1 **7:58** Lo 13.9, Luk 4.29, Apo 6.13-14, 22.20, Hib 13.12 **7:59** Sng 31.5, Luk 23.46 **7:60** Mat 5.44, Luk 23.34, Apo 9.40, 21.5

1-3 Stipen nop pakek kumak anib ak, bi Sol tep kumub agak. Stipen kumek, bi God nop ninid kidek goligup oginap, chib gek chan lilig dam kamilak. Nin anib ak, Juda kay kili binib Jisas nop gos linid Jelusalem yeligipal okok, kilop gi timel ginig gilak. Sol ne kal migan kili amilig, binib okok kilop monmon pak lipig dam nag loligup. Anigek, oginap pilik, Samaliya plopens amil, oginap pilik Judiya plopens tigon okok amnilak. Bi Jisas takaw nop dad ameb anep umigan ak, kili pen Jelusalem yelak.

Binib Jisas nop gos linigilak okok kili Samaliya plopens amil, God takaw agnilak

⁴ Binib Jisas nop gos linigilak okok, pilik am wakay okok yelak. Midil, binib anib okok kilop Jisas takaw tep ak agnilak. ⁵ Bi Pilip* pen, am Samaliya plopens yek. Midil, binib okok kilop agak, Bi God nop aglup ak, ne owup agak. ⁶ Agnilig, tap mageptek okok gak. Takaw ne titay agak ak, timud pak nigtep yibil gilak. ⁷ Binib kunay kicheki sek yelak okok, tap anib okok agek, wal agilig sen amnilak. Binib nin tob kumak okok sek, binib nin tob timel gak okok sek gek, sun lak. ⁸ Anigek, binib midupsek minimi yibil gilak.

⁹ Pen man awl anib ak, bi olap yoligup, yib ne Saymon. Ne kuj gil, yepis agil agoligup, Yad biawl agoligup. Samaliya binib kili ninid gos kunay yibil nigeligipal. ¹⁰ Binib yib yek okok, binib yib ma

8:1-3 Apo 7.58, 8.4, 9.1, 9.13, 9.21, 11.19, 22.4-5, 22.20, 26.9-11, 1 Ko 15.9, 1 Ti 1.13 **8:4** Mat 10.23, Apo 6.5, 11.19 * **8:5** Pilip bi anep kugul bi olap, kilop tap yigilep wog adek anib ak agilak. Aposel sapta 6 niginimin. **8:7** Mat 10.1, Mak 16.17

yek okok, kili midupsek Saymon takaw agoligup tek nep nigoligup. Niñid anib agoligup, Bi kiles timel anib awl, bi olap ke mel, nim biawl anep agoligup. ¹¹ Saymon ne kuj gil, tap mageptek okok pel gakniñ, binib okok gos kunay niñid, takaw agak tek nep nigeligipal. ¹² Kidek pen Pilip apil, ne God binib dil kilop kod yenigab takaw tep ak kilop agñilig, Jisas nim, ne Biawl ke yibil pel kod midobun ak agak. Anib agek, binbi Jisas nop gos liniñid ñig pakilak. ¹³ Saymon abe, Jisas nop gos liniñid ñig pakak. Pakil, Pilip nop nep kidek goligup. Kidek gek, ne tap mageptek okok kunay yibil gek niñid, Saymon gos pal yibil loligup.

¹⁴ Bi Jisas takaw nop dad ameb anep umigan ak, Jelusalem midel, kilop takaw olap agilak, Samaliya binib God takaw nepal agilak. Anib agelak niñid, Pita ayip, Jon ayip kilop agyokel, Samaliya amñilek. ¹⁵⁻¹⁶ Amil nigilek, binib Jisas nop gos liniñid ñig pakilak ak pen, God Kawnan ne ak ma dilak. Niñid, God nop agniñid agilek, Binib okol Kawnan nad ak kilop ñan agilek. ¹⁷ Anib agil kilop di midel, God Kawnan ne ak kilop keke yokak.

¹⁸ Kilimiñal anigil kilop di midel, God Kawnan ne ak binib okok kilop yokak ak, Saymon niñid, yad abe ginim agil, kilopmiñal mani yomilig agak, ¹⁹ God ñilop kod midakniñ, binib okok yokip di midel, Kawnan ne kilop yil amub agak. Anib ak ñilop tawil yad abe ginim agak.

²⁰ Anib agek, Pita agak, God Kawnan ne ak ñub

anib ak, taynen tawnig geban agak? Mani anib ak nak ayip kuy ginimunj agak. ²¹ Wog chil gipul ak nak ayip mel agak. Gos nad nepan ak, God nigek tep ma gup agak. ²²⁻²³ Yad nepin, gos timel nepan anib ak, nep nag lil wos gup agak. Nad tap si tap timel gipin ak taynen anigipin agil keliginimin agak. Milik nepan ak keligil, God nop nokom gos ninid agnigenigaban, timel yibil gipan anib okok tig walig giyokinigab agak. ²⁴ Agek Saymon agak, Nili Biawl anop agnigel, tap yip ginimunj agil agebil anib ak ma ginimunj agak.

²⁵ Pen Pita ayip, Jon ayip binib okok kilop, Jisas chilop titay gak takaw ak agnilik. Agnil, adikid Jelusalem amnig, kanib nab okok amilig, Samaliya binib wakay oginap kilop, Jisas takaw teplep ak agnilig amnik.

Pilip ne bi Yitiyopiya nib olap nop takaw agnak

²⁶ Pen Biawl ensel ne olap apil, Pilip nop agak, Tikjakil, Jelusalem nib taun Gasa abal kanib pal ak amnimin agak. Kanib anib ak, man nep binib ma yelak nab okok yek. ²⁷ Agek, Pilip kanib agak pal anib ak amil nigak, bi Yitiyopiya nib olap amek. Bi anib ak ne biawl olap, binawl man Yitiyopiya kod midepak nop wog gilig, mani nop kod yoligup. Pen ne Jelusalem amil, God nop agnig midil, ²⁸ adikid man Yitiyopiya amnak. Amnig, chag hos lipig dad ajup tap bad adek ak besigil, buk Baybol Aysaya kil tikak ak dil, nigilig amnak.

8:21 Sng 78.37 **8:22-23** Dan 4.27, 2 Ti 2.25, Hib 12.15 **8:24**
 Kis 8.8, Nam 21.7, 1 Kin 13.6, Jem 5.16 **8:27** Ais 56.3-7, Sef 3.10,
 Jon 12.20

²⁹ Pen God Kawnan ak Pilip nop agak, Chag hos tap bad lipig dad ameb ak bak sɔjak amil, ayip amnimil agak. ³⁰ Agek, kasek Pilip agak tek amil nigak, biawl Yitiyopiya nib anib ak, bi God gos ñek agñeb Aysaya mij kil tikak ak, nigilig amek. Pilip niñid anib agak, Mij nigilig ameban ak, takaw jij ak nige ban akan mel agak?

³¹ Agek agak, Binib oginap yip takaw anib ak agñel niñid tek, niginim agak. Anib agil, Pilip nop agak, Ap adek awl besige amnul agak. Agek, am adek anib ak besigak. ³² Pen buk Baybol Aysaya kil tikak anib ak agak,

Chag sipsip pakinig, yokip ponid amil pakipal agil tikak. Pen chag sipsip ñiluk wij kilop okok tikilakniñ, wal ma apal agil tikak. Anib ak tek, bi anib anop abe gel, takaw pen ma aginigab agil tikak. ³³ Nop agjuwil, kot niñid yibil ma agilak agil tikak. Tap timel olap ma yibil ginigab ak pen, nop yepis agil, kidek bi an tek midil anib anib goligup aginigab agil tikak? Ne ñipay oginap tik lek, binib okok anib apilap agil tikak. Pen nop pisnep paklilak, lum awl ma mideb agil tikak.

³⁴ Aysaya takaw agil tikak anib ak niñid, biawl Yitiyopiya nib ak ne Pilip nop agak, Bi God gos ñek agñeb ak, ne anop agak? Ne ke akan, bi olap nop agak? ³⁵ Agek, Pilip ne bi anib anop, Aysaya takaw tikak jij anib ak ned agil, ag ag Jisas nop takaw teplep ak agñitep gak.

³⁶⁻³⁷ Pen anigil takaw ag dad amilig nigilek, ñig

olap yek. Bi anib ak Pilip nop agniñid agak, Ñig mideb awl, yip ñig pakñinigaban agak? ³⁸ Agil, bi anib ak bi chag hos dad ameb nop agek niñid, chag hos ak yek. Pen ñili ñig ayan amil, Pilip bi anib anop ñig pakñak. ³⁹ Ñig pakñil owlekniñ, God Kawnan ak Pilip nop dad wakay olap amek, bi anib ak ne Pilip nop ma nigak. Ne pen miñmiñ gilig man Yitiyopiya amnak. ⁴⁰ Pen God Kawnan ak Pilip nop dam taun Asdod lek, Pilip binib man anib okok yelak okok kilop Jisas takaw teplep ak agñilig, gi dam dam taun Sisaliya amjakak.

9

Bi Sol ne Jisas nop gos linigak

¹ Pen Sol binib Jisas yil yelak okok kilop paklin agil, pel kiles yibil goligup. Minek olap am bi God nop sibogep biawl yibil anop agak, ² Yip mij oginap kil tikñenimin, dad Juda apnan gipal kal keke mideb taun Damaskus amniğayn agak. Amil, kilop ñinigayn agak. Mij anib ak tikil aginimin, Nibi Juda apnan gipal kal man Damaskus nib opim okok, binib Biawl kanib tep ne ameb apal oginap yenigel, Sol nop aginimib agil tikinimin agak. Agem, nag lil, dad Jelusalem ownimuj agil tikinimin agak. ³ Anib agek, mij tikñakniñ, dad taun Damaskus amnak. Wulep wulep gakniñ, milek awl ak wisip alan nib nop nigak. ⁴ Nigek, Sol apyap man ayan pakakniñ, takaw olap agak, Sol. Sol. Yip taynen pel pakinig gipan agak? ⁵ Agek agak, Biawl. Nad

8:39 1 Kin 18.12, 2 Kin 2.16, Ese 3.12-14 **8:40** Apo 21.8 **9:1**
 Apo 8.3, Gal 1.13, 1 Ti 1.13 **9:3** Apo 22.6, 26.12, 1 Ko 15.8 **9:4**
 Mat 25.40 **9:5** Apo 5.39, 1 Ko 15.8

an agak? Agek agak, Yad Jisas, yip pel paklinig gipan ak nep agebin agak. ⁶ Anib agil agak, Nad tikjakil, taun Damaskus amil, bi olap ap nep takaw aginimun tek ninid ginimin agak.

⁷ Pen bi Sol ayip owlak okok, ne apyap pakaknin, takaw midup anep ninid, bi nonim ak ma ninid, gos pal lil takaw oginap ma yibil agilak. ⁸ Ne anigil apyap pakil, tikjakil nigak, widin nop ak pisnep koy gak. Anigek, bine ayip owlak okok, nin kid nop ak dil, ponid Damaskus amnilak. ⁹ Nop anigil widin koy gek, nig, tap midup tap okok ma nibil, nin ominal nokom yokip nep yek.

¹⁰ Pen bi Jisas yil yek ak olap, ne Damaskus anib ak yek. Yib ne ak Ananayas. Ne day nigak, Biawl nop agak, Ananayas agak. Agek, Ananayas ne agak, Biawl. Yad midebin agak. ¹¹⁻¹² Agek, Biawl ne agak, Sol bi man Tasus nib ak, ne day nigup agak. Day nigup ak, nop am dinigaban, widin koy gak ak sun linigab agak. Ne miñil yip agnigilig mideb, Judas kal ak agak. Anib ak nad kanib Yipid apal ak amil, Judas kal amjakil kilop aginimin, Sol nop niginig apebin aginimin agak.

¹³ Biawl anib agek, Ananayas agak, Biawl. Yad nepin, binib kunay yibil apal, Bi Sol anib ak binib nep yil midebal okok, kilop pel gi timel yibil gup man Jelusalem apal agak. ¹⁴ Ne miñil owup awl, yokip ma owup agak. Bi God nop sibogep biawl okok, takaw kilop ak ninid, chin binib nep agninid yib nep apun okok, chinop nag lin agil owup agak.

9:7 Apo 22.9, 26.13 **9:10** Apo 22.12 **9:11-12** Apo 16.9, 21.39, 22.3 **9:13** Apo 8.3 **9:14** Apo 9.1-2, 9.21, 22.16, 1 Ko 1.2, 2 Ti 2.22

15 Ananayas anib agek, Biawl agak, Amnon agak. Bi anib anop wog oginap pisnep aglipin agak. Ne takaw tep yip ak, binib Juda mel okol kilop agñil, gapman binonim okol kilop agñil, Yislel binib okol kilop agñil ginigab agak. 16 Pen ne yul awl dil miñel awl dilig, wog yad anib ak ginigab agak. Anib okok nop ginigab ak, nop yomniḡayn agak.

17 Pen Ananayas anigil day niñid, Judas kal ak amil nigak, Sol yek. Nop dilig agak, Mam Sol agak. Biawl Jisas kanib nab misen gek niḡinak ak, yip agyokek apebin agak. Widin tep ak niñid, God Kawnan ak abe dinimin agak. 18 Anib agakniñ, tap bad tek widin nop yu gil yek ak, wanig yowakniñ, day widin nigak. Won anib anep tikjakek, Ananayas Sol nop ñig pakñak. 19 Ñig pakñek, Sol tap ñibek nop kiles ñak.

Sol God takaw agñak, taun Damaskus

Pen ñin oginap, Sol ne binib Jisas yil yelak okok ayip taun Damaskus yoligup.

20 Midil, Juda apnan gipal kal okok amel, Jisas takaw ak binib okok kilop agñil agak, Jisas, ne God Ñine yipid gil yibil agak. 21 Anigil agñek, binib midupsek niñid ju dilig agilak, Bi anib awl, binib Jisas nop agniñid yib nop apal okok, kilop gi timel goligup, man Jelusalem agilak? Chin niñid apun akan agilak? Miñil oginap sek nag lil, dam Jelusalem bi God nop sibogep biawl okok kilop ñin

9:15 Apo 25.13, 25.22, 26.17, 27.24, Lom 1.5, 1 Ko 15.10, Gal 2.7-8, 1 Ti 2.7 **9:16** Apo 20.23, 21.11, 2 Ko 11.23-28 **9:17** Apo 13.52, 22.12-13 **9:21** Apo 8.3, Gal 1.13, 1.23

agil owup tek lup agilak. ²² Sol ne Jisas takaw ag dad amil agak, Bi God nop aglup ak nim, Jisas nokom agak. Takaw anib ak kiles gil yipid gil yibil agak. Agek, bi Juda Damaskus yelak okok, takaw olap pen agnigel tek ma lak.

²³ Pen kidek mid dad amil, Juda kay apnan gil, takaw ag adek nokom lil agilak, Sol nop paklinigun agilak. ²⁴ Takaw agilak anib ak Sol nigak. Man awl anib ak, kab wali awl yibil gi kuskus gilak ak nim, kanib tam ajeligipal okok, Sol nop ñagun agil, subnab maynab ñiluk li yeligipal. ²⁵ Anigelak minek olap, maynab ayan bi takaw nop nigeligipal okok, kili nop wad migan awl ak yigilak. Yigil, nag tun gil, lipig alan nib ayan diyokelak amnak.

Sol ne Jerusalem am yek

²⁶ Pen Sol Jerusalem amil, binib Jisas yil yelak okok ayip jimñil yonigun agil nigak. Kili pen nop niñid, bi anib awl Jisas yil ma yek, chinop paklinig nep owup agil, pilikilak. ²⁷ Pilikelak, Banabas, ne Sol nop dad, bi Jisas takaw nop dad ameb okok yelak ak amil, kilop agak, Bi anib awl minek olap taun Damaskus amnig, kanib nab ak amek, Jisas misen gil nop takaw oginap agek nigak agak. Kidek Damaskus binib kilop ma pilikil, Jisas takaw tep ak monmon yibil agñak agak. ²⁸ Banabas anib agek, Sol nop delak, kili ayip Jerusalem midil, Biawl takaw tep ak ma pilikil, monmon yibil agñak. ²⁹ Pen bi Juda oginap, Glik takaw agilak okok, ne ayip penpen ag amil apil gil, pisnep paklun agil gos

9:22 Apo 17.3, 18.5, 18.28

9:23 Apo 23.12, 25.3, 2 Ko 11.23

9:23 2 Ko 11.32-33

9:26 Apo 22.17, Gal 1.17-19

9:27 Apo

4.36, 9.4, 9.20-22, 1 Ko 9.1, 15.8

9:29 Apo 6.1, 9.23, 11.20, 2 Ko

11.26

ak nigilak. ³⁰ Pen bi Jisas nop gos linigilak oginap, takaw anib ak ninid, nop ponid dam taun Sisaliya amil, agyokel taun Tasus amnak.

³¹ Nin anib ak, Klays binib ne Judiya plopens, Galili plopens, Samaliya plopens pelpel apnan gipal okok, kili midtep gilak. God Kawnan ak kilop kod midaknin, God takaw ma keligil, ditep yibil ginigun agil agilak. Anigil gos sek midil kiles gil jak tep gil midil, binib kunay yibil Jisas nop dilak.

Pita ne Ayniyas nop gek, jak amnak

³² Pita ne man keke nig ajoligup. Anigil nig ajil, minek olap binib Klays yil midebal okok kilop nigin agil, taun Lida amnak. ³³ Man anib ak, bi nin tob kumek olap, mij adek nep kin yek, sap yeb anep jel ak yek. Yib ne Ayniyas. ³⁴ Pita bi anib anop agak, Ayniyas. Tap nep gup ak, Jisas Klays gek sun linigab agak. Jakil, mij ak pal tep gan agak. Anib agaknin, nop sun lil tikjakak. ³⁵ Sun lek gi ajek, taun Lida binib okok sek, taun Salon binib okok sek nop nigilak tek, tap timel gipal okok keligil, Biawl nop nokom gos nigilak.

Bin Tabita kumek, Pita gek tepayan tikjakak

³⁶ Bin Jisas yil yek olap taun Jopa yek. Bin anib ak yib ne Tabita. Pen Glik takaw agil, nop Dokas agilak. Ne binib okok kilop kod midtep gil, binib yimgeptek okok kilop wog giñoligup. ³⁷ Pen Pita taun Lida midaknin, bin anib ak minak dil kumak. Kumek, chip nig paknil dam lilak, kal migan adek alan. ³⁸ Binib Jisas yil yelak okok, takaw olap

nigilak, Pita ap yek man Lida. Taun Lida anib ak, taun Jopa bak sinjak yek. Kili ninjid, bi ominjal yokel, amil agilek, Nad chil ayip kasek ape amnun agilek.

³⁹ Agel Pita tikjakil, kiliminjal ayip Jopa amnak. Amil, nop ponjid, Tabita kumak ak dam lilak kal migan adek alan amnilak. Pen bin kanil ap yelak okok, bin kumak anib ak ned kim midilig chech tap kilop yokip giñoligup okok, kili Pita nop yomilig chan lilak. ⁴⁰ Ne pen binib ap yelak okok kilop ag senayan yokak. Yokil, kigom yimil, God nop agil, tig adikil chip nigilig agak, Tabita. Tikjakan agak. Agek, bin anib ak Pita nop ninjid, tikjakil besigak.

⁴¹ Pita nin kid nop ak dil, di jaknil, am binib Klays yil yelak okok sek, bin kanil okok sek, kilop agek apel agak, Tabita awl agak.

⁴² Pen Pita anigek, takaw anib ak taun Jopa binib midupsek nigilak. Ninjid, binib kunay yibil kili Biawl nop gos linigilak. ⁴³ Pen Pita ne taun Jopa anib ak, bi chag bulmakaw wak wog goligup olap ayip nili pel yeligipil. Bi anib ak yib ne Saymon.

10

Ensel olap apil bi Koniliyus nop takaw agak

¹ Pen Lom bi chim kadin gep biawl olap, taun Sisaliya yoligup. Yib ne ak Koniliyus. Ne bi chim kadin gep kod yoligup okok, kilop Yitali bi chim kadin gep okok ageligipal. ² Biawl Koniliyus anib ak, binib kal nop ap yeligipal okok ayip, God nop gos ninjid kidek geligipal. Ne Juda binib yimgeptek okok, kilop mani tap okok monmon ñoligup. Pen

9:40 Mat 9.25, Mak 5.40-41, Jon 11.43, Apo 7.60 **9:43** Apo 10.6

10:1 Mat 8.5, Apo 27.1-3 **10:2** Apo 8.2, 10.22, 10.35, 22.12

ne God nop minek minek agoligup. ³ Minek olap sub kiyum gak won ak, day nigak, God ensel olap agyokek apil agak, Koniliyus agak. ⁴ Agek, nop ninijsek lig pilikilig agak, Biawl. Yip taynen agak?

Agek, ensel ak nop agak, Nad God nop agilig, binib yimgeptek okok kilop tap monmon ñilig gipan ak, nep sawl ma gup agak. ⁵ Nad bi oginap age, am taun Jopa amil, bi Saymon Pita apal ak nop am agel ownimunj agak. ⁶ Ne bi olap ayip midebil, ñig solwala gol ak agak. Bi olap anib ak, yib ne abe Saymon, bi chag bulmakaw wak wog goligup agak.

⁷ Pen ensel ak takaw anib ak agil amnakniñ, Koniliyus ne bi wog giñeb ne omiñal ak sek, bi chim kadiñ gep God nop gos nigak olap sek agek owlak. Bi chim kadiñ gep anib ak, ne Koniliyus ayip midil, nop wog giñitep goligup. ⁸ Apelak, ensel ak takaw titay agak ak kilop agñi tep gil, agyokek taun Jopa amniñ sanjilak.

⁹ Am am kanib nab ak kinilak. Minek am am, subnab awl alañ won ak, taun Jopa wulep wulep gilak. Won anib ak Pita, God nop aginiñ amnak, kal adek alañ. ¹⁰ Amil, God nop ag midakniñ, nop yuwan gak. Pen binib ne okok, tap dagil gilakniñ, ne day nigak. ¹¹ Day ninid nigak, wisip alañ migan yikil, tap olap wad awl tek ak alañ nib lum ayan owak. ¹² Wad migan anib ak sab chag, yawl, yoy okok keke kunay yibil yek. ¹³ Takaw olap pen agak, Pita. Tikjakil tap ñiñeb anib pi okok pak ñiñan agak. ¹⁴ Agek pen agak, Biawl, mel agak. Chin Juda binib

tap asin anib okok yad ma ñibin agak. Tap olap ñiben, widin midup nak adek sinak tep ma gup agak. ¹⁵ Agek, takaw anib ak tepayan agak, God tap titay gek sun mideb okok, tap asikep agil ma aginimin agak. ¹⁶ Day nigak anib ak, tepayan ninid tepayan ninid tepayan ninid gak. Won anib anep tap wad awl anib ak, adikid wisip alan amnak.

¹⁷ Anigek, Pita day nepin anib ak tay ginigab agil, gos kunjay nigak. Nig midaknin, bi Koniliyus agyokek nop agnig owlak bi kab ak, kanibtub ak amjakilak. ¹⁸ Amjakil agilak, Bi Saymon, yib ne olap Pita apal ak, awl mideb akan agilak?

¹⁹ Pen Pita ne day anib ak nig yek, God Kawan ak Pita nop agak, Bi ominal nokom apil nep piyowebal agak. ²⁰ Yad ke agen nep piyowebal anib ak, kilop gos kunjay ma niginimin agak. Tikjakil, ayan amil, kili ayip amnimib agak.

²¹ Agek, ayan amil kilop ninid anib agak, Bi piyow ngebim ak nim, yad nokom agak. Yip takaw olap aginig opim akan agak? ²² Agek agilak, Biawl Koniliyus, Lom bi chim kadin gep biawl olap, ne chinop agyokek opun agilak. Ne bi teplep yibil, God nop gos ninid kidek gek, Juda kay nop nigel tep gup agilak. God ensel ne olap apil nop agak, Nad bi oginap agyoke, am Saymon Pita nop ponid apel, takaw aginimun ak niginimib agak agilak.

Pita Koniliyus kal ne amnak

10:15 Mat 15.11, Mak 7.15, 7.19, Apo 10.28, Lom 14.14-20, 1 Ko 10.25 **10:19** Apo 11.12, 13.2 **10:22** Apo 10.1-2, 22.12

²³ Anib agel, Pita kilop agek kal migan amil kinilak. Minek Pita ayip, bi Jopa nib Jisas nop gos linigilak oginap ayip, Koniliyus agyokak bi tun ak ayip amnilak. Am am kanib nab ak kinilak. Minek nim, taun Sisaliya amjakil, Koniliyus kal ak amnilak. ²⁴ Pen Koniliyus ne Pita apeb agil, binib ne okok sek, numi nimam ne okok sek kilop suk agek apnan gil yelak. ²⁵ Pita amil, kal migan amnig gakni, Koniliyus nop tep gak. Anigek, Koniliyus am tob agen amil, kigom yim gilig, Pita yib nop ak dad aplanak. ²⁶ Anigek, Pita nop di jaknil agak, Jakan. Yad God mel, yad bi yokip nen agak.

²⁷ Agek jakakni, takaw agilig kal migan ayan amnilek. Amil, Pita nigak, binib kunay yibil apnan gil yelak. ²⁸ Niñid, kilop agak, Nibi ke nepim, chin Juda okok, binib Juda mel oginap ayip yonigun tek ma lup agak. Kal kili binib Juda mel okok wilikil ayip ma yonigun tek lup agak. Pen God yip takaw olap agak ak nim, binib oginap asin midebal agil, kilop asikinim tek ma lup agak. ²⁹ Anib ak niñid nim, Koniliyus takaw agup ak niñid ma keligipin, agup tek niñid opin agak. Anib ak yip tay ginig agem opin agak?

³⁰ Pita anib agek, Koniliyus agak, Yad bi anib okok nep agyokipin nin anib ak, nab sinawl sub kiyum gak won awl tek, kal migan ayan God nop ag midilig niginek, bi chech kayig yibil yimak olap, apil yenek sinak misen lak agak. ³¹ Gil agak, Koniliyus. Nad God nop agilig, mani tap okok binib yimgeptek okok kilop monmon niban ak,

10:23 Apo 10.45, 11.12 **10:26** Apo 14.13-15, Lep 19.10 **10:28** Jon 4.9, Apo 15.8-9, Gal 2.12-14, Epe 3.6 **10:30** Apo 1.10, 3.1
10:31 Dan 10.12, Hib 6.10

God nīgup agak. ³² Anīb ak nīm, bi oginap agyoke, taun Jopa amil, bi Saymon yīb nop olap Pita apal ak, ponid ownigel agak. Ne bi olap ayip midebil, ñig solwala gol ak agak. Bi olap anīb ak, yīb ne abe Saymon, bi chag bulmakaw wak wog goligup agak. ³³ Ensel ak yip anīb agek, yad kasek biyad oginap agen, nep am ponid apel nīm, yip tep gup agak. Kal awl God ayip midobun tek, takaw midupsek kilop aginimin agil nep agup ak, chinop age nīgun agak.

Pita ne Koniliyus binib ne okok kilop God takaw agñak

³⁴ Koniliyus anīb agek, Pita agak, Yad miñil nepin. God chinop Juda binib nep din agil gos ak ma nīgup agak. Binib man okok midupsek dinigab agak. ³⁵ Man okok midupsek, binib nop gos niñid muk ne okok apil gitep yibil ginigabal okok, kilop dinigab agak. ³⁶ Pen God chinop Yislel binib dinig, takaw teplep agak ak nepim agak. Takaw anīb ak anigil agñilak, God ne chin ayip kimigel midon agil, Jisas Klays nop agyokek owak agilak agak. Jisas ne Biawl ak, chinop midupsek kod mideb agilak agak. ³⁷⁻³⁸ Tap anīb anīb gak ak man Yislel, bi oginap agel nepim agak. Ned Jon Bi Ñig Pakñeb ak ñig pakñilig, takaw tep agñak agak. Kidek, tap anīb okok jī gīl gak, Galili plopens agak. Bi Jisas taun Nasalet nib, God ayip midil nop aglup ak, God ne Kawnan ne ak Jisas nop yokek kod yek agak. Ne

10:34 Lo 10.17, 1 Sml 16.7, Lom 2.11, Gal 2.6, Epe 6.9, Kol 3.25, 1 Pi 1.17 **10:35** Jon 9.31, Lom 2.13, 1 Ko 12.13, Gal 3.28, Epe 3.6

10:36 Sng 107.20, Ais 52.7, 57.19, Mat 28.18, Lom 10.12, Lep 17.14

10:37-38 Mat 3.16, 4.12-17, Luk 4.14, 4.17-20, Jon 3.2, Hib 1.9

man okok ajil, binib yokip okok ditep gilig, binib kicheki biawl ak gek koslam yelak okok kilop gek, sun lak agak. Anigek, takaw anib ak ag dad amil, ag dad amil, binib Judiya midebal okok midupsek nigilak agak.

³⁹ Pen Jisas, ne chin Juda binib man okok gi ajil, taun Jelusalem gi ajil gak gak tek, chin ke niginok tek agebin agak. Nop mab bak alanj chipil pak tibik lel kumak ak pen, ⁴⁰ nin ominal nokom midil, God gek tepayan tikjakil, apil misen lek niginok agak. ⁴¹ Binib midupsek nop ma nigilak agak. God chinop binib ne aglup okok nep, nop yomek misen niginok agak. Chin nim ne kumil tikjakil, ayip jimnil tap nininok agak. ⁴² Chinop agak, Takaw tep yad ak binib okok kilop agnitep gilig aginimib agak. Kidek God agek, bi aglup nokom nim ak, binib kumilak okok sek, binib kim yenigabal okok sek, kilop midupsek tig asik bilokinigab agak. ⁴³ Pen adek anib ak, bi God gos nek agneb okok midupsek agilak, Klays ne apil ginigab tek, binib nop gos liniginigabal okok, God kilop midupsek tap si tap timel gipal ak tig walig giyokinigab agilak agak.

Binib Juda mel oginap God Kawnan ne ak dilak

⁴⁴ Pen Pita anigil takaw ag midaknin, binib midupsek takaw anib ak nigilak okok, God Kaw-

10:39 Apo 2.32, 5.30 **10:40** Apo 2.24, 1 Ko 15.4-7 **10:41** Luk 24.42-43, Jon 14.17-24, 15.27, Apo 1.8, 13.31 **10:42** Mat 28.19-20, Apo 17.31, Lom 14.9-10, 2 Ko 5.10, 2 Ti 4.1, 1 Pi 4.5 **10:43** Ais 33.24, 53.5-6, 53.11, Jer 31.34, Dan 9.24, Mai 7.18, Sek 13.1, Lom 10.11, Gal 3.22 **10:44** Apo 4.31, 8.15-16, 11.15, 15.8

nan ak kilop bak lak. ⁴⁵⁻⁴⁶ Bak lek, takaw yibil keke agilig, God yib nop ak dad aplanilak. Anigelak, bi Juda Jisas nop gos linijid, Pita ayip owlak okok, kili judil nijid anib agilak, God ne Kawnan ne ak, binib Juda mel okol kilop monmon yokek apil bak lup agilak. Pita pen agak, ⁴⁷ God Kawnan ne ak chinop yokak tek, miñil binib okol kilop abe yokup agak. Anib ak ñig pakinig agel, binib oginap kilop mel aginigel tek ma lup agak. ⁴⁸ Anib agil, bine oginap agek, Jisas yil midebal agil, kilop ñig pakñilak. Pakñelak agilak, Pita. Ñin kab olap chin ayip yenimin agilak.

11

Pita ne Jerusalem amil, tap ne gak tek agak

¹ Pen Pita binib Juda mel okok kilop God takaw ak agñek dilak anib ak, bi Jisas takaw nop dad ameb okok sek, binib Jisas yil yelak Judiya nib okok sek nigilak. ² Anib ak kidek Pita Jerusalem amek, Juda bi wak tibilikinipun ageligipal okok, nop takaw kunay agil ³ agilak, Nad taynen amil, binib wak ma tibilikipal okok ayip tap jimñil ñiban agilak?

⁴ Anib agelak, Pita pen tap okok midupsek gak agil kilop agñilig agak, ⁵ Yad taun Jopa midil, God nop ag midilig day niginek, wad awl olap tek wisip alan nib yip yil owak agak. ⁶ Apek, yad wad anib ak yek wulep sinjak amil niginek, sab chag, yawl, yoy okok keke kunay yibil yek agak. ⁷ Takaw olap pen

10:45-46 Apo 2.4, 10.23, 11.18, 19.6, Gal 3.14 **10:47** Apo 8.36, 11.17, 15.8-9, Lom 10.12 **10:48** Apo 2.38 **11:3** Apo 10.28, Gal 2.12 **11:5** Apo 10.9-48

yip agak, Pita. Tikjakil tap ñiñeb anib pi okok pak ñiñan agak. ⁸ Agek pen aginek, Biawl, mel aginek agak. Chin Juda binib tap asin anib okok yad ma ñibin aginek agak. Tap olap ñiben, widin midup nak adek sinak tep ma gup aginek agak. ⁹ Agen, takaw anib ak wisip adek alan nib apil tepayan agak, God tap titay gek sun mideb okok, tap asikep agil ma aginimin agak. ¹⁰ Day niginek anib anep, tepayan ninid, tepayan ninid, tepayan ninid ginek agak. Pen won anib anep tap wad awl anib ak, adikid wisip alan amnak agak.

¹¹ Won anib ak, bi ominal nokom kal chin midonok ak apjakilak agak. Bi anib okok biawl Koniliyus, taun Sisaliya nib ak agyokek, yip ponjidinig owlak agak. ¹² God Kawnan ak yip agak, Gos kunay ma niginimin, kili ayip monmon amninin agak. Anib agek, yad mam Jisas nop gos linepal anep kagol nim okol ayip Koniliyus kal ak amninok agak. ¹³ Amjakon, Koniliyus agak, Ensel olap kal migan yad apil yip agak, Bi oginap agenimin, taun Jopa amil, bi Saymon Pita apal ak nop ponjid ownigel agak. ¹⁴ Apel, nep Jisas takaw tep ak agñinigab agak. Agñek, takaw anib ak dem, God ne binib kal nad ayip midebim okok midupsek tig asik dek, binib ne yenigabim agak.

¹⁵ Koniliyus yip anib agek, yad jii gil takaw agineknin, God Kawnan ne ak chinop ned yokak tek, binib anib okok kilop abe yokak agak. ¹⁶ Yokek, Jisas chinop agak takaw ak gos niginek agak. Ne agak, Jon binib kilop ñig pakñak, God ne

11:12 Jon 16.13, Apo 10.19, 10.23, 10.45 **11:14** Apo 16.31

11:15 Apo 2.4 **11:16** Jol 2.28, Mat 3.11, Jon 1.26, 1.33, Apo 1.5

pen Kawnan ne ak nı̄bop pakñinı̄gab agak. ¹⁷ Pen chin Biawl Jisas Klays nop gos linı̄ginok ñin ak, God Kawnan ne ak chinop yokı̄p yokak tek, kilop abe yokak agak. Anı̄b ak taydı̄l God nop mel aginim agak?

¹⁸ Pita anı̄b agek, bi nop takaw kunay agı̄lak okok takaw anı̄b ak nı̄nı̄d, anı̄b agı̄lak, Gos nad ke nı̄nı̄d, binı̄b Juda mel okok kilop yil ma amninak agı̄lak. God kilop dinı̄g, nep agek amninak ak, takaw ma mı̄deb agı̄lak. Anı̄b agı̄l, God nop tep agı̄lı̄g agı̄lak, Chinop nep mel, binı̄b Juda mel okok abe, tap si tap timel gı̄pun ak taynen anı̄gı̄pun agı̄l kelı̄gel, God kilop gek pelpel yenı̄gabab agı̄lak.

Adiyok binı̄b kili Jisas takaw ak nı̄gı̄lak

¹⁹ Pen Stipen nop paklak ñin ak, binı̄b Jisas nop gos linı̄gı̄lak okok, kilop abe gi timel gel, pilik keke amnı̄lak. Oginap pilik man Ponisiya amnı̄lak, ogınap man olap Sayplus amnı̄lak, ogınap taun Adiyok amnı̄lak. Amı̄l, Jisas takaw teplep ak binı̄b Juda mel okok kilop ma agñı̄lak, Juda binı̄b okok kilop nep agñı̄lak. ²⁰ Pen bi ogınap man Sayplus nı̄b, ogınap taun Saylini nı̄b pilik taun Adiyok amı̄l, Biawl Jisas takaw teplep ak, Juda binı̄b sek, Juda mel okok sek kilop agñı̄lak. ²¹ God kiles ne ayı̄p mı̄daknı̄n, takaw agñel, binı̄b kunay yı̄bil Biawl nop gos linı̄nı̄d, tap gi timel gı̄pal okok kelı̄gı̄lak.

²² Pen Klays binı̄b ne Jelusalem pelpel apnan gı̄pal okok, kili takaw anı̄b ak nı̄nı̄d, bi Banabas nop agel taun Adiyok amnak. ²³⁻²⁴ Ne bi tep,

11:17 Apo 10.47, 15.8-9 **11:18** Apo 13.48, 14.27, Lom 10.12-13, 15.9, 15.16 **11:19** Apo 8.1-4 **11:21** Apo 2.41 **11:22** Apo 4.36 **11:23-24** Apo 2.41, 5.14, 6.5, 11.21, 13.43

God Kawnan nop bak lek, Jisas nop kiles gil gos linigak. Ak nim, man Adiyok amjakil, God binib okok ayip nep yek ninid, nop tep gak. Kilop takaw oginap sek agñitep gilig agak, God nop dipim ak, ma keliginimib agak. Nop chigil nep yenimib agak. Wog anib ak gaknin, binib kunay yibil Jisas nop gos linigilak.

²⁵ Banabas pen, Sol nop am dad owin agil, taun Tasmus amil piyowak. ²⁶ Piyow ninid, ponid adikid taun Adiyok owlek. Apil, sub nokom anib ak, Klays binib ne pelpel apnan gipal okok kilop God takaw tep ak agñilig yelek. Adiyok binib yokip okok, kili binib Jisas yil yelak okok kilop ninid ned agilak, Kili Klisten binib midebal agilak.

²⁷ Ñin anib ak, bi God gos ñek agñeb Jelusalem nib oginap, Adiyok owlak. ²⁸ Apel, God Kawnan ak bi kili Agabus nop gos ñek, ne tikjakil agak, Yuwan awl yibil ak, man awl midupsek ginigeb agak. Agek, agak tek yuwan awl yibil ak, kidek Lom gapman binonim* Klodiyus kod yoligup ñin ak owak. ²⁹ Adiyok binib Jisas yil yelak okok, kili takaw anib ak ninid anib agilak, Binib Jisas nop gos nigilak Judiya plopens midebal okok, yuwan midebal tek, chin nokom nokom kilop mani oginap ñinigin agilak. ³⁰ Anib agil, mani li nan gil, Banabas ayip Sol ayip kilop ñil agilak, Dad amil, bi Klays binib ne okok kilop kod midebal okok kilop ñinimil agilak.

11:25 Apo 9.30 **11:26** 1 Pi 4.16 **11:27** Apo 13.1, 15.32, 21.9, 1 Ko 12.28, Epe 4.11 **11:28** Apo 21.10 * **11:28** Lom binib okok, kili gapman binonim kili okok midupsek kilop Sisal ageligipal. **11:29** Lom 15.26, 1 Ko 16.1, 2 Ko 9.1 **11:30** Apo 12.25

12

Gapman binonim Helod ne Jemis nop paklil, Pita nop nag lak

¹ Ñin nab anib ak, gapman binonim Helod, ne binib Klays yil yelak oginap dil, kilop gi timel yibil ginim agil nag lak. ² Bine okok kilop agek, kili baynat dil Jemis nop pisnep punil lel kumak. Jemis, ne Jon nimam ne ak. ³ Helod agek anigelak, Juda binib okok tep agil nigilak. Pen anigil nigilak tek, Helod Pita nop abe agek, di nag lilak. Gilak anib ak, Juda ñin awl kili Pasopa bilet ñibal ñin nab sinak gilak. ⁴ Helod ne Pita nop anigil dam nag lil, bi chim kadin gep anep jel pis kid ak kilop bilok tigawup tigawup lil, subnab maynab kod nep yenimib agak. Helod gos ne nigak ak, Pasopa ñin awl ak apil padikek yil, kidek nop dad binib yenigabal nab ak amil, kot ginigabun agil nigak. ⁵ Pen Pita anigil nag lil midaknin, binib Jisas nop gos linigilak okok, nop nen agil, God nop kiles gil agnig yelak.

⁶ Pen gapman binonim Helod ne Pita nop kot ginim agil nigak ñin ak, maynab ayan nop nag kiles timel ominjal tun gilak. Tun gil, bi chim kadin gep ominjal adan adan nig yileknin, Pita nab ayan kinek. Bi chim kadin gep oginap senayan midil, kanibtub ak nig yelak. ⁷ Won anib ak, God ensel ne olap apil, kal migan anib ak milek paknak. Paknek, Pita tigilem nop pakil agak, Kasek tikjakan agak. Agek, nag kiles timel ñin nop tun gilak ak asikak. ⁸ Ensels ak nop agak, Sibnag nad ak pog lil, tob

tilup ak lan agak. Agek, agak tek gek, ensel ak agak, Chech palawl ak le amnul agak. ⁹ Agek, chech palawl ne ak lil, kal migan yek ak keligil, ensel ak ayip sanjidilek. Ensel gak anib ak, Pita ne agnigak en, ak day nigebin agil nigak. ¹⁰ Pen bi chim kadin gep nig yelak kanibtub ominal ak sil gil, kanib kiles timel senayan ak ke yikaknin, senayan amnilek. Amil, kanib nab okok amilig, won anib anep ensel ak Pita nop keligil amnak.

¹¹ Anigek, ninid anib agak, Miñil nigtep gebin agak. Ak Biawl nep, ensel ne ak agyokek, apil gapman binonim Helod yip nag kiles lup ak wisikup agak. Gapman binonim Helod sek, Juda binib okok sek tap yip ginig gipal ak, ginigel tek ma lup agak. ¹² Anib agil, gos anib ak nigtep gil, bi Jon Mak nonim Maliya kal ak amnak. Kal anib ak binib kunay yibil apil, God nop agnig yelak. ¹³ Pita apil, kanib ak pak gigu gek, pay Loda, ne kal anib ak bin wog giñeb ak, kanib ak yikinig owak. ¹⁴ Apil, Pita meg migan anep agek nigak. Ninid, miñmiñ yibil gilig kanib ak sawl gil ma yikak, am binib okok kilop agak, Pita apil mideb senayan agak. ¹⁵ Agek agilak, Nep sawl lup ageban agilak. Anib agelak, kiles yibil gil agak, Yepis ma apin. Ninid yibil apin agak. Pita mideb senayan agak. Agek agilak, Ak ensel ne ak tek lup agilak.*

¹⁶ Pen Pita kanib ak tepayan pak gigu gek, am kanib ak yikil nigilak, Pita ne ke ap yek ninid, wal

12:9 Apo 10.3, 10.17, 11.5 **12:10** Sng 34.7, Dan 3.28, 6.22, Apo 5.19, Hib 1.14, 2 Pi 2.9 **12:12** Apo 4.23, 12.5, 12.25, 15.37 **12:15** Mat 18.10, Apo 26.24 * **12:15** Ñin anib ak Juda binib kunay yibil anigil gos nigilak, ensel ne wog gilig bi olap nop kod mideb ak, bi anib ak tek yek.

yibil agilak. ¹⁷ Wal agilakniñ, kilop ñin tig milich gil agak, Ma yibil aginimib agak. Anib agil, kalabus kal yekniñ, God ensel olap yokek apil, nop titay gil dad owak takaw ak, kilop agñak. Agñil agak, Nibi Jemis† nop agñil, bi Jisas yil midebal okol kilop agñil ginimib agak. Agil, kilop keligil, wakay olap ke amnak.

¹⁸ Minek man tikakniñ, bi chim kadiñ gep okok Pita ma yek niñid, tay gup agil ag aplan apyan gi yelak. ¹⁹ Gapman binonim Helod ne anib ak niñid, Pita nop kasek piyow niñid dad owim agek, piyow mel nigelak, bi chim kadiñ gep okok kilop kot gil agek, bi anib okok kilop pisnep paklilak.

Kidek Helod ne Judiya plopens keligil, am taun Sisaliya yoligup.

Helod kumak

²⁰ Ñin anib ak gapman binonim Helod, ne taun Taya binib okok sek, taun Saydon binib okok sek nigeek, nop milik yowak. Pen kili tap midup deligipal, man Helod ne kodoligup ak. Anib ak Taya Saydon binib jimñil apil nop nigilak. Pen kili ned bi Blastus nop ap agnigelak, ne yaw agak. Bi anib ak, Helod kal nop kod yoligup. Agek, Helod nop am niñid anib agilak, Chinop milik ma niginimin, kimigel jimñil yonigun agilak.

²¹ Helod takaw anib ak niñid, ñin olap takaw aginigayn agil aglak. Ñin anib ak apek, binonim kay lipal chech teplep yibil okok lil, binonim besigep adek ak besigil, binib okok kilop takaw

12:17 Apo 13.16, 19.33, 21.40 † **12:17** Bi Jemis, gapman binonim Helod ne bi Jemis anib ak nop paklak bi ak mel. Jemis olap ke yek.

12:18 Apo 5.22-24 **12:20** 1 Kin 5.9-11, Ese 27.17

agñak. ²² Agñek agilak, Ak bi tek ma agup, God tek olap agup agilak. ²³ Pen God nop keligil, yib ne ak ke dad aplanak tek, won anib ak God ensel olap agyokek, ap nop pakek tap awl gil, gogajin lek kumak.

²⁴ Pen God takaw ak agñel amnaknin, man okok kid kid amnak. ²⁵ Banabas ayip Sol ayip Jerusalem midil, ginig owlek ak gijipul agil, Jon Mak nop ponid adikid taun Adiyok amnilak.

13

Kili bi omihal aglilak, Banabas ayip Sol ayip takaw aginig amnilek

¹ Taun Adiyok anib ak, Klays binib ne oginap pelpel apanan geligipal. Bi God gos ñek agñeb oginap, bi God takaw agñitep gep oginap yelak. Bi anib okok nim, olap Banabas, olap Simiyon. Bi Simiyon yib ne olap Nayjel ageligipal. Olap nim, Lusiyus. Ne taun Saylini nib. Olap Manayn, ne nim gapman binonim Helod bogilak ne ak. Olap Sol. ² Pen bi anib okok, tap ma ñibil, God nop nokom gos ninid agnig midilaknin, God Kawnan ak kilop agak, Nibi Banabas ayip, Sol ayip kilop agenimib, wog kilop aginek ak gel amnimun agak. ³ Anib agek, tap ma ñibil, God nop agilig yelak. Midil, Banabas ayip, Sol ayip kilop ñin di midilig, God ñili ayip yenigab agil agyokilak.

12:23 1 Sml 25.38, 2 Sml 24.17, Sng 115.1, Dan 5.20 **12:24** Ais 55.11, Apo 6.7, 19.20, Kol 1.6 **12:25** Apo 11.29-30, 12.12, 13.5, 13.13, 15.37 **13:1** Apo 11.27 **13:2** Apo 9.15, Lom 10.15, Gal 1.15, Epe 3.7-8, 1 Ti 2.7, Hib 5.4 **13:3** Apo 6.6

Banabas ayip Sol ayip, God takaw ak man Say-plus binib okok kilop am agñilek

4-5 God Kawnan ak Banabas ayip Sol ayip kilop kod midakniñ, bi Jon Mak nop wog chinop oginap ginimun agil, ponid amnilak. Taun Selusiya ayan amil, sip dil, man ñig tib kus gak Sayplus amnilak. Amil, taun Salamis amil, Banabas ayip, Sol ayip Juda apnan gipal kal okok amil, binib okok kilop God takaw agñilek.

6-8 Pen binib man anib okok, God takaw agñi dam dam, taun Papos amjakilak. Man Papos anib ak, gapman biawl kili ak yek, yib ne Segiyus Polus. Bi anib ak ne bi gos kid yibil agil nigoligup. Ne Banabas ayip, Sol ayip kilop, yip God takaw tep ak agel nigin agil, agek apil, takaw tep ak agñilek. Agñel niñid, biawl ne Juda nib olap, kuj tap okok nep gilig, yad bi God gos ñek agñeb agoligup ak yek. Ne pen anib agak, Bi ominal anib ak, takaw agebil ak ma dinimin agak. Bi anib ak ne kuj gubay goligup ak, yib ne Baljisas. Pen Glik takaw agil, Elimas agilak. ⁹ Sol yib nop olap nim, Pol ageligipal. Pen God Kawnan ak Pol nop gos tep ñakniñ, ne Elimas nop niñijsek lil midil agak, ¹⁰ Nep kicheki biawl ak tikak, pel gi timel yibil gipan agak. God takaw tep apal ak ma yibil nepan agak. Tap titay tep mideb ak keligil, binib okok kilop yepis yibil gipan agak. Ñin akal tek niginigaban agak? ¹¹ Anigipan ak God nep gos timel niñid gek, ñin kunay widin koy gil nep yenigaban agak.

13:4-5 Apo 12.12, 12.25, 13.13, 13.46, 15.37, 15.39 **13:6-8** 2 Ti 3.8 **13:10** Mat 13.38, Jon 8.44, 1 Jo 3.8 **13:11** Kis 9.3, 1 Sml 5.6, Apo 9.8

Pol takaw anib ak agakniñ, Elimas nigak, wisip gach tek bad olap, ap widin nop ak yu gak. Anigek, bi olap ayip kanib yoman agil, tig titikol gak. ¹² Gakniñ, gapman biawl Segiyus Polus niñid Jisas nop gos linigak. Wal yibil agil, God takaw anib ak gos kiles gil nigak.

Banabas ayip Pol ayip, kili Pisidiya plopens taun Adiyok amil God takaw agñilek

¹³ Pen Pol bine okok ayip sip dil, taun Papos keligil, Pampiliya plopens taun Pega nab ak amnilak. Am midil, Jon Mak ne kilopmiñal keligil, adikid Jelusalem amnak. ¹⁴ Kili pen taun Pega keligil, Pisidiya plopens taun Adiyok nab ak amnilek. Am midil, Juda añiñ lep ñin awl ak apek, Juda apnan gipal kal ak amil besig yilek. ¹⁵ Bi Juda apnan gipal kal ak kod yeligipal okok, kili tikjakil, Mosis takaw tikak oginap, bi God gos ñek agñeb tikilak oginap agñilak. Agñil, bi olap nop agyokel, apil Pol ayip, Banabas ayip kilop agak, Mam omiñal agak. Binib okol nig dinigel tek takaw tep oginap yonimun, kilop agñinimil agak.

¹⁶ Agelak, Pol tikjakil takaw aginig, ñin dad aplanil agak, Nibi Juda bi okok sek, nibi binib Juda mel God nop muk okok midil pel agnepim okok sek, takaw aginigebin awl timud pak nig yenimib agak. ¹⁷ Chin Yislel binib miñil midobun awl, bilel based yes chinop okok, God kilop aglil agak, Nibi binib yad yibil midebim agak. Anib agil kilop dak ak nim, kidek kili man Yijip am yelakniñ, kilop

13:13 Apo 13.5, 15.38

13:22 **13:16** Apo 12.17

13:15 Luk 4.16, Apo 13.27, 15.21, Hib

13:17 Kis 1.7, 6.6, 12.5, Lo 7.6-7, Sng 105.23-24

kod midtep gek, ñipay gílil kunay yibil yelak agak. Pen kidek ñin ak, God tap mageptek okok gil, man Yijip keligil kilop ponid owak agak. ¹⁸ Kili man nep binib ma yelak nab okok midil, yilik malik ageligipal ak pen, kilop kod midtep gek, sub anep 40 yinak agak. ¹⁹ Pen kidek, Yislel binib kilop dap man Kenan, binib kunay yibil, man anep kugul ak ned yelak okok, kilop oginap paklil, oginap yuk yokak agak. Yuk yokek, man anib ak Yislel binib kilop ñek dilak agak.

²⁰ Kili Yijip midel sub yinak ak ñin pagil, man nep binib ma yelak nab okok midel sub yinak ak ñin pagil, binib yuk yokil, man anib ak dilak sub yinak ak abe ñin pagil gel nim, sub anep 450 tek yinak agak.

Pen God kilop dap man anib okok lil, biawl takaw tig asikep oginap aglek, kilop kod yeligipal agak. Kidek bi God gos ñek agñeb Samwel yek ñin ak, ²¹ bi Yislel okok kili agilak, Chin binonim man chinop midupsek kod yenigab olap dinigun agilak agak. Agelak, God ne Sol nop aglek, binonim kili yoligup agak. Sol bapi ne ak Kis agak. Nop Benjamin jij ak tik dad amil tikilak agak. Ne kilop kod yoligup, sub anep 40 yinak agak. ²² Pen kidek God Sol nop yokil, Depid nop aglek, ne binonim midil kilop kod yoligup agak. Anigil kod midakniñ, God agak, Jesi ñine Depid, ne bi tep yibil midil yip tep gup, apin tek nep ginigab agak. ²³ Anib

13:18 Kis 16.35, Nam 14.34, Lo 1.31, Sng 95.10, Apo 7.36 **13:19**
 Lo 7.1, Jos 14.1, Sng 78.55 **13:20** Het 2.16, 1 Sml 3.20 **13:21** 1
 Sml 8.5, 8.19, 10.1, 10.21 **13:22** 1 Sml 13.14, 15.23-26, 16.12-13,
 2 Sml 2.4, Sng 89.20, Hos 13.11 **13:23** 2 Sml 7.12-16, Sng 132.11,
 Ais 11.1, Luk 1.32, 1.69, Lom 11.26

agil kidek agak, Yad gen, Depid tikek tik dad amil tikiñigabal bi olap, ne Yislel binib bi kasin gep kili midil, kilop dil God ayip jimñil linigab agak. Agek nim, Jisas nop tikelak, agak tek nep gak agak.

²⁴ Pen Jisas tikjakil wog ma gak ñin ak, Jon apil Yislel binib kilop midupsek agak, Chin tap si tap timel gipun ak taynen anigipun agil keligem, nibop ñig pakñinigayn agak. ²⁵ Pen Jon binib okok kilop God takaw agñi dad amil, kidek ñin olap agniñid agak, Nibi yip an agil gos nepim agak? Biawl pel kod midobun ak nim, owup agil nepim agak? Yad biawl yibil anib ak mel, ne kidek ownigab agak. Nop nigen yip neben gup, tob tilup nop nag ma wisikinigayn agak.

²⁶ Pen nibi Eblaham jij ak sek, nibi binib Juda mel God nop muk okok midil pel agnepim okok sek, nigim agak. God takaw ne binib kilop tig asik dinigab ak, takaw chin yibil agak. ²⁷ Jerusalem binib okok sek, biawl kili okok sek, kili Juda apnan gipal kal ak amil, Juda añin lep ñin awl midupsek kili bi God gos ñek agñeb okok takaw kil tikilak ak nepal agak. Pen Klays kidek ownigab agil tikilak takaw anib ak, nigtep ma gilak agak. Jisas apek nop keligilak agak. Ned bi God gos ñek agñeb okok, kili tikil agilak, Nop pisnep paklinigabal agil tikilak ak, agilak tek nep gilak agak. ²⁸ Ne tap timel olap gup akan agil, piyow mel nigilak ak pen, gapman biawl Paylat nop agilak, Nop paklinimin

13:24 Mat 3.1-2, Mak 1.4, Luk 3.3, Lom 11.26 **13:25** Mat 3.11, Mak 1.7, Luk 3.16, Jon 1.20-27 **13:26** Mat 10.6, Luk 24.47, Apo 13.16, 13.46 **13:27** Luk 23.34, 24.20, 24.44, Jon 16.3, Apo 3.17, 15.21, 1 Ko 2.8 **13:28** Mat 27.22-23, Mak 15.13-14, Luk 23.21-23, Jon 19.15

agilak agak. ²⁹ Agel, nop bi God gos ñek agñeb okok ginigab agil agilak tek nep gilak agak. Pen anigil gelak, binib ne okok apil nop tig asik dam kab migan ak kamilak agak. ³⁰ Kamel, God gek tepayan tikjakak agak. ³¹ Tikjakek, binib ne ayip Galili plopens keligil Jelusalem owlak okok, nop minek kunay yibil nigilak tek, Yisiel binib okok kilop agñel nigebal agak.

³²⁻³³ Miñil midobun nab awl, God ne Jisas nop gek tepayan tikjakak takaw teplep ak, nibop agobul agak. Pen takaw anib ak kideyil mel, God bilel based yes sikop kilop agek, kod yeligipal takaw anep agobul agak. Buk Baybol day olap, Buk Kimep ñin kid penj palak apal ak, takaw anib ak tikil agak,

Nad Ñi yad agil tikak agak. Yad miñil nap nad midebin agil tikak agak.

³⁴ God agak anib ak, ñine kumek, gek tepayan tikjakak ak nim, kidek kumil kuyig yownimun tek ma lup agak. God Ñine Jisas nop gek pisnep tikjakinigab takaw ak aginig, tikil agak,

Yad Depid nop ditep ginigayn agil takaw aglinek tek, nibop ginigayn agil tikak agak.

³⁵ Adek anib ak nep nim, buk Baybol takaw oginap tikil agilak,

Ñi suntep nad, nep wog giñeb ak, ma kuyig yownigab agil tikilak agak.

13:29 Mat 27.57-61, Mak 15.42-47, Luk 18.31, 23.50-56, Jon 19.28-30, 19.36-42 **13:30** Mat 28.6, Apo 2.24 **13:31** Apo 1.3, 1.8 **13:32-33** Stt 12.3, Sng 2.7, Apo 13.23, Lom 1.4, 4.13, Gal 3.16, Hib 1.5, 5.5 **13:34** Ais 55.3 **13:35** Sng 16.10, Apo 2.27, 2.31

³⁶ Pen Depid God nop gos niñid agak tek kidek gıl, binib ne okok kilop wog giñi dad amıl kumak agak. Kumek, nap nised sikop kilop kumeligipal okok dam kamel, kuyig yowak agak. ³⁷ Bi agılak anib ak pen kumek, God gek tikjakak ak nim, ma kuyig yowak agak. ³⁸ Bi anib ak Jisas nop nokom agılak agak. Anib ak nim, God tap si tap timel gipim ak tig walig giyokinigab agıl, nibop anib agobul agak. ³⁹ Chin takaw Mosis ñu kil tikak anep niñid gonigabun, God tap si tap timel gipun ak nig nep yenigab agak. Pen Jisas nop gos linigonigabun, tap si tap timel gipun ak tig walig giyokil, binib suntep yad okok aginigab agak. ⁴⁰ Pen nibi bi God gos ñek agñeb okok, bilel agılak tek ginimib tek lup ak, gos nigtep ginimib agak. Kili tikil agılak,

⁴¹ Binib niñid yimel yibil apim okok nigtep ginimib agıl tikilak agak. Nibi midebim won awl, tap awl olap ginigayn ak nibop ned agñebilap, yepis apal apikep tek lup agıl tikilak agak. Anib ak gos kuñay nigilig kumnimib agıl tikilak agak.

⁴² Pol ayıp, Banabas ayıp takaw anib ak agıl, Juda apnan gipal kal ak sen amnilekniñ, binib okok agılak, Wik ped ak añiñ lep ñin awl chin ak jitep apıl, chinop takaw anib ak oğınap sek agñinimil agılak. ⁴³ Pen kal ak keligil, keke amnilakniñ, Juda binib kuñay okok, binib Juda mel pen Juda binib gipal tek adek ak kidek gıl God nop agnigilak kuñay okok, kili Pol ayıp, Banabas ayıp kilop kidek

13:36 1 Kin 2.10, Apo 2.29 **13:38** Dan 9.24, Luk 24.47, Apo 10.43, 1 Jo 2.12 **13:39** Ais 53.11, Lom 3.28, 8.3, 10.4, Hib 7.19 **13:40** Ais 29.14 **13:41** Hab 1.5 **13:43** Apo 11.23, 14.22, Tat 2.11, Hib 12.15, 1 Pi 5.12

gil amnilak. Kanib nab ak amilig, kilop agtep gil agilek, God chinop yimug ninid gitep gup agil, gos ak nigilig nep yenimib agilek.

⁴⁴ Juda añin lep ñin awl kidek ak, binib taun anib ak yelak okok midupsek tek, God takaw niginig apnan gilak. ⁴⁵ Anigelak, bi Juda oginap kili Pol ayip, Banabas ayip kilop nigel, milik timel yibil yowak. Yapek, binib okok kilop takaw titay agilek ak agjuwil, kilop ominal agjuwil gilak.

⁴⁶ Anigil agjuwelak, Pol ayip, Banabas ayip kilop monmon kiles gil agilek, Takaw anib ak, nibop Juda binib ned agep tek ak apul ak pen, nibi takaw anib ak tibilikipim agilek. Tibilikil, pelnep midrep ak ma dinigabun apim ak, miñil binib Juda mel okok kilop agñinigabul agilek. ⁴⁷ Taynen? Biawl chilop anigil agak agilek. Ne agak,

Yad apin ak nim, nad binib Juda mel okok milek kili ak mideban agak agilek. Takaw yad ak man okok midupsek agñe nim, binib takaw yad ak ninid dinigabal okok kilop adikid tig asik dinigayn agak agilek.

⁴⁸ Binib Juda mel okok takaw anib ak nigelak, kilop tep yibil gek, God takaw ne ak tep yibil agilak. Anib ak binib God pel pelnep yenigel agil aglup okok midupsek, nop gos linigilak.

⁴⁹ Pen Biawl takaw ak, man anib okok midupsek palsek amnak. ⁵⁰ Pen Juda binib okok, kilop milik yapek, amil man anib ak biawl okok ayip, binawl Juda mel pen Juda binib gipal tek adek ak kidek gil

13:45 Apo 14.2, 18.6, 1 Pi 4.4, Jud 10 **13:46** Ais 55.5, Luk 7.30, Apo 3.26, 18.6, Lom 1.16, 10.19 **13:47** Ais 42.6, 49.6, Luk 2.32

13:48 Apo 11.18 **13:50** Apo 17.4, 17.12

God nop agnigilak okok ayip, kilop agel, gos timel nigilak. Nigelak, kili am binib kunay yibil dad apil, Pol ayip, Banabas ayip kilop gi timel gil agyokilak.

⁵¹ Agyokelak, taun Adiyok anib ak kelig amnig, binbi okol takaw ak dad apol ma nepal agil, tob silkul okok pakel yapek, taun Aykoniyam amnilek.

⁵² Pen Adiyok binib Jisas nop gos linigilak okok, God Kawnan ak kilop kod midakniñ, miñmiñ yibil gilig yeligipal.

14

Banabas ayip Pol ayip taun Aykoniyam God takaw agñilek

¹ Pol ayip, Banabas ayip am taun Aykoniyam yilek. Ned kili taun Adiyok midil wog gilek day ak, gos kili nokom niñid gilek. Juda apnan gipal kal ak amil, takaw agtep yibil gilek. Juda binib dil, binib Juda mel okok dil, kunay yibil Jisas nop gos linigilak. ² Pen Juda binib oginap agilak, Takaw kili ominal apil ak ma dinigabun agilak. Kili anib agil, am binib Juda mel okok kilop agilak. Agel, binib Juda mel okok, kili binib Jisas nop gos linigilak okok kilop milik nigilak. ³ Pen Pol ayip, Banabas ayip takaw anib ak niñid, man anib ak ma kelig amnilek. Midilig, Biawl chinop yimug niñid gitep gup agil, takaw teplep anib ak kiles gil monmon agñeligipil. Pen God kilop ominal kod midakniñ, tap mageptek okok gelek, binib okok niñid, takaw agebil anib awl, niñid yibil agebil agil nigilak. ⁴ Pen

13:51 Mat 10.14, Mak 6.11, Luk 9.5, 10.11, Apo 18.6 **13:52** Mat 5.12, Jon 16.22, Apo 2.46 **14:2** Apo 13.45 **14:3** Mak 16.20, Apo 19.11, Hib 2.4

taun Aykoniyam binib anib okok, asik keke lilak. Pis olap bi Jisas takaw nop dad ameb ominal ak takaw agilek tek nigilak, pis olap Juda binib agilak tek nigilak. ⁵ Pen Juda binib okok ayip, binib Juda mel oginap ayip, biawl kili okok ayip, kili Banabas ayip, Pol ayip kilop gi timel gil, kab ju paklun agil gos ak nigilak.

Banabas ayip Pol ayip Likoniya plopens God takaw agñilek

⁶ Kili ominal pen takaw anib ak ninid, pilik taun Listla ayip Debi ayip, Likoniya plopens nab okok amil, anib okok ajilig, ⁷ God takaw teplep ak agñilek.

⁸ Pen taun Listla anib ak, bi olap nonim nop tikak ñin ak nep tob timel gak ak yek. Bi anib ak ne besig midilig, ⁹ Pol takaw agakniñ nig yek. Pol bi anib ak nop ninid, bi anib awl yip gek sun linigab agil nig mideb tek lup agil, Pol ne nop ninijsek lil, ¹⁰ takaw awl agil agak, Jakan agak. Agek, kasek tikjakil amnak.

¹¹ Pol anigek, binib nig yelak okok takaw yibil kili Likoniya takaw ak agil agilak, Bi wisip alañ nib okok, bi yibil tek lil, apil agebil awl agilak. ¹² Anib agil, Banabas nop agilak, Ak bi Sus, pel agnopun ak agilak. Pen Pol nop agilak, Ak bi takaw agep Hemes, pel agnopun ak agilak. ¹³ Tap Sus agil agnigeligipal anib ak, kal nop agnigep gilak ak, taun kab wali gol anib ak yek. Ak nim, bi Sus nop sibogep biawl ak, ne bi Sus pel agnopun ak miñil

14:5 Apo 14.19, 2 Ti 3.11 **14:6** Mat 10.23 **14:8** Jon 9.1, Apo 3.2 **14:9** Mat 8.10, 9.28-29, Apo 3.4 **14:11** Apo 8.10, 28.6

owup awl agil, chag bulmakaw anlam oginap dil, mab sum teplep oginap dil dad owak, kab wali kanibtub ak. Biawl anib ak ayip, binib kunay yibil ayip apil, chag bulmakaw oginap Banabas ayip Pol ayip kilop pak sibog ñinig gilak.

¹⁴ Pen bi Jisas takaw nop dad ameb ominal ak, Pol ayip Banabas ayip, binib kili ginig gilak anib ak ninid, chilop taynen God tek anigebal agil, chech kili ominal okok tig talikil, binib kunay yelak nab anib ak amil suk agilek. ¹⁵ Anib agilek, Bi okok, taynen anib won ak gebim agilek? Chil God mel, bi yibil yipid gil agilek. Pen God biawl yibil tap okok midupsek gilak ak, takaw teplep nop ak dad apobul agilek. Ne adekab alan gilil, lum awl gilil, ñig solwala ak gilil, tap okok midupsek gilil gak agilek. Chil takaw teplep nop ak agol, tap yokip agnepim okok keligil, God pel midap ak nop agnig yenimib agil nibop agobul agilek. ¹⁶ Bilel tikil, binib man keke okok titay gilak ak, God ne takaw ma agak agilek. ¹⁷ God pen we gil ma yoligup, misen yoligup agilek. Minek minek nibop ditep gilig, gek man pakil, tap midup kunay jak midaknin, miñmiñ gipim agilek. ¹⁸ Anib agilek ak pen, binib anib okok bi ominal wisip alan nib opil agil, chag bulmakaw anlam oginap pak sibog ñinig gelak, koslam ag ag tipagilek.

¹⁹ Pen Juda binib oginap taun Adiyok sek, taun Aykoniya sek, kili apil, binib kunay anib okok kilop yepis agil agilak, Bi ominal yepis agebil agilak.

14:15 Kis 20.11, 2 Sml 12.21, Sng 33.6, 146.6, Apo 10.26, 1 Ko 8.4, 1 Te 1.9, Jem 5.17 **14:16** Sng 81.12, Apo 17.30, 1 Pi 4.3 **14:17** Sng 147.8, Jer 5.24, 14.22, Apo 17.27, Lom 1.20 **14:19** Apo 13.45, 17.13, 2 Ko 11.25, 2 Ti 3.11

Anib agelak, binib anib okok ninid, Pol nop kab ju pakil, pisnep kumeb agil, lipig dam kab wali gilak ak ben okyan yokilak. ²⁰ Yokelak, binib Jisas nop gos linigilak okok, ap punil kuskus gelak, Pol tikjakil, adikid taun Listla migan ayan amnak. Minek, ne ayip, Banabas ayip taun anib ak keligil, taun Debi amnilek.

Banabas ayip Pol ayip adikid Siliya plopens taun Adiyok amnilek

²¹ Pol ayip Banabas ayip, taun Debi amil, Jisas takaw teplep ak binib okok kilop agñelek, binib kunay yibil Jisas nop gos linigilak. Pen kili ominal ned opul anep amnigul agil, adikid taun Listla, taun Aykoniyam, Pisidiya plopens taun Adiyok man anib okok amnilek. ²² Amilig, binib ned Jisas takaw agel nigilak okok, kilop tepayan ak agñitep gilig agilek, Jisas takaw ak ma keliginimib, nop gos linepim tek nep niginimib agilek. Anigem, nibop minel ñinigabal ak pen, tap anib ak gos ak ma niginimib agilek. God chinop dil kod midil man ne alañ dad amnigab agil, kiles gil gem amnimun agilek. ²³ Anib agilig, man keke Klays binib ne pelpel apnan gipal ak, bi Klays binib ne okok kilop kod midebal oginap aglilek. Aglil, tap ma ñibil, Biawl nop agnigilig agilek, Bi okol, nep gos linepal tek, kilop kod yenimin agilek.

²⁴ Man Pisidiya okok anigil ajil, Pampiliya plopens okok amnilek. ²⁵ Taun Pega amjakil, God takaw ak binib anib okok kilop agñil, taun Ataliya ayan amnilek.

²⁶ Amil, sip dil, Siliya plopens taun Adiyok ned midil owlek ak adikid amnilek. Kili ned amnig gelek, Adiyok binib Jisas nop gos linigilak okok, God nop agniñid agilak, Takaw tep nad ak binib okok kilop agñinig amebil tek, kilopminal kod midtep ginimin agilak. Agil, kilopminal agyokel, am takaw anib ak midupsek agñi ajeligipil. ²⁷ Anib ak adikid Adiyok apil, binib Jisas nop gos linigilak okok kilop suk agilek. Agel apelak agilek, Nibi chilop God nop agnig yibekniñ, God chilop kod midtep gak agilek. Jisas takaw tep ak agñi ajol, binib Juda mel okok, God kilop kanib yikak, kili kunjay yibil Jisas nop gos linepal agilek. ²⁸ Kilop anigil agñil, kili ayip pel yeligipil.

15

Jelusalem apnan gil takaw awl agilak

¹ Pen bi oginap Judiya plopens nib apil, binib Jisas nop gos linigilak taun Adiyok yelak okok kilop agilak, Mosis chinop Juda binib okok agak, God bine midinig, wak tibilikinimib agak agilak. Anib ak nibi anib ma genigabim, God nibop tig asik dinimunj tek ma lup agilak. ² Pol ayip Banabas ayip pen nigilek, bi Juda takaw agilak ak yipid gil ma yek. Yipid ma gup agil, kili ayip penpen yibil ag amnilak. Anigelak, Adiyok binib Jisas nop gos linigilak okok agilak, Bi oginap agyokon, Pol ayip, Banabas ayip Jelusalem amnigel agilak. Amil, bi Jisas takaw nop dad ameb okok sek, bi Klays binib

ne okok kilop kod midebal okok sek takaw ag dap yep linigel agilak.

³ Anib agil, kilop agyokilak. Am am Ponisiya plopens nab ak amilig, binib Jisas nop gos nigilak okok kilop agilak, Man okok binib Juda mel okok abe, kili tap timel keligil Jisas nop gos linigebal agilak. Anib agelak, kilop tep gak. Ponisiya plopens anib ak keligil, Samaliya plopens amil, kilop takaw anib ak tek nep agelak, kili abe nigel tep gak. ⁴ Pen Samaliya plopens keligil, Jelusalem amjakel, bi Jisas takaw nop dad ameb okok sek, bi Klays binib ne okok kilop kod midebal okok sek, binib Jisas nop gos nigilak yokip okok sek kilop ninid ag dideg lilak. Anigelak, Banabas ayip, Pol ayip pen agilek, God chin ayip ajil nim, takaw tep agnon, binib man okok kunay yibil Jisas nop gos linigebal agilek.

⁵ Anib agelek, bi Pelisi Jisas nop gos linigilak oginap, kili tikjakil agilak, Binib Juda mel okok, Jisas nop gos linigebal ak, kili wak tibilikil, Mosis agak agak tek midupsek kidek ginigel agilak.

⁶ Anib agelak, bi Klays binib ne okok kilop kod midebal okok midupsek, kili takaw anib ak agtep gun agil apnan gilak. ⁷ Apnan gil, takaw ag dam nab pakaknin, Pita tikjakil agak, Mam sikop, nib nepim agak. God chinop wog keke agup tek, bilal binib Juda mel okok agem yip gos liniginigel agil, yip agek, am kilop takaw teplep ne ak agninek agak. ⁸ God gos chinop midupsek nigup ak, binib Juda mel okok kilop nigeek nop tep gek, dinigayn agil gos nigak agak. Ninid, Kawnan ne chinop

yokak tek, kilop abe yokak agak. ⁹ Chinop takaw olap ke agil, kilop takaw olap ke agil ma gup agak. Chinop midupsek takaw adek nokom agak ak nim, nop gos linigon, tap si tap timel gipun ak wik yokup tek, kilop abe gup agak. ¹⁰ God kilop pisnep dup anib ak, nibi taynen God chinop tay ginimun agil nebneg gilig apim agak? Nibi apim, Mosis takaw sikol agak agak tek ma ginigabal ak, God kilop ma dinigab apim agak. Asik mosik gitep ginigel apim anib ak, apis based sikop gi mel nigalak agak. Chin abe gi mel nopun ak pen, nibi tepayan apim agak. ¹¹ Biawl Jisas ne chinop yimug ninid gitep gak ak nim, God ne chinop tig asik dil, binib Juda mel okok kilop abe tig asik dup agak.

¹² Pen binib ap yelak okok, takaw olap agil mel, kimigel yelak. Yelaknin, Banabas ayip, Pol ayip agilek, Chil binib Juda mel okok kilop takaw tep ak agni ajilig, God tap mageptek okok anib anib gil gak agilek.

¹³ Pen takaw kiliminjal ak agjulek, Jemis anib agak, Mam sikop. Takaw yad aginigebin awl nigim agak. ¹⁴ God binib Juda mel okok kilop oginap ned dil, gek binib ne ke okok yelak takaw ak, Saymon mineyil nibop agup agak. ¹⁵ Binib Juda mel okok kilop dak anib ak, bi God gos nek agneb okok bilel agil tikilak tek nep gak agak. Takaw anib ak tikil agilak,

¹⁶ Biawl ak agup, Depid binib ne, kili kal tek wakaj

15:9 Apo 10.15, 10.28, 10.34-35, Lom 10.11, 1 Ko 1.2, 1 Pi 1.22

15:10 Mat 11.30, 23.4, Luk 11.46, Gal 3.10, 5.1 **15:11** Lom 3.24, Gal 2.16, Epe 2.5-8, Tat 2.11 **15:12** Apo 14.27 **15:13** Apo 12.17, Gal 2.9 **15:14** Apo 15.7-9 **15:16** Amo 9.11-12

sakup agup agil tikilak agak. Kidek yad apil, jitep ak ginigayn agup agil tikilak agak. Kal anib ak tap timel gup okok, ditep gil, kal jitep ak gen yenigab agup agil tikilak agak.

¹⁷ Anigek, kidek binib man okok midupsek dinig gipin okok, kili yip piyownigabal agup agil tikilak agak. Ak binib Juda mel, kili binib yad ke yenigabal agup agil tikilak agak. ¹⁸ Tap titay kidek ginigab ak nepin ak nim, bilel aglinek agup agil tikilak agak.

¹⁹ Jemis takaw anib ak agil agak, Takaw anib ak niñid, gos yad anigil mideb agak. Binib Juda mel okok, tap timel keligil God nop gos linigebal ak, kilop tap asik mosik gep okok kunay mideb agil ma aginipun agak. ²⁰ Kilop yokip mij kil tik yokil aginipun, Binib kili tap yepis oginap siboginig, sab chag tap okok pakenigel, ma ñinimib aginipun agak. Kunam tig wukel kumek, nikim sek yenigab tek ma ñinimib aginipun agak. Kunam tikem, nikim amdek nep ñinimib aginipun agak. Sab chag tap okok nikim ak ma ñinimib aginipun agak. Bin si bi si ma ginimib aginipun agak. ²¹ Taynen? Takaw Mosis agil tikak ak, bilel agelak binib anib okok kili nepal agak. Miñil abe man okok midupsek, Juda añin lep ñin awl ak apil Juda apnan gipal kal ak nan gil, takaw Mosis agil tikak ak agel nepal agak.

Kili binib Juda mel okok kilop mij tik yokilak

²² Jemis anib agek, bi Jisas takaw nop dad ameb okok dil, bi Klays binib ne okok kilop kod midebal

okok dil, binib yokip Jisas nop gos linigilak okok dil, midupsek agilak, Bi chin ominal ak, Judas ayip Saylas ayip aglon, Pol ayip, Banabas ayip taun Adiyok amnilan agilak. Bi Judas anib ak yib olap Basabas ageligipal.

²³ Pen kili anib agil, mij kil tik yokil agilak,

Chin nimam nibi Jisas takaw dad ameb okok sek, bi Klays binib ne okok kilop kod midebal okok sek, nibop binib Juda mel Jisas nop gos linepim okok mij kil tik yokobun agilak. Nibi oginap taun Adiyok nib, oginap Siliya plopens nib, oginap Silisiya plopens nib, nibop mij tikobun agilak. ²⁴ Taynen? Takaw olap owup ak, binib okol chin oginap, chinop agnind mel, gos kili anep nind, nibop amil takaw awl apal agilak. Agel, nibi judil gos pal lipim agilak ²⁵ Nind nim, bi chin sek aglil agyokon, Pol ayip, Banabas ayip kab sek ninigabal agilak. ²⁶ Pen Pol ayip, Banabas ayip bi tep yibil ominal ak, chilop ñag paklinigabal agil gos ak ma nepil agilak. Biawl Jisas Klays takaw tep ak, monmon agnitep gilig ajipil agilak. ²⁷ Bi chin ominal yib kili ak, Judas ayip, Saylas ayip agilak. Bi ominal agyokinigabun anib ak, mij kil tikipun takaw adek anep nibop agninigayl agilak. ²⁸ God Kawnan ak chinop gos tep ñek, takaw anib awl kil tikobun agilak. Chin Juda gipun gipun tek ginimib agonigabun, koslam ginigabim ak nim, nibi takaw wulep won anib ak kidek ginimib agobun agilak. ²⁹ Binib oginap, sab chag tap yepis oginap siboginig pakenigel, ma ñinjinimib agilak. Kunjam tig wukel kumek, nikim

15:24 Apo 15.1 **15:26** Apo 13.50, 14.19, 1 Ko 15.30, 2 Ko 11.23, 11.26 **15:28** Mat 23.4 **15:29** Wkp 17.14, Apo 15.20, 21.25, Lep 2.14, 2.20

sek yenigab tek ma ñinimib agilak. Kunam tikem, nikum amdek nep ñinimib agilak. Sab chag tap okok nikim ak ma ñinimib agilak. Bin si bi si ma ginimib agilak. Tap apun anib okok asik tep ginigabim ak, tep yibil agilak. Takaw anib ak agjupun. Tep agil tikilak.

³⁰ Pen kili takaw anib ak tikil, Judas ayip Saylas ayip kilop ñel, Banabas ayip Pol ayip taun Adiyok dad amnilak. Dad amjakel, binib Jisas nop gos linigilak okok apnan gil, mij kil tik yokilak anib ak dilak. ³¹ Kili mij pi ak nigilig agñil, takaw anib ak takaw teplep nigel, kilop tep yibil gak. ³²⁻³⁴ Judas ayip, Saylas ayip bi God gos ñek agñeb ominal ak nim, ñin kunay yibil Adiyok midil, midtep gilar agil, takaw tep oginap kunay yibil agñilek. Anigil agñijuwil amnileknin, mam ay anib okok agilak, Tep. Adikid kal ñili tep amnil agilak. ³⁵ Pol ayip, Banabas ayip Adiyok midil, bi anib okok oginap ayip, Biawl takaw tep ak agil, agñitep gilig yeligipal.

Pol ayip Banabas ayip keke amnilek

³⁶ Pen mid dad amil, Pol ne Banabas nop agak, Chil ned ajil Biawl takaw tep agol amnak man okok, binib Jisas nop gos linigilak ak kili midebal akan agil, am niginigul agak. ³⁷ Agek, Banabas agak, Jon Mak nop ponid amnigul agak. ³⁸ Agek Pol pen agak, Bi anib ak ned ponid amol, wog gijuwil ma owak agak. Ne Pampiliya plopens nep amil kelig owak agak. Anib ak miñil nop ponid ma amnigabul agak. ³⁹ Pol anib agek, kili ominal ke nep penpen agil, wog jimñil ma gilek. Banabas ne

Jon Mak ayip sip dil, man Sayplus amnilek. ⁴⁰ Pol ne pen, bi Saylas nop dak. Binib Jisas nop gos nigilak okok, Pol ayip Saylas ayip kilop agilak, God ñilop kod midakniñ, ajil ownimil agilak. ⁴¹ Agelak, bi omiñal am Siliya plopens okok, Silisiya plopens okok ajilek. Pol ne binib Jisas nop gos linigilak okok, kilop takaw oginap sek agtep gak.

16

Timoti ne Pol ayip Saylas ayip amnilek

¹ Pol ne am am, taun Debi amil, taun Listla amjakak. Man anib ak, bi Jisas nop gos linigak olap yek, yib ne Timoti. Bi anib ak, nonim ne Juda nib Jisas nop gos linigak, nap ne ak Glik nib. ² Binib Jisas nop gos linigilak taun Listla sek, taun Aykoniyam sek, Timoti ne bi tep yibil agilak. ³ Pen Pol, ne Timoti nop nigeek tep gak. Nod ayip ajol agil nigak ak pen, nap Glik nib ak ñine wak ma tibilikak. Ma tibilikak tek, Juda binib man anib okok takaw nop ma niginigun aginigel tek linigab agil nigak. Niñid, Timoti nop dad amil wak tibilikak. ⁴ Tikil, kidek kili taun okok ajilig, binib Jisas nop gos linigilak okok kilop agilak, Bi Jisas takaw nop dad ameb okok sek, Jelusalem bi Klays binib ne okok kilop kod midebal okok sek, kili apnan gil apal, Takaw Mosis ñu kil tikak ak midupsek mel, kab olap nep dinimib apal agilak. Anib agil kilop agtep gilak. ⁵ Agtep gelak nim, binib Jisas yil yelak okok, nop gos kiles liniñid midtep

gilak. Anigel, minek minek binib oginap sek tap timel keligil Jisas nop gos liniñid kidek gilak.

Pol wisin nigak, bi olap Masedoniya plopens yok

⁶ Pol ayip bine okok ayip, God Kawnan ak kilop agak, Esiya plopens takaw tep ak kilop ma agñinimib agak. Anib agek, Piligiya plopens nab okok ajil, Galesiya plopens nab okok ajelak. ⁷ Apil Misiya plopens wulep wulep gilig, Bitiniya plopens amnun agilak. Agelak, Jisas Kawnan ak kilop agak, Ma amnimib agak. ⁸ Anib agek, Bitiniya plopens ma amnilak, Misiya plopens keligil, taun Tlowas ayan amnilak. ⁹ Amil, maynab ayan Pol wisin nigak, bi Masedoniya plopens nib olap tikjakil, nop suk agilig agak, Chinop chib niñid, ñig solwala tikil, pis awl Masedoniya ownimin agak. ¹⁰ Pol anigil wisin nigeke, ak God nokom, Masedoniya binib kilop takaw teplep ak agñinimib agup agil, chin kasek sip dinig amninok.

Bin Lidiya Jisas nop gos linigak

¹¹ Chin taun Tlowas midil, sip dil amninok. Am am, man ñig tib kus gak Samotiles amjakinok. Minek pen, taun Neyapolis amjakil, ¹² sip ak keligil, Masedoniya binib taun kili Pilipay amjakinok. Taun Pilipay anib ak, Lom binib kunay yibil ap midil kod yeligipal. Ñin kab olap man anib okok yoligipun.

¹³ Midil, Juda añin lep ñin awl ak apek, taun ak ñig gol ayim, God nop agnigep tep olap mideb agil, taun anib ak keliginok. Amil niginok, bin oginap ap yelak. Niñid, anib sinjak besigil, kilop

takaw aginok. ¹⁴ Bin yelak anib okok, olap yib ne Lidiya. Ne chech muk okok gilek taweligipal. Ne taun Tayatayla nib. God nop nokom kidek gil agnigoligup. Bin anib anop, Biawl gos tep ñek, Pol takaw agak ak niñid agup agil dak. ¹⁵ Nop ñig pakñil, binib ne ayip kinilak okok kilop ñig pakñil ginok. Ñig pakil, bin Lidiya agak, Nibi yip nigem, Jisas nop gos linepin tek lup ak, apil kal yad awl yenimib agak. Chinop anib agek, niñid agup agil, am kal nop ak kininok.

Pol ayip Saylas ayip kilop nag lilak

¹⁶ Pen chin minek olap, God nop agnigep tep ak amil, pay wog giñeb olap nop neben pakinok. Pay anib anop kicheki aban lek nim, tap titay kidek ginigab ak, binib okok kilop agñek nop mani taweligipal. Anigek, bi nop taw dad apel, wog kilop giñoligup okok, mani awl deligipal. ¹⁷ Chin amninokniñ, pay anib ak chinop kidek gilig agak, Bi okol, God Biawl yibil adek alan mideb ak, wog nop giñeligipal agak. Nibi tay gem God nibop dinigab takaw ak agñebal agak. ¹⁸ Pen takaw anib ak tek, minek minek agek, minek olap Pol nop yilik gek, adikil pay anib ak kicheki aban lak anop agak, Jisas Klays yip ginimin agup tek, nep agebin, pay anop keligil amnon agak. Anib agakniñ, kicheki nop aban lak ak keligil amnak.

¹⁹ Pen pay anib anop kod yeligipal bi okok, Pol kicheki agyokak takaw ak nigilak. Niñid, mani awl dipun ak, kidek ma dinigabun agil, Pol ayip Saylas ayip kilop lipig dad amil, biawl apnan gi yelak ak

16:15 Apo 16.33, 18.8 **16:16** Apo 19.24 **16:17** Mak 1.24, 1.34

16:18 Mak 16.17 **16:19** Apo 19.25-26, 2 Ko 6.5

amnılak. ²⁰ Amıl, biawl kilop agılak, Juda nıb bi omıñal awl, apıl man chinop awl monmon gebıl ak, yepıs agebil agılak. ²¹ Chin Lom binıb, takaw nedıl adek ak ke mıdeb ak pen, kılı tay gıñıg, takaw kideyıl ak nıgılan agıl aglebil agılak.

²² Binıb kunay yelak okok abe, takaw adek anıb anep agelak, biawl okok tikjakıl, Pol ayıp Saylas ayıp chech kilop okok kasek tıg asıkıl agılak, Kul dıl pakım agılak. ²³ Agelak, kul dıl pak adık madık gıl, dam kalabus mıgan ak yokıl, bi kalabus kod yek anop agılak, Kilop omıñal nıg yenimin agılak. ²⁴ Agelak, bi kalabus kod yek ak, kilopmıñal poñıd dam kal mıgan yıbıl ayan lıl, tob kíd kilop omıñal ak dıl mab awl mıgan ak agek ligel amnak.

²⁵ Pen maynab awl ayan, Pol ayıp Saylas ayıp God nop agılig kımep ogınap agileknıñ, bi ned nag lılak okok nıg yelak. ²⁶ Anıgıl nıg yelaknıñ, day monmon awl dıl, kalabus kal ak dad awl adan gıl, kanıb okok mıdupsek yıkılíg, kalabus kay kilop tun gılak nag kiles timel okok mıdupsek asıkak. ²⁷ Anıgek, bi kalabus kod yek ak tikjakıl nıgak, kanıb okok mıdupsek yıkıl yek. Ne nıñıd, kalabus kay kanıb yıkıl pilik amdıpal agıl gos nıñıd, baynat ak lipíg dıl, ne ke puñıl lıñıg gak. ²⁸ Pol pen suk awl agak, Nak ke ma tıbınımın agak. Chin ma pilik abun. Mıdupsek mıdobun agak.

²⁹ Agek, bi kalabus kod yek ak suk agak, Sup ak kasek dowım agak. Agek, sup dad apelak, kasek dad kal mıgan amıl, jel gek jepjep dılig am Pol ayıp

16:20 1 Kin 18.17, Mat 5.11, Mak 13.9, Apo 17.6 **16:22** 2 Ko 6.5, 11.23-25, Plp 1.30, 1 Te 2.2 **16:26** Apo 4.31, 5.19, 12.7, 12.10
16:27 Apo 12.18-19

Saylas ayip yelek tob agen sɔnak kigom yimak. ³⁰ Pen anigil kigom yimil tikjakil, kilop ominal ponid senayan amil agak, Biawl ominal. Yad tay gen, God yip tig asik dinigab agak?

³¹ Agek nop agilek, Biawl Jisas nop gos linige, God nep tig asik dil, binib nad ayip kiniban okok abe agilek. ³² Anib agil, bi anib ak sek, binib ne ayip kinilak okok sek, kilop Biawl takaw ak agñilek. ³³ Kilopminal maynab ayan nep dad amil, pakilak okok ñig li yokak. Anigek, ne ayip binib ne ayip kilop midupsek ñig pakñilek. ³⁴ Ñig pakñelek, bi kalabus kod yek anib ak, bi ominal ponid kal ne amil, tap midup ñek ñinilek. Bi anib ayip, binib ne okok ayip, miñil God nop gos linopun agil, miñmiñ awl yibil gilak.

³⁵ Minek pen biawl okok, bi polis okok kilop agyokel, bi kalabus kod yek ak nop agilak, Bi kalabus midebil ominal ak kilop wisib yoke amnimil agilak. ³⁶ Agelak, bi kalabus kod yek ak, takaw anib ak dad amil, Pol nop agak, Biawl okok kili apal, Bi ominal kilop wisib yoke amnimil apal agak. Anib ak gos sek midil midtep gil amnimil agak. ³⁷ Agek Pol agak, Chil abe bi Lom nib, anib ak tek taynen kot gipal won ak, takaw chilop tik asikil nigtep ma gipal agak? Binib nab ak midol kili chilop kul dil pakil, dam nag lipal ak, tep ma gup agak. Anib ak chilop kimigel we gil agyokun agil agebal akan agak? Mel yibil. Kili ke apil, chilop wisib yokinigabal agak.

³⁸ Pol anigil agek, polis okok takaw anib ak

ninjid, adikid am biawl okok kilop takaw anib ak agnilak. Agel, kili ominal abe Lom nib agil, pilikilak. ³⁹ Amil, Pol ayip Saylas ayip kilop takaw saynsayn agil agilak, Chin nilop taynen gi timel gipun agilak. Agil, kilop dad senayan amil agilak, Nili man awl anib ak kelig amnimil agil gos nopun agilak. ⁴⁰ Agelak, Pol ayip Saylas ayip kalabus kal ak keligil, bin Lidiya kal ak am midil, binib Jisas nop gos linigilak okok kilop takaw agtep gil, amnilek.

17

Tesalonayka binib kili Pol ayip Saylas ayip kilop pakinig gilak

¹ Bi ominal taun Pilipay keligil, am am taun Abipolis amjakilek. Abipolis nib am am, taun Apoloniya amjakilek. Pen Apoloniya nib am am taun Tesalonayka amjakil nigilek, Juda apnan gipal kal olap yek. ² Ninjid, Pol pel goligup ak, binib okok ayip apnan gipal kal migan ak amnak. Kal anib ak, Juda anin lep nin awl ominal nokom amil, God takaw ned agil tikilak ak gos ninjid, ag amil apil gilak. ³ Anigil ag amil apil gilig, kilop God takaw tep ak agnitep gilig agak, Bi God nop aglup ak ne apil, chinop nen agil yul dak agak. God takaw ned agil tikilak ak, nop agil tikilak tek, kumil tepayan tikjakak agak. Bi God nop aglup ak, binib okok kilop dil kod yenigab ak nim, bi Jisas nibop kesim debin ak nep agak. ⁴ Anib agek, kili oginap ninjid agup agil, Pol ayip Saylas ayip kid bak okok

amnılak. Glik binıb God nop agnıgelıgıpal ogınap, bin yıb sek ogınap abe, kılı kunay Pol ayıp Saylas ayıp agilek takaw ak dılak.

⁵ Delak, Juda bı okok nıgel mılık yowak. Kılı bı tımel yokıp yelak ogınap del, kılı pen am bınbı kunay yıbıl dad apel, takaw pug awl agılak. Pen Pol ayıp Saylas ayıp kılöp piyow nıñid, bınbı okol kılöp ñon paklılanı agıl, amıl Jeson kal ak pıñıl kuskus gıl, piyow mel nıgilak. ⁶ Piyow mel nıñid, Jeson nop dıl, bınbı Jisas nop gos nıgilak ogınap sek dıl, dad gapman bıawl yelak ak amıl agılak, Bı man okok mıdupsek ajıl takaw agñılaknıñ, takaw pug awl apal okok, mıñıl ap mıdebal man chin awl agılak. ⁷ Kılı Lom gapman bınonım chinop takaw nop kelıgıl, bınonım kılı Jisas nop nokom dıpal agılak. Pen bı Jeson nım awl, bı anıb okok kılöp dam kal ne ak lup ak nım, nop dad apobun agılak. ⁸ Anıb agelak, bınbı kunay ap yelak okok sek, gapman bıawl okok sek nıñid, gos kunay nıñid suk awl agıl agılak. ⁹ Gos kunay nıñid, bıawl okok kılı Jeson nop manı ogınap dıl, bınbı ne dad owlak okok manı ogınap dıl agılak, Kıdek takaw anıb ak tepayanı agñenıgabım, manı nıbop anıb awl pısnepe dıngabun agılak. Anıb agıl, kılöp ag señ yokılak.

Pol ayıp Saylas ayıp taun Beliya yelek

¹⁰ Man sıbgup ak, bınbı Jisas nop gos nıgilak Tesalonayka nıb okok, kılı Pol ayıp Saylas ayıp kılöp agyokel, taun Beliya amnılek. Amıl, Juda apnan gıpal kal mıgan ak amnılek. ¹¹ Juda bınbı anıb okok, Juda bınbı Tesalonayka yelak okok tek

mel, kili midtep gilak. Ak nim, Pol takaw nop ak nigel tep gakniñ, niñid agup akan agil, buk Baybol ak minek minek piyowil nigilak. ¹² Kili kunay yibil Jisas nop gos linigilak. Glik bin yib yek okok, Glik bi oginap abe, kunay yibil Jisas nop gos linigilak.

¹³ Pen Juda binib Tesalonayka yelak okok, kili Pol amil taun Beliya binib kilop God takaw ak agñub ak nigelak, milik yowak. Milik yapek, kili apil Beliya binib kilop nebneb gel, kabiyam junig gelak. ¹⁴ Anib ak niñid, binib Jisas nop gos linigilak okok, kili oginap Pol nop kasek dam man ñig solwala gol okok agyokilak. Pen Saylas ayip Timoti ayip, taun Beliya anib ak yilek. ¹⁵ Pen bi oginap Pol nop dam taun Atens amjakilak. Adikid amnilakniñ, Pol kilop agak, Saylas ayip Timoti ayip, kilop agyokem, kasek ownimil agak.

Pol ne taun Atens midil, God takaw agñak

¹⁶ Pol anib agil, Saylas ayip Timoti ayip kilop kod yek, taun Atens anib ak. Midilig nigak, binib anib okok, tap yepis kili agnigeligipal okok, kunay yibil yek. Nigek, gos nop ak timel yibil gak. ¹⁷ Anib ak tek Juda apnan gipal kal ak amil, bi Juda nib oginap ayip, bi Juda mel pen God nop kidek gil agnigilak oginap ayip, takaw ag amil apil geligipal. Pen ñin kunay abe, binib apnan geligipal tep ak apnan gil, kili ayip takaw ag amil apil gi yeligipal. ¹⁸ Ñin anib ak, Epikuliyan bi gos nigep oginap, Stowik bi gos nigep oginap,* kili Pol ayip takaw ag amil apil gilak. Anigel, Pol ne Jisas kumil tikjakak takaw

17:13 Apo 13.50, 14.19 **17:17** Apo 18.19 * **17:18** Man anib okok, binib gos adek keke nigilak okok, yib keke agil, oginap Epikuliyan binib agilak, oginap Stowik binib agilak.

teplep ak agek, kili niñid oginap agilak, Bi takaw monmon agup awl, takaw anib ak tay agup agilak? Pen oginap agilak, Binib pal okok kili tap anib okok agnigeligipal takaw ak agup agilak. ¹⁹ Pen Pol nop dad kaunsol kay Aleyopagus yelak ak amil agilak, Nad takaw kideyil binib okok kilop apan ak, miñil chinop agñinimin agilak. ²⁰ Takaw nad ak chin nopun, takaw anib ak ke tek lup agilak. Takaw jij anib ak nigtep ginigun agilak. ²¹ Binib man Atens nib okok sek, binib okok nib apil Atens yelak okok sek, kili takaw kideyil oginap niñid, ag yonigun agil gos anep nigeligipal.

²² Pen Pol kaunsol kay Aleyopagus yelak nab ak tikjakil agak, Nibi Atens bi okok agak. Yad nepin, nibi kiles yibil gil, tap oginap agnigun agil gos ak nepim agak. ²³ Yad man anib ak ajilig, nibi kab keke gil tap keke agnepim tek, yib ak adek anib ak kil tikipek ak nepin agak. Pen kab olap gilipek ak, yib ak tikil apim, Tap olap chini ma nopun ak, kab nop nim awl apim agak. Tap ma niñid yokip agnepim anib ak, jij ak nibop miñil aginigebin agak.

²⁴ God lum awl ak gilil, tap okok midupsek gilil gak ak, ne biawl yibil agak. Adekab alan sek, lum awl sek kod mideb agak. Binib okok kal akan tap oginap gilel, ne apil tap gilipal nab anib okok midonimun tek ma lup agak. ²⁵ Ne chinop gilil, añiñ bad ak yokek, añiñ lilig midobun agak. Tap chin okok midupsek, ne nokom gilak agak. Ne bi kiles timel mideb, chin tap tep olap gil nop ñinigun

17:24 Mat 11.25, Apo 7.48, 14.15 **17:24** 1 Kin 8.27, Ais 42.5

17:25 Jop 12.10, Sng 50.12, Sek 12.1, Apo 7.48

tek ma lup agak. ²⁶ Ne based nokom nop nep gilek, bi anib ak ne pen tik dad amil apil gek nim, binib keke okok midupsek midobun agak. Binib anib okok man keke midupsek midebal agak. God ne nokom gek nim, binib oginap man olap midil, mid dad amil, kidek ne ke agak ñin ak apek, binib okok nib oginap apil tep anib ak dipal agak. ²⁷ God gek, ñin oginap koslam midobun ak, yip gos nigilig owlan agil gup agak. Ne pal okok ma mideb, ne chin ayip keke mideb agak. ²⁸ Chin kiles ne ak dil midobun agak. Pen bi takaw kil tikkep nibi ke oginap kili agilak, God ne bapi chin agilak ak, ninid agilak agak. ²⁹ God ñapay ne midobun ak nim, taynen gol, silpa, kab, tap okok dil, gos chini ke ninid, tap oginap gilil agnopun agak. God ne tap anib okok tek mel agak. ³⁰ Ned binib God takaw ne ak ma nigeligipal tek, kilop takaw oginap kunay ma agak. Minil pen binib man okok midupsek kilop agup, Tap si tap timel gipim ak taynen anigipun agil keliginimib agup agak. ³¹ Agup anib ak, nigtep yibil ginigun agak. Kidek ne ke nigup ñin olap apek, bine olap nop aglup ak agyokek apil, binib midupsek kilop yipid gil nep tig asikil bilokinigab agak. God gek bi anib ak kumil tikjakak agak. Anib ak chin nopun, bi anib ak chinop aniginigab agak.

³² Pol tikjakak takaw anib ak anigil agek, binib yelak okok nigilig, oginap yimel agilak, oginap agilak, Ñin oginap takaw anib ak tepayan

17:27 Lo 32.8, Sng 145.18, Ais 55.6, Jer 23.23, Apo 14.17, Lom 1.20

17:28 Kol 1.17, Tat 1.12, Hib 1.3 **17:29** Ais 40.18-20, 44.10-17, Apo 19.26 **17:30** Apo 14.16, Lom 3.25, Tat 2.11-12, 1 Pi 1.14

17:31 Sng 9.8, 96.13, Apo 2.24, 10.42, Lom 2.16, 14.10

agenimin, chin niginigun agilak. ³³ Anib agelak, Pol kilop kelig amnak. ³⁴ Pen man awl Atens anib ak, binbi oginap, takaw nop ak kidek gil, Jisas nop gos linigilak. Binbi anib okok nim, bi olap yib nop ak Diyonisiyus. Ne bi kaunsol kay Aleyopagus kili anib ak nib olap. Bin olap yib ne Damalis, ne Jisas nop gos linigilak. Pen binib yokip oginap sek abe Jisas nop gos linigilak.

18

Pol ne taun Kolin midil, God takaw agñak

¹ Kidek Pol taun Atens anib ak keligil, taun Kolin amnak. ² Amil nigak, bi Juda olap, Podus plopens nib ap yek. Yib ne ak Akwila, bin ne yib ak Plisila. Bi bel anib ak, kili am yeligipil man Yitali, taun Lom wulep okok. Kili anigil am yeligipil ak pen, ñin anib ak Lom gapman binonim Klodiyus, Juda oginap Lom ak ma yenigel agak ak nim, ap taun Kolin anib ak yelek. ³ Bi bel anib ak, kili sel kal gileligipil. Pen Pol abe, wog anib ak tek goligup ak nim, am kili ayip midil, sel okok gileligipal. ⁴ Pol ne pen, Juda binib, Glik binib midupsek nigilan agil, Juda añin lep ñin awl ak owaknin, apnan gipal kal ak amil, kili ayip takaw ag amil apil goligup.

⁵ Anigi dad amil, kidek Saylas ayip Timoti ayip Masedoniya plopens keligil owlek. Apel, Pol ne sel kal goligup wog ak keligil, minek minek Juda binib okok kilop takaw agñi ajilig agoligup, Bi God nop aglup ak, binib okok kilop dil kod yenigab ak, Jisas

ne nokom agoligup. ⁶ Anib agak ag pen, takaw nop ak ma niñid, nop agjuwilak. Agjuwelak, God nop taynen keligipal agil, chech ne ak pipal pakilig, kilop agak, Yad nibop God takaw ak agñen ma nepim ak, tap nibi ke agak. Miñil nibop Juda binib keligil, binib Juda mel okok kilop agñinigayn agak. ⁷ Anib agil, kilop keligil, bi Juda mel olap kal ak amnak. Bi anib ak yib ne Titiyus Jastus. Ne God nop kidek gil agnigoligup. Kal ne ak yek, Juda apnan gipal kal gol sinjak. ⁸ Pen Klispus, bi Juda apnan gipal kal kod yoligup ak, binib ne ayip yelak okok ayip, kili Pol Jisas takaw agak ak niñid agup agil, Jisas nop gos linigilak. Kolin binib kuñay abe, kili Pol takaw agak ak niñid, Klays nop gos linijid ñig pakilak.

⁹⁻¹⁰ Ñin sibmig olap, Pol wisin nigak, Biawl ak nop agak, Yad nad ayip midebin ak nim, ma pilikinimin, takaw yip ak binib okok kilop mon-mon agñinimin agak. Man anib awl, binib yad kuñay yibil midebal, binib oginap nep gi timel ginigel tek ma lup agak. ¹¹ Anib agek, Pol man okok ma amnak, taun Kolin anib anep midil, sap yeb nokom, takan anep kagol ak, God takaw ak agñi yoligup.

¹² Pen Lom binib okok, biawl Galiyo nop agel, ne apil Akaya plopens kod yek. Ñin anib ak, Juda binib okok kili apnan gil, takaw ag adek nokom lil, Pol nop nigel milik yapek, nop dad kot amnilak.

¹³ Amil agilak, Bi anib awl binib okok kilop God

18:6 Ese 18.13, Apo 13.45-46, 13.51, 20.26, 1 Pi 4.4 **18:8** 1 Ko 1.14 **18:9-10** Jos 1.9, Ais 41.10, Jer 1.8, 1.18-19, Mat 28.20, Jon 10.1, Apo 23.11, 1 Ko 2.3

takaw agñebin agil, God nop kidek gil agnigep takaw olap ke agñub agilak. Takaw pel niñid kidek gipim ak keliginimib agup agilak. ¹⁴ Anib agelak, Pol takaw anib ak pen aginig gakniñ, biawl Galiyo tikjakil kilop agak, Nibi Juda binib agak. Bi anib awl tap timel olap gobikop, takaw nibi apim ak nepinep agak. ¹⁵ Pen wog nibi gipim ak sek, yib nibi dipim adek ak sek, gos nibi nepim ak sek, takaw nibi kidek ginigabim pal ak sek, tap anib okok yip apil agnepim agak. Ak takaw yad mel agak. Takaw anib ak nibi ke aginimib agak. ¹⁶ Anib agil, Juda binib okok kilop ag sen yokak. ¹⁷ Kili sen amilig, bi Juda apnan gipal kal kod mideb ak, yib ne Sostenes, nop dil pakilak. Nop anigilak ak pen, biawl Galiyo niñid, takaw olap ma agak.

Pol ne adikid Siliya plopens taun Adiyok amnin agil amnak

¹⁸ Pen Pol taun Kolin tapin midil, binib Jisas nop gos linigilak okok kilop agak, Nibi midem yad amebin agak. Agek, Akwila bin ne Plisila sek, bi bel ayip Siliya plopens amnun agil amnilak. Am am taun Senkliya amjakil, Pol yad God nop chigil nep yenigayn agil takaw aglilig, kimig wij ne ak tikak. Tikil, sip dil sanjidilak. ¹⁹⁻²¹ Pen kili am am taun Epesus amjakil, Pol ne Juda apnan gipal kal migan ak amil, Juda binib okok ayip, takaw ag amil apil gak. Anigek, nop agilak, Ñin oginap sek chin ayip awl yenimin agilak. Anib agilak ak pen, takaw kilop ak ma dil agak, Nibi midem yad

18:14 Apo 23.29, 25.11, 25.19 **18:15** Jon 18.31, Apo 23.29, 25.18-19 **18:18** Nam 6.18, Apo 21.24, Lom 16.1 **18:19-21** Apo 17.17, Lom 1.10, 1 Ko 4.19, Hib 6.3, Jem 4.15

amebin agak. God yip yaw agenigab, kidek adikid ownigayn agak. Anib agil, Akwila bel kilop, binib anib okok ayip aglil, ne sip dil, taun Epesus keligil, ²² am am taun Sisaliya amjakak. Amjakil, amil man Jelusalem alan amjakil, binib Jisas nop gos linigilak okok kilop ninid ag dideg lak. Anigil, Siliya plopens taun Adiyok ayan amnak.

²³ Amil, nin kunay yibil midil, kidek kilop keligil amnak. Ne am Galesiya plopens okok sek, Piligiya plopens okok sek gi ajilig, binib Jisas yil yelak okok kilop agnitep gek, nigtep gilak.

Bi Apolos ne taun Epesus midil, God takaw agnak

²⁴ Pen bi Juda olap, taun Aleksadliya nib, ne apil taun Epesus yek. Yib ne ak Apolos. Ne bi takaw agtep yibil gil, God takaw ned agil tikilak ak nigtep yibil gil gak. ²⁵ Apolos ne God wog goligup anib ak, bi oginap nop ned agnilak. Gos ne won ak kiles timel gil ninid, binib anib okok kilop takaw agnin agil gos nigak. Ak nim, Apolos ne Jisas takaw nokom nokom binib okok kilop yipid gil yibil agak. Takaw agak anib ak, Jon Bi Nig Pakneb nigak tek nep ninid anib agak. ²⁶ Nin anib ak tikil ne ma pilikil, Juda apnan gipal kal ak amil, Jisas takaw ak monmon yibil agnak. Agnek, Akwila ayip bin ne Plisila ayip ninid, nop dad kal kili ak amnilak. Amil, nop God takaw ma nigak won oginap, agnitep yibil gilek.

²⁷⁻²⁸ Kidek ne Akaya plopens amnig gek, Epesus binib Jisas nop gos linigilak okok, kili tep yibil ne amil kilop agninigab agil, Akaya binib Jisas

nop gos linigilak okok kilop mij olap kil tikilak. Tikil agilak, Bi God wog gup Apolos amjakek, nop dinimib agilak. Anib agel nim, Apolos amjakil mij ak yomak. Yomek, Akaya binib God kilop yimug ninid gitep gek, Jisas nop gos linigilak okok, kili midupsek Apolos nop dilak. Minek minek ne Juda binib okok kilop buk Baybol takaw adek ak agtep gilig agak, Bi God nop aglup ak, binib okok kilop dil kod yenigab ak, Jisas ne nokom agak. Anigil agtep gek, nop takaw olap pen aginigel tek ma lak. Anigek, binib Jisas nop gos linigilak okok, midtep yibil gilak.

19

Pol ne taun Epesus amil takaw agñak

¹ Apolos ne taun Kolin midakniñ, Pol man dum olap sanid amil, taun Epesus amjakil nigak, bi Jisas yil yelak oginap yelak. ² Kilop ninid anib agak, Nibi Jisas nop gos linepek ñin ak, God Kawnan ne ak abe dipek agak? Agek agilak, Mel. God Kawnan mideb agil chin ma nopun agilak. ³ Agelak, Pol kilop agak, Pen nibi taynen ñig pakipek agak? Agek agilak, Chin Jon takaw agak ak dil, ñig pakinok agilak.

⁴ Anib agelak agak, Jon binib okok agek ñig pakeligipal ak, tap si tap timel gipun ak taynen anigipun agil keliginigun gos nigel nim, kilop ñig pakñoligup agak. Pen ned Jon ne kilop agoligup, Bi kidek ownigab ak, nop gos liniginimib agoligup agak. Bi kidek ownigab agak anib ak, Jisas ne

nokom agak. ⁵ Pol anib agek, Jisas binib ne yibil yonigun agil, ñig pakilak. ⁶ Ñig pakel, Pol kilop di nigakniñ, God Kawnan ne ak kilop yokek, takaw yibil keke agil, God kilop gos ñek agñilak. ⁷ Bi anep umigan ak tek anigilak.

⁸ Pol takan omiñal nokom, binib Juda apnan gipal kal owlak okok ayip, God binib dil kilop kod yenigab takaw ak ag amil apil gi yoligup. ⁹ Pen kili oginap, takaw tep ak ma yibil dilak. Keligilak. Binib yelak nab ak agilak, Biawl kanib tep ne ameb apal takaw anib ak, takaw tek ma lup agilak. Anib agelak, Pol kilop keligil, binib Jisas yil yelak okok kilop dad Tilanus sikul kal awl ak amil, minek minek kilop takaw agñi yoligup. ¹⁰ Anigil agñi yek, sub omiñal yin gak nim, Juda binib okok sek, Glik binib okok sek, Esiya plopens yelak tek midupsek, Biawl nop takaw ak nigilak.

Bi Skepa ñine kicheki walijpal agyokinig gilak

¹¹ God ne Pol ayip midakniñ, ne tap mageptek ke yibil okok goligup. ¹² Binib okok kili Pol chech bad nop okok dad damil, binib tap gup okok kilop ñel, jak ameliligipal. Kicheki okok aban loligup okok abe sen ameliligipal.

¹³ Pen Juda bi oginap kuj tap okok gilig, kicheki tap okok agyokipun agil gi ajeligipal. Pol gak tek niñid chin abe gun agil, kicheki okok kilop agilak, Bi Jisas anib ak, Pol pel agñub ak, ne mideb tek, sen amnon agilak. ¹⁴ Bi God nop sibogep biawl olap, yib ne Skepa, ñine anep kugul ak yelak. Kili

kicheki tap okok agyokun agil anib agilak. ¹⁵ Agelak, kicheki bi abanj lak ak pen agak, Jisas ayip, Pol ayip kilop nepin ak pen, nibi bi an agak?

¹⁶ Anib agil, bi anib okok kilop talakil, tapin nep pakil, chech kilop okok tig talik yokek, day nep midil, kal anib ak keligil pilik amnilak.

¹⁷ Pen takaw anib ak, Juda binib ayip Glik binib ayip taun Epesus yelak okok midupsek, kili ninid pilikil, Jisas yib nop ak tapin nep dad aplanilak.

¹⁸ Binib Jisas nop gos linigilak okok, kili oginap apnan gil, kuj tap tay timel gilak okok, misen agilak. ¹⁹ Kuj tap okok gil, buk kil tik leligipal okok, binib nig yelaknin mab pak dagilel yinak. Buk anib okok, mani tawep nab ak nin pagel, 50,000 tek amnak. ²⁰ Pen taun Epesus anigelak, Biawl takaw ne ak awl yibil gil, man okok midupsek amnak.

Epesus binib takaw pug awl agilak

²¹ Pen anib okok gijuwil, kidek God Kawnan ak Pol nop gos nek anib agak, Yad Masedoniya plopens amil, Akaya plopens amil, Jelusalem amnigayn agak. Amil, kidek taun Lom abe amnigayn agak. ²² Anib agil, bi nop kod yelek okok, Timoti ayip Elastus ayip, kilop agyokek, Masedoniya plopens amelek, ne Esiya plopens tapin nin kab olap yoligup.

²³ Nin nab anib ak, Epesus binib oginap, kili binib Biawl kanib tep ne ameb apal okok kilop ag ginig gilak. ²⁴ Bi olap, yib ne Demitliysus. Bi

19:15 Mak 1.24, 1.34 **19:17** Luk 7.16, Apo 2.43, 5.5, 5.11 **19:20** Apo 6.7, 12.24 **19:21** Apo 18.21, 20.22, 23.11, Lom 1.13, 15.24-28, Gal 2.1 **19:22** Lom 16.23, 2 Ti 4.20 **19:23** 2 Ko 1.8 **19:24** Apo 16.16-19

anib ak, tap silpa ak dil, tap yepis agnigeligipal kal achip oginap gak. Gek, binib oginap ap taw dam lil, bin Atemis tay yepis agil, nop minek minek sibogeligipal ak, agnigep kal ne ak agil agnigeligipal. Bi Demitliyus ne bi wog giñeb ne okok wog kunay yibil kilop ñak. Ñek, kili wog anib ak gil, mani awl yibil deligipal. ²⁵ Pen Demitliyus ne bi nop wog gilak okok sek, bi wog kili geligipal anib ak tek gilak okok sek kilop agek, apnan gelak agak, Nib nepim, chin wog nokom anib awl gil, mani awl yibil dipun agak. ²⁶ Bi anib ak Pol pen ne apil, binib okok kilop yepis agil agup, Ñin midup dil tap gipal okok, tap agnigep mel agup agak. Anib agek, taun Epesus binib kunay yibil dil, Esiya plopens midupsek binib kunay yibil dil nigeбал agak. Pol tap anib okok gup ak, nibi ke nepim agak. ²⁷ Pol takaw ne ak agek, mani tap okok dipun ak wakaj sakil, binib okok chinop takaw timel aginigabal agak. Pen adek anib anep ma agebin, binib kili bin awl chin Atemis nop agnopun ak keligil, kal awl nop agnepal ak keligil gebal agil agebin agak. Ned Esiya plopens binib midupsek ayip, binib lum awl midupsek ayip, kili binawl anib ak nop agnepal agak. Pol takaw ne ak pen bin Atemis yib nop ag we ginigab agak.

²⁸ Demitliyus anib agek, bi anib okok nigel, kilop milik timel yapek suk awl agil agilak, Binawl Atemis, bin jij awl chin Epesus agilak. ²⁹ Meg migan dad aplanil ag amil apil gilakniñ, binib taun anib ak kunay yibil owlak. Apil, Pol bine ominal ak

kilop lipig dad takaw agep tep ak amnilak. Bine ominal anib ak, ne ayip Masedoniya nib ap yelek. Yib kili ak, Gayus ayip Alistakus ayip. ³⁰ Pol ne binib apnan gil takaw agelak nab ak amnin agek, bi Jisas yil yelak okok pen nop mel agilak. ³¹ Gapman biawl oginap, Pol nop bogilak kili ak nim, kili abe nop takaw kiles gil agilak, Binib apnan gil takaw agebal nab ak ma amninin agilak.

³² Pen binib kunay yibil apnan gil, takaw awl agil, takaw keke yibil agilak. Kili takaw jij ninid anib agobun agil ma nigilak, monmon yibil agilak.

³³ Bi Juda oginap, bi chin Aleksada ne kilop agtep ginigab agil, nop binib kunay yibil yelak nab sinjak yokil agilak, Nad anigil agan agilak. Agelak, ne kilop nin tig milich gil, takaw aginig gak. ³⁴ Binib anib okok pen nigilak, ne Juda nib. Anigil nigilak ak nim, kili midupsek suk awl agil agilak, Binawl Atemis, bin jij awl chin Epesus agil, tapin nep agilig yelak.

³⁵ Anigil ag midel midel, taun Epesus biawl nu kil tikep kili ak, ne tikjakil kilop agak, Kimigel midem agak. Anib agek, kimigel yelaknin agak, Epesus binib. Taun chin awl, bin awl Atemis kab ne gap tek wisip alan nib ju yowak agak. Kab anib ak dil, kal gilitap gil agnopun ak, an ma nigup agil, takaw pug awl ak agebim agak? ³⁶ Takaw anib ak, binib midupsek nepal nen, keligim agak. ³⁷ Pen bi dad opim ominal awl, bin awl Atemis nop agnopun ak, nop ma agjuwil, kal nop agnopun tap oginap si ma dipil ak pen, kilop dad opim agak. ³⁸ Anib ak Demitliyus akan, bine oginap

takaw yek kot ginig, bi tig asikep oginap midebal ak nim, kot ginigel agak. ³⁹ Pen takaw miñel oginap yonimuj, binib man awl apnan gipun ñin ak nep aginimib agak. ⁴⁰ Chin miñil apnan gil takaw pug awl agobun ak, takaw jij olap midek ma agobun agak. Gapman biawl yibil olap, taynen apnan gil takaw awl agebim agek, pen takaw olap aginigun tek ma lup agak. ⁴¹ Ne anib agil, kilop agyokek keke amnilak.

20

Pol Masedoniya plopens amil, man Glik amnak

¹ Pen binib okok suk awl ag midil keke amnilakniñ, Pol binib Jisas yil yelak okok kilop suk agek owlak. Apelak, kili gos sek yinigel agil takaw tep oginap agñil, kilop keligil Masedoniya plopens amnak. ² Amil, anib okok ajilig, binib Jisas yil yelak okok kili gos sek yinigel agil, kilop takaw tep kunjay agñilig dam dam, man Glik amjakak. ³ Amjakil, takan ominal nokom man anib ak midil, kidek yad sip dil Siliya plopens amnin agak ak pen, ne takaw olap nigak, Juda kay nop paklinig gelak. Takaw anib ak niñid, lum adek nep adikid Masedoniya plopens amnin agil nigak. ⁴ Pen Pol bine ayip ajelak okok nim, Pilus ñine Sopatel taun Beliya nib ak, Alistakus ak, Sekudus taun Tesalonayka nib ak, Gayus taun Debi nib ak, Timoti ak, Tikikus ak, Tlopmus Esiya plopens nib ak. ⁵ Bi anib okok, kili ned taun Tlowas amil, chinop kod yelak. ⁶ Taun Pilipay midon, Juda ñin awl bilet ma yinig tanub ñibal ñin ak padikek, sip

dil, ñin anep mamid ak nab kinil, taun Tlowas amjakinok. Amjakil niginok, bi chin okol man anib ak yelak. Ninid, ñin anep kugul midinok.

Pol ne gek bi Yutikus tepayan tikjakak

7-8 Ñin anep kugul midil, Salale dugap won ak Biawl tap midup ñininig, kal abañ adek nab alañ migan ak apnan ginok. Apnan gil, Pol tol amnigayn agil, binib kilop takaw agakniñ nig yonok. Anigil nig midon midon maynab apek, sup dagil lil nig yonok. ⁹ Pen bi pilaj olap, kanib bibejil migan adek ak besigak. Yib ne ak Yutikus. Abañ day ayan mel, nab pel ak mel, day adek alañ migan ayan besig midil, Pol takaw agakniñ nig yek. Ne anigil nig mid mid, wisin kabiyam yibil apek, wisin jikjik gi gi wisin kinak. Kinil, alañ nib gi dam lum ayan pakek, am ayan dil nigilak, pisnep kumil yek. ¹⁰ Pol ne pen ayan amil, nop nab nab dil agak, Gos kunay ma niginimib, ne konim mideb agak. ¹¹ Anib agil, tepayan alañ amil, Biawl tap midup tipag jimñil ñibil, Pol jitep ak takaw ag midek midek, man tikakniñ ne amnak. ¹² Pen bi pilaj apyap pakak anop, dad kal amil, miñmiñ yibil gilak.

Pol taun Tlowas keligil, taun Miletus amnak

¹³ Pol chinop agak, Nibi sip dil taun Asos amem, yad man adek apil, sip dinigayn taun Asos anib ak agak. Anib agek, chin sip dil am taun Asos amjakil, ¹⁴ Pol nop niginok taun anib ak. Ninid, chin Pol nop sip adañ dad amil, taun Midilini amninok. ¹⁵ Minek taun Midilini keligil, man ñig tib kus gak

Kiyos wulep ak amjakinok. Minek ak, man ñig tib kus gak Samos amjakil, minek ak taun Miletus amninok. ¹⁶ Pol ne gos olap nigak, taun Epesus amil, Esiya plopens sayn nep gi ajil, Pedikos ñin ak Jelusalem ma niginigun tek lup agil nigak. Ak nim taun Epesus sil gil amninok.

Pol bi Klays binib ne okok kilop kod midebal taun Epesus nib okok kilop agak

¹⁷ Taun Miletus amjakil, Pol takaw yokek taun Epesus amek, bi Klays binib ne okok kilop kod midebal okok kilop agak, Midebin awl ownimib agak. ¹⁸ Anib agek apelak agak, Ned man nibop awl ma owep ñin ak apil, nib ayip midil, mid dad amil, titay geligipin ak nepim agak. ¹⁹ Yib yad ma dad aplaninek agak. Biawl nop wog ak giñineknin, Juda binib mimug gil yip paklinig gelak, yip chib gek, chan lilig, takaw agñinek agak. ²⁰ Pen nib nepim, yad kal nibi okok akan, apnan gi yeligipim okok akan, takaw teplep olap ma we gil, monmon agñeligipin agak. Midupsek nep nibop agñinek agak. ²¹ Nibop Juda binib okok sek, binib Juda mel okok sek, agtep gil aginek, Nibi tap si tap timel gipim ak taynen anigipun agil keligil, God agup takaw ak dil, Biawl chin Jisas nop gos liniginimib aginek agak.

²² Pen miñil God Kawnan ak, yip nag tek lil, dad Jelusalem ameb ak, yip tay tek ginigab ak ma nepin agak. ²³ Pen yad nepin, man okok man okok amjaken, God Kawnan ak yip agup, Nad ame, nep

20:16 Apo 18.21, 24.17, 1 Ko 16.8
Apo 18.19, 19.10 **20:19** Apo 20.3
Apo 19.21, 21.4, 21.11, 1 Te 3.3

20:17 Apo 18.21 **20:18**
20:22 Apo 19.21 **20:23**

nag lel, koslam yibil yenigaban agup agak. ²⁴ Ak pen takaw ma mideb agak. Yad ke nep midtep gin agil gos ak ma nepin agak. Yip paklinigabal agil, ma pilikipin agak. Biawl Jisas, wog yip agak ak nep gos ninid, wog anib ak gijuwin agil gos nepin agak. Ak nim, God chinop yimug ninid gitep gup takaw teplep ak, agilig nep yenigayn agak.

²⁵ Pen nigim agak. Nibi midupsek, yad God binib dil kilop kod yenigab agen nepim okok, yip tepayan ma niginigabim agak. ²⁶ Miñil amnig nim, nibop misen agebin agak. Binib God takaw ma ninid yul awl dinigabal okok, tap kili ke agak. Yad ayip mel agak. ²⁷ Taynen? Yad God takaw olap ma agñibin mel, midupsek yibil nibop agñibin agak. ²⁸ Nibi ke gos nigtep gil, Klays binib ne okok kilop kod midtep ginimib agak. Bi chag sipsip mukep okok, chag sipsip kili okok kod midtep gipal tek, nibi binib God yil yelak okok kilop kod midtep ginimib agak. God Ñine nop agyokek, apil binib ne midupsek din agil kumak ak, sawl ma ginimib agak. God Kawnan ak nibop aglek, binib ne okok kilop midupsek kod midtep ginimib agak. ²⁹ Yad nepin. Yad amen, chen sawl nab nibi okok apil, chag sipsip nibi mukipim okok kilop oginap gi timel ginigabal agak. ³⁰ Bi nibi anep ke abe tikjakil, takaw yepis yepis agil, binib Jisas nop gos linepal oginap kilop lipig dad kid kili okok amnigabal agak. ³¹ Nigim. Yad sub ominal nokom yin gak

20:24 Apo 21.13, Lom 8.35, 2 Ko 4.1, 4.16, Gal 1.1, 2 Ti 4.7 **20:26** Apo 18.6, 2 Ko 7.2 **20:28** 1 Ko 12.28, 1 Ti 4.16, Hib 9.14, 1 Pi 1.19, 5.2-4 **20:29** Mat 7.15, Jon 10.12, 2 Pi 2.1 **20:30** 1 Ti 1.20, 1 Jo 2.19 **20:31** Mak 13.37, Apo 19.8-10, 1 Te 2.11

ak taun nibop Epesus midil, subnab maynab chib gakniŋ, chan lilig nibop midupsek agñitep ginek agak. Anib ak takaw agñinek ak sawl ma ginimib, nigilig nep yenimib agak.

³² Yad nibop God ñin adek ak lil amen, ne nib ayip yenigab agak. Ne chinop yimug niŋid gitep gup takaw teplep anib ak, minek minek gos niginimib agak. Takaw anib ak nigem, gos kiles ne ak nibop ñek, gos sek midil kiles gil jak tep gil yenigabim agak. Pen tap teplep ne okok nibop abe ñek, binib suntep ne okok midtep ginigabim agak.

³³ Nib ayip yenek ñin ak, binib oginap chech mani tap kilop okok din agil gos niŋid asib ma aginek agak. ³⁴ Ñin midup yad ke nep wog gil, bi ayip ajoligipun okok, tap chin dil tap midup ñiboligipun agak. ³⁵ Pen gipin anib ak tek, nibi abe kiles gil binib yingep tek okok kilop gitep ginimib agak. Biawl chin Jisas, takaw agak ak nepim agak. Ne agak, Bi oginap nibop tap ñenigabal, nibi miñmiñ ginigabim ak pen, nibi binib oginap kilop tap ñenigabim, miñmiñ awl yibil ginigabim agak.

³⁶ Pol takaw anib ak agjuwil, biawl Epesus nib anib okok ayip kigom yimil, God nop agnigilak. ³⁷⁻³⁸ Pen Pol bi anib okok kilop, kidek jomulik yip ak ma niginigabim agek, nop am kaykol gil, chan lil, kilop chib gakniŋ, nop nab lil dam sip migan ak yokilak.

20:32 Apo 26.18, Epe 1.18, Kol 1.12, Hib 13.9 **20:33** 1 Sml 12.3, 1 Ko 9.11-12, 2 Ko 7.2 **20:34** Apo 18.3, 1 Ko 4.12, 1 Te 2.9 **20:35** Mat 10.8, 2 Ko 11.9, 11.12, Epe 4.28, 1 Te 4.11, 2 Te 3.8 **20:36** Apo 21.5 **20:37-38** Apo 20.25

21

Pol ne sip dīl Jerusalem amnig sañidak

¹ Pen chin biawl Epesus nib anib okok kilop, nibi midem agil sañidinok. Sip dīl yipid gīl yibil am am, man ñig tib kus gak Kos amninok. Pen minek man Kos keligil, man ñig tib kus gak Lodes amil, taun Padala amninok. ² Amil niginok, sip olap Ponisiya plopens amnig gek nim, chin sip anib ak dīl sañidinok. ³ Am am, man ñig tib kus gak Sayplus ñin anid kid okok ken midakniñ, nigilig am am, Siliya plopens niginok. Sip yek tap okok Siliya plopens yisik yokinig nim, am taun Taya amjakinok. ⁴ Taun Taya amjakil, am binib Klays yil yelak okok kilop piyow niñid, kili ayip ñin anep kugul yonok. Pen God Kawnan ne ak binib anib okok kilop gos ñek, Pol nop agilak, Jerusalem amnigeban ak ma amnimin agilak. ⁵ Pen amobun agon, bi Klays yil yelak anib okok, bin ñapay kili okok midupsek chinop dam ñig gol ak yokilak. Yokel, kili ayip kigom yimil, God nop aginok. ⁶ Pen chin penpen ñin pak sakil, am sip ak dinokniñ, kili adikid kal amnilak.

Agabus ne Pol nop anib ginigabal agak

⁷ Pen chin sip dīl taun Taya keligil, am taun Tolemes amjakinok. Amjakil, binib Jisas nop gos linigilak okok kilop aginok, Nibi midtep ginimib aginok. Anib agil, ñin olap kili ayip yonok. ⁸ Minek ak kilop keligil, am taun Sisaliya amjakil, Pilip kal ne ak amninok. Ne bi God takaw teplep agñeb olap. Nop nim, ned Jerusalem yek, bi anep kugul

onjɔd aglɪlak ak bɪ kɪlɪ olap. ⁹ Pen bɪ Pilip anɪb ak, payne anep tɪgawup ak God gos ñek agñeligipal. Pay anɪb okok kɪlɪ bɪ ma dɪlak. ¹⁰ Chin Pilip ayɪp yonok ñɪn nab anɪb ak, bɪ God gos ñek agñeb Agabus, ne Judiya plopens nɪb ak owak. ¹¹ Chinop apɪl, Pol sɪbnag nop ak dɪl, ñɪn tob ne ke okok tunɪg tɪbɪkɪl agak, God Kawnan ak agup, Bɪ sɪbnag nap anɪb awl nop, Jelusalem amek, Juda bɪnɪb okok kɪlɪ nop anɪgɪl tunɪg tɪbɪkɪnɪgabal agup agak. Tɪbɪkɪl, dam bɪ Juda mel okok kɪlop ñɪnɪgabal agup agak.

¹² Anɪb agek, chin bɪnɪb okok mɪdupsek takaw anɪb ak nɪnjɪd, Pol nop takaw kɪles tɪmel agɪnok, Jelusalem alaɲ ma amɪnɪmɪn agɪnok. ¹³ Agonok, ne pen agak, Yɪp taynen chɪb nɪnjɪd chaɲ lem, yɪp chɪb geb agak? Yad Jelusalem amɪl, Jisas wog ne ak gen yɪp nag lenɪgabal, takaw ma mɪdeb agak. Pen yɪp paklenɪgabal, anɪb ak abe ma pɪlɪkebin agak. Monmon amɪnɪgayn agak. ¹⁴ Pen chin Pol nop anɪgɪl ag mel nɪnjɪd agɪnok, God ne ke nɪgup tek gɪnɪgab agɪnok.

¹⁵⁻¹⁶ Pen chin anɪgɪl taun Sisaliya mɪdɪl, Jelusalem amɪnɪg, tap chin okok nan gɪl, bɪnɪb Klays yɪl yelak man anɪb okok nɪb ogɪnap ponjɪd, Jelusalem amɪnɪnok. Amonok, chinop dam Nason kal ak lel kɪnɪnok. Bɪ Nason anɪb ak, man Sayplus nɪb. Ne Jisas nop ned gos lɪnɪgak.

Pol ne Jemis nop am nɪgak

¹⁷ Bɪnɪb Klays bɪnɪb ne Jelusalem yelak okok, kɪlɪ chinop nɪgel tep gak. ¹⁸ Minek takaw agɪnɪg, bɪawl

Jemis nop niginig amil niginok, bi Klays binib ne okok kilop kod midebal okok ayip apnan gil yelak.

¹⁹ Pen chin amjakil, Pol kilop agak, Nibi midtep ginimib agak. Pol pen, God nop kod midaknij, binib Juda mel man okok ajil, tap titay midupsek gak ak, biawl anib okok kilop kesim diñak.

²⁰ Kili takaw anib ak nijid, God nop tep agil, Pol nop agilak, Mam. Nad nepan, Juda binib kunay yibil, Jisas nop gos linepal ak pen, kiles timel gil apal, Chin Juda okok, takaw Mosis ñu kil tikak ak kiles gil kidek ginigun apal agilak. ²¹ Anigipal tek, binib oginap Jelusalem awl apil apal, Pol ne Juda binib man palawl okok midebal okok kilop agup, God takaw Mosis bilel agil tikak ak keligil, ñi nibi okok wak ma tibilikil, chin Juda gipun gipun adek ak keliginimib agup apal agilak. ²² Nad Jelusalem awl opas tek, binib anib okok nep niginigabal agilak. Anib ak, chin tay ginigun agilak? ²³ Anib ak gos chin nopun, pal olap nad kidek ginigaban agilak. Bi chin ominal ominal, chin Juda gipun adek ak kidek gil, God nop takaw olap nijid yibil agobun agilak. ²⁴ God nop tap pak dagil sibog ñinigeбал tek, nad am bi anib okok kilop de, God takaw ne pal ak kidek gil, widin midup ne adek sinjak teplepyenimib agilak. Nad tap God nop sibog ñinigabal okok tawil kilop ñe sibog ñinigel agilak. Sibog ñil, kimig wij kili ak tiginigabal agilak. Anige nim, binib midupsek nep takaw agilak anib ak, yepis yibil agilak ak niginigabal agilak. Nad Juda nib ak nim, chin Juda gipun tek gipan aginigabal

21:19 Apo 15.4, 15.12, Lom 15.18-19 **21:20** Apo 15.1, 15.5, 22.3, Lom 10.2, Gal 1.14 **21:21** Apo 16.3, Gal 2.3 **21:23** Nam 6.13-21
21:24 Apo 18.18

agilak. ²⁵ Pen binib Juda mel Jisas nop gos linepal okok kilop, mij tikyokil aginok, Binib kili tap yepis oginap siboginig, sab chag tap okok pakenigel, ma ñinjinimib aginok agilak. Kuñam tig wukel kumek, nikim sek yenigab tek ma ñinjinimib aginok agilak. Kuñam tikem, nikim amdek nep ñinjinimib aginok agilak. Sab chag tap okok nikim ak ma ñinjinimib aginok agilak. Bin si bi si ma ginimib aginok agilak.

²⁶ Anib agelak, Pol takaw kilop ak dil, minek bi ominal ominal anib okok ayip, God takaw ne pal ak kidek gil, widin midup ne adek sijak teplep yonigabun agil gilak. Anigil, God agnigep kal awl ak amil, Pol biawl yelak okok kilop agak, Chin ñin akal teplep yonigabun, anep kagol ak midil, ñin adek ak, God nop tap ñeb oginap keke dad apil, nop sibog ñinigabun agak.

Kili Pol nop chichik dilak

²⁷⁻²⁸ Kugul ñin ak wulep owakniñ, Juda binib Esiya plopens nib oginap nigilak, Pol ne God agnigep kal awl kab wali kus gil yek migan ak yek. Niñid, nop chichik dil, suk awl agil agilak, Chin Yisiel bi midupsek tikjakil, bi timel gup awl di yonigun agilak. Ne man okok ajil, pel timel yibil gup bi ak nim awl agilak. Chin Juda binib gipun adek ak timel agil, Mosis agil tikak takaw ak timel agil, God agnigep kal awl anib ak agjuwil gup agilak. Pen abe nigim agilak. Binib Juda mel, God agnigep kal awl kab wali kus gil yek migan ak ma dad owep okok kilop, monmon dad owup agilak. Anib ak ne God agnigep kal awl migan chinop ak

gi timel gup agilak. ²⁹ Kili takaw agilak anib ak, gos kili nep niñid agilak. Pol ne yokip Tlopmus ayip, man Jerusalem anib ak ned ajek nop niñid, agilak, Pol bi Tlopmus taun Epesus nib ak ayip, God agnigep kal awl kab wali kus gil yek migan ak amub agilak.

³⁰ Anib agel, takaw anib ak binib okok midupsek niñid ju dil, ap Pol nop dil dad senayan yokil, God agnigep kal awl kab wali kus gil yek kanib ak kasek giñilak.

³¹ Giñil, takaw pug awl agilig, Pol nop pisnep paklinig tek gilak. Pen gilak takaw anib ak, Lom bi chim kadin gep biawl yibil yek ak amnak. ³² Amek, biawl anib ak bine kunay ponid kasek apjakel, Juda binib okok niñid, Pol nop paklinig gelak ak keligilak. ³³ Bi chim kadin gep biawl yibil anib ak apil, Pol nop chichik dil, bine okok kilop agak, Nop nag kiles ominal gil dil liñinimib agak. Agek, agak tek gelak, binib yelak okok kilop agak, Bi anib ak an agak? Ne tap tay gup nop anigebim agak? ³⁴ Agek, binib kunay yibil kili takaw keke agil, takaw pug awl yibil agel, biawl yibil ne takaw jij kilop ma nigak. Anigek, biawl ak bine okok kilop agak, Pol nop kal awl chin migan ak dad amnim agak. ³⁵ Amnig, dad kal kanibtub gol sinjak amjakilakniñ, binib kunay yibil kidek gil, Pol nop timel ginig nep gilak. Anigilak tek, bi chim kadin gep okok nop di wajilem adek ak lil, dad amnilak. ³⁶ Pen binib anib okok agilig agilak, Pol nop pisnep paklim agilak.

Pol takaw jji ne won ak, misenj agak

³⁷ Anib agilak ak pen, bi chim kadij gep okok kili Pol nop dad kal migan ayan amnig gilakniñ, ne Glik takaw agil, biawl yibil anop agak, Yad takaw nep olap aginim akan agak? Agek, biawl yibil ak agak, Nad Glik takaw nepan akan agak? ³⁸ Yad agnepin, Ey, nad nim, bi Yijip nib, gapman ayip penpen gil, bi penpen gipal kunjay yibil dil, dam man nep binib ma yelak nab okok yelak bi anep akan agnepin agak? Pen nad Glik takaw ak ageban agak. ³⁹ Agek, Pol agak, Yad bi Juda olap agak. Yip tikilak, Silisiya plopens taun Tasus agak. Pen yip yaw agenimin, yad binib okol kilop takaw aginim agak. ⁴⁰ Agek, biawl yibil ak, yaw nad aniginimin agek, Pol kal kanib yil aleb adek ak taw midil, ñin dad aplanak. Aplanek, binib okok takaw ma agilakniñ, ne Hiblu takaw agil kilop takaw agñak.

22

¹ Pol agak, Bapi sikop okok, mam sikop okok, nibi takaw aginigebin ak nig yenimib agak. Tap olap yip ñag paklinigebim ak ma gipin agak.

² Hiblu takaw ak agek nigilak ak, takaw takaw agil mel, kimigel yibil yelak.

³ Anigil midilakniñ, kilop agak, Yad bi Juda nib ak, yip tikilak Silisiya plopens taun Tasus agak. Pen yad apil Jerusalem awl, tisa Gamaliyel ayip midil awl ginek ak nim, apis based sikop titay agilak takaw ak midupsek, yip agñek niginek agak. Anib ak, nibi God nop ditep gun agil, kiles

timel yibil gipim tek, yad abe geligipin agak. ⁴ Binib Biawl kanib tep ne ameb apal okok kilop, gi timel yibil geligipin agak. Kilop paklin agil, bi okok bin okok monmon nag lil, dad kalabus ameligipin agak. ⁵ Geligipin anib ak, bi God nop sibogep biawl yibil ak ayip, bi Juda biawl takaw tig asikep okok midupsek ayip kilop agniginimib agak. Agnigem, ne yepis agup ma aginigabal, ninid agup aginigabal agak. Biawl anib okok, yad taun Damaskus amnig genek, yip mij oginap tik nilak agak. Mij anib ak, bi chin Damaskus yelak kilop tikil agilak, Sol nop kodenimib, ne Damaskus binib Jisas nop gos linepal okok kilop nag lil, dad Jelusalem awl apek kilop pak nag linigun agil tikilak agak. Pen Sol ne mij anib ak dil, kilop nag lil dad Jelusalem ownimuj agil gos nigilak agak.

Pol ne Jisas nop gos nigak kesim agak

⁶ Pen yad mij anib okok bi oginap ayip dad amninok agak. Am am, subnab won ak, taun Damaskus wulep wulep ginoknin, milek awl ak, wisip adek alan nib owak agak. ⁷ Anigek, yad apyap pakinek agak. Apyap paken, takaw olap yip agak, Sol. Sol. Yip taynen pel timel gipan agak? ⁸ Agek, yad aginek, Biawl. Nad an aginek agak? Agenek agak, Yad bi Jisas Nasalet nib, yip pel timel gipan anep agak. ⁹ Bi yad ayip amonok okok, milek awl ak nigilak ak pen, takaw midup ak ma nigilak agak. ¹⁰ Yad pen aginek, Biawl. Tay ginim aginek agak? Agenek, yip agak, Tikjakil, Damaskus amil, titay ginigaban ak, midupsek nep aginigabal agak.

¹¹ Milek anib ak, awl yibil gil, widin yip ak pisnep koy gek, niginim tek ma lak agak. Anigek, bi yad ayip amninok okok, yip ñin kid ak dil, dad taun Damaskus amnilak agak.

¹² Pen bi olap taun Damaskus yek, yib ne ak Ananayas agak. Ne God takaw ak nigtep gil, takaw chin titay mideb ak nigtep yibil gak agak. Bi anib anop, Juda binib Damaskus yelak okok, midupsek agilak, Ak bi tep yibil agilak agak. ¹³ Pen ne yad yenek wulep sijak apil agak, Mam Sol, widin tepayan nigan agak. Anib agakniñ, widin yip koy gak ak, pisnep sun lakniñ nop niginek agak.

¹⁴ Yip agak, God based apis sikop agnigeligipal ak, ne nep aglup agak. Tap ne ginig agup okok niginigaban agak. Nad pen Bi teplep yibil gup anop niginigaban agak. Meg migan ne ke agup won ak abe niginigaban agak. ¹⁵ Nep titay gup nepan anib ak, binib okok midupsek kilop agñinigaban agak.

¹⁶ Anib ak ma kod yenimin agak. Tikjakil, God nop agniñid, ñig pakinimin agak. Anige, God tap timel gipan gach ak wik yokinigab agak.

God ne Pol nop agak, Nad binib Juda mel okok kilop agñinimin agak

¹⁷ Pen Pol binib okok kilop takaw olap agak, Ananayas ne anib agek, agak tek nep ginek agak. Kidek yad Jelusalem awl adikid apil, God agnigep kal awl ak amil, God nop agniñ midil, day niginek agak. ¹⁸ Yad day niginek, Biawl ak yip agak, Kasek Jelusalem keligil, man ke okok amninimn agak.

22:12 Apo 9.17, 10.22, 1 Ti 3.7 **22:14** Apo 9.15, 1 Ko 9.1, 11.23, Gal 1.12 **22:15** Apo 23.11, 26.16 **22:16** Apo 2.21, 9.11, 9.18, Lom 10.13, Hib 10.22 **22:18** Apo 9.29-30

Jelusalem bi okol takaw tep yip ak aginigaban ak ma niginigabal agak. ¹⁹ Anib agek, yad aginek, Biawl. Kili ke yip nepal, yad ned apnan gipal kal okok amil, binib nep gos linigilak okok kilop nag lil, tapin nep pakeligipin aginek agak. ²⁰ Pen nin olap, bi takaw tep nep agep Stipen nop paklilaknin, yad jak midil, paj agil, bi nop pakelak okok chech kili tig asik lak okok kod yenek aginek agak. ²¹ Anib agenek, Biawl ak yip agak, Yad nep agyoken, am binib Juda mel man pal midebal okok kilop takaw agninigaban agak.

Bi chim kadin gep biawl ak ne Pol nop kod yek

²² Juda binib, kili Pol takaw agak ak nig mid dad amil, takaw anib ak pen agek ninid kili takaw awl yibil agil agilak, Bi anib ak tek ma yonimun, nop pisnep paklep agilak.

²³ Anib agilig, chech awl kili okok tig asik yokil, silkul okok di gel amil apil gak. ²⁴ Anigelak, bi chim kadin gep biawl yibil ak, bine oginap kilop agak, Bi anop dad kal migan amil nag dil tapin pakem, binib okol taynen nop takaw awl agebal jij ak, nibop agonimun agak. ²⁵ Anib agek, nop pakinig dad amil nag tunig lilak. Pen Pol ne bi chim kadin gep biawl olap wulep anib sinak jak yek anop agak, Chin Lom bi okok, takaw kiles chin ak tay agup agak? Anib agup, Bi Lom nib olap nop aniginimib agup akan agak? Nibi yip ma kot gil pakinigebim ak, tap anib ak teplep agup akan agak?

²⁶ Pol anib agek, bi chim kadın gep biawl anib ak, ne biawl yibil anop agak, Nad tay ginigeban agak? Bi anib ak ne Lom yipid gil agak. ²⁷ Anib agek, biawl yibil ak apil, Pol nop agak, Nad Lom nib yipid gil akan, yip age nigin agak? Agek, Pol agak, Yaw. Yad Lom nib yipid gil agak. ²⁸ Agek, biawl yibil ak agak, Yad mani awl yibil yokinek ak nim, Lom bi midebin agak. Agek, Pol pen agak, Lom kay yip tikilak ak nim, yad Lom bi midebin agak. ²⁹ Anib agek, bi nop nag lak okok kasek pilikilak. Biawl yibil ak, bi anib ak Lom nib ak pen, nop nag lipin agil, abe pilikak.

Pol ne bi Juda biawl takaw tig asikep okok kilop takaw agak

³⁰ Minek pen, bi chim kadın gep biawl yibil ak, ne Juda kay Pol nop takaw tay agebal ak nigtep gin agil, bi God nop sibogep biawl okok sek, bi Juda biawl takaw tig asikep okok midupsek, suk agek apnan gilak. Apnan gelak, agek Pol nop am wisib dad apil, yelak wulep sinjak lak.

23

¹ Pol nop anigil wisib dap lelak, ne bi Juda biawl takaw tig asikep anib okok kilop nig midilig agak, Mam sikop. Yad God agup tek pel gipin ak nim, gos pal linig ma midebin agak. ² Anib agek, Ananayas, bi God nop sibogep biawl yibil ak, ne bi wulep sinjak yelak okok kilop agak, Jonib bad ak pakim agak. ³ Anib agek, nop pakelak, Pol ne biawl yibil anib

22:29 Apo 16.38 **23:1** Apo 24.16, 1 Ko 4.4, 2 Ko 1.12, 2 Ti 1.3

23:2 1 Kin 22.24, Jer 20.2, Jon 18.22-23 **23:3** Wkp 19.35, Lo 25.1-2, Mat 23.27-28, Jon 7.51

anop agak, God nep pen pakinigab agak. Nak wali timel gup tek mideban pen, sinak tek pakipal we gil mideb agak. God takaw ne ninid, yip kot gipan ak pen, God takaw ne ak keligil, nop monmon pakim apan agak.

⁴ Pol anib agek, bi wulep sinak yelak anib okok agilak, Bi God nop sibogep biawl yibil anop agjuweban akan agilak? ⁵ Agel, Pol agak, Mam sikop. Ne bi God nop sibogep biawl yibil agil ma nepin agak. Buk Baybol ak tikil agilak, Biawl nibi okok kilop ma agjunimib agil tikilak agak.

⁶⁻⁸ Pen won anib ak Pol nigak, bi Juda biawl takaw tig asikep anib okok, oginap bi Sajusi kay midebal, oginap bi Pelisi midebal. Bi Sajusi okok gos kili ak ninid ageligipal, Ensel okok ma midebal, kawnan ma midebal, binib okok kumil ma tikjakinigabal ageligipal. Bi Pelisi okok pen, tap anib okok midupsek mideb agil gos nepal. Pol ne bi keke yelak anib ak ninid, takaw awl agil agak, Mam sikop. Based yad okok midupsek Pelisi bi, yad abe Pelisi olap midebin agak. Binib kumil tikjakipal takaw ak agen, yip pen kot gebal agak. Anib agek, kili takaw penpen agilak. Bi Sajusi okok asik ke lil, bi Pelisi okok asik ke lil, ⁹ takaw pug awl agilak. Agelak, Pelisi kay bi kili Mosis takaw nu kil tikak ak nigtep gep okok, tikjakil takaw kiles gil agilak, Bi anib awl tap timel olap gup agil gos ninid ma apun agilak. Pen kawnan olap akan, ensel olap nigak tek lup, chin ma nopun agilak. ¹⁰ Anib agil, penpen ag dad amnilaknin, bi chim kadin gep

23:5 Kis 22.28 **23:6-8** Mat 22.23, Mak 12.18, Luk 20.27, Apo 4.2, 24.15, 24.21, 26.5, Plp 3.5 **23:9** Apo 5.39, 22.7, 22.17-18, 25.25

biawl yibil ak nigak. Niñid, anib ag dad amil, Pol nop tigiluk dayday linigel tek linigab agil gos nigak. Anigek, bine okok kilop agek, ayan amil Pol nop Juda ñin midup di yelak tig asikil, poñid dam kal kili migan ak lilak.

¹¹ Pen ñin anib ak maynab ayan, Biawl ak ne apil Pol yek sinjak jak midil agak, Gos sek yenimin agak. Takaw tep yad ak Jelusalem awl agñiban tek, Lom amil, abe agñinimin agak.

Juda bi okok takaw agil, Pol nop ñag paklinig aglilak

¹²⁻¹³ Minek pen, Juda bi anep 40 tek apnan gil, takaw ag adek nokom lil agilak, Chin Pol nop ma paklipun won awl, tap ma ñibil, ñig ma ñibil ginigabun agilak. ¹⁴ Anib agil, amil bi God nop sibogep biawl okok sek, Juda biawl okok sek kilop agilak, Chin niñid yibil apun agilak. Tap miñil ma ñiniginun agilak. Pol nop pisnep paklil nim, kidek tap ñiniginabun agilak. ¹⁵ Anib ak nibi bi chim kadin gep biawl yibil anop takaw yokil, yepis agil aginimib, Pol nop dad awl ape, nop takaw oginap sek agniñid nigtep ginigun aginimib agilak. Yepis anib ak agem nim, chin ñiluk lil midon kanib nab owakniñ, nop pisnep paklinigabun agilak.

¹⁶ Pen Pol ninay ñine ak, Pol nop paklinig gilak takaw anib ak niñid, Pol nop dam lilak kal ak amil niñid agñak. ¹⁷ Agñek Pol niñid, bi chim kadin gep biawl olap nop agak, Bi pilaj awl, takaw olap mideb agak. Nop poñid bi chim kadin gep biawl yibil mideb ak ame, takaw anib ak aginimun agak.

¹⁸ Agek, ninay ñine anib anop ponjid biawl yibil yek ak amil agak, Pol kalabus bi ak agup, Bi pilaj awl takaw olap mideb nen, nop ponjid dad, biawl yibil mideb ak ame, takaw anib ak aginimunj agup agak. Agek, ponjid apebin agak.

¹⁹ Anib agek, biawl yibil ak ne ñi anib anop ñin kid ak dil, ponjid gol okok amil agak, Yip takaw aginig apan anib ak agan agak. ²⁰ Agek, ñi pilaj anib ak agak, Tol Juda bi okok kili nep takaw agyokil, yepis aginigabal. Anib aginigabal, Pol nop dad bi Juda biawl takaw tig asikep okok midebal ak apenimin, takaw oginap sek agnijid nigtep ginigun aginigabal agak. ²¹ Anib ak takaw kili aginigel ak ma niginimin agak. Bi kili anep 40 tek, Pol nop ñaglil nep nim, kidek tap ñininigabun agil, takaw aglipal agak. Kili takaw nep ak nijid, aniginigun agil kod midebal agak.

²² Ñi pilaj anib ak anib agek, bi chim kadij gep biawl yibil ak nijid, nop agyokilig agak, Binib oginap kilop nijid, bi chim kadij gep biawl yibil anop anib anib gil agil apebin ma aginimin agak.

Kili Pol nop agyokilak, gapman biawl Peliks yek ak

²³ Bi chim kadij gep biawl yibil ak anib agil, bi chim kadij gep biawl ne ominal ak kilop suk agek apel agak, Miñil maynab ayan, taun Sisaliya amnimib agak. Bi chim kadij gep okok kilop 200 ak dil, bi kusal dinigel okok kilop 200 ak dil, bi chag hos sek dinigel okok kilop 70 ak dil dad amnimib agak. ²⁴ Pol nop hos oginap sek di nab lil, ponjid dam, gapman biawl Peliks mideb ak yokinimib agak.

²⁵ Anib agil, ne mij olap ñu kil tikił agak,

²⁶ Yad Klodiyus Lisiyas agak. Yad nep gapman biawl Peliks mij kil tikebin agak. Nad midtep ginimin agak. ²⁷ Bi nep yokebin awl, Juda binib nop paklinig gilak agak. Anigilak ak pen yad niginek, ne bi Lom nib, anib ak tek bi chim kadin gep yad oginap ayip amil, nop dad ownok agak.

²⁸ Dad apil, nop pakinig gilak takaw jij anib ak nigin agil, nop dad bi Juda biawl takaw tig asikep okok kili yelak ak amninek agak. ²⁹ Amil niginek, Juda binib kili gipal tek takaw adek oginap yek agak. Pen ne tap oginap gek, nop pisnep paklep akan, nag lep takaw jij olap ma yek agak. ³⁰ Pen takaw olap apal, Bi anib anop ñiluk lil midil ñaglinigabun apal agak. Ninid nim, nad mideban ak kasek agyokebin agak. Bi nop takaw agebal anib okok, abe agyoken amil, takaw jij anib ak nep aginigabal agak. Tep agak.

³¹ Bi chim kadin gep biawl yibil ak anib agil mij tiknek, bine okok, kili Pol nop maynab ayan nep ponid am am, taun Adipatlis amjakilak. ³² Minek, bi chim kadin gep okok sek, bi kusal dinigel okok sek kili adikid kal kili Jelusalem yek ak owlak. Bi chim kadin gep chag hos sek okok nep, Pol nop dad Sisaliya amnilak. ³³ Amil, taun Sisaliya amjakil, gapman biawl anop mij ñil agilak, Bi dap ñin adek nep lobun awl, yib ne Pol agilak. ³⁴ Gapman biawl ak ne mij pi ak nigilig ninid, Pol nop agak, Nad man akal nib agak? Agek, Pol agak, Plopens yad Silisiya agak. ³⁵ Anib agek, biawl ak ninid nop agak,

Bi nep takaw apal okok apel, takaw aginigabun agak. Anib agil, bine oginap kilop agak, Nop dam gapman binonim Helod kal ak nag lil, kod midtep ginimib agak.

24

Juda biawl okok kili Pol nop kot gilak

¹ Pol nop anigil dam lel, ñin anep tigawup ak yek. Minek mamid ak, bi God nop sibogep biawl yibil Ananayas, ne taun Sisaliya amnig, Juda biawl oginap ponid, bi takaw adik madik gil agñeb kili Tetulus ayip, Sisaliya ayan amnilak. Amil, gapman biawl Peliks nop ninid anib agilak, Pol nop kot gun agilak. ² Anib agelak, gapman biawl Peliks ne Pol nop agek apek, bi takaw adik madik gil agñeb Tetulus, ne Pol nop punjilil jimñil lil gapman biawl nop agñak, Biawl Peliks. Nad chinop kod midil agek, chin midtep yibil gipun agak. Penpen ma gipun, teplep midobun agak. Gos nad teplep mideb ak ninid ge, tap timel bilel goligup ak miñil ma mideb agak. ³ Gipan anib ak, chin tap anib ak midupsek ninid nep tep yibil apun agak. ⁴ Nep pen takaw palawl ma aginigayn agak. Takaw wulep won aginigebin ak, timud pak niginimin agak.

⁵ Chin nopun, bi anib awl Pol, ne pel gi timel yibil gup agak. Man akal akal amub okok, Juda kay kilop tig asik keke laknin, pelpel penpen gipal agak. Binib kili bi olap Nasalet nib anop gos linepal okok, biawl kili nim anib ak agak. ⁶⁻⁷ Ne God agnigep kal awl chinop ak abe gek timel ginimun tek lek nim, nop dinok agak. ⁸ Takaw anib ak, bi

anib ak nop agnigenigaban, ne ke nop kot gipun takaw jij ak agek niginigaban agak. ⁹ Tetulus anib agek, bi Juda ap yelak okok, takaw nop ak kidek gil agilak, Ninid yibil agup agilak.

Pol ne gapman biawl Peliks nop takaw agak

¹⁰ Gapman biawl ak ne ñin anep yomil Pol nop takaw agan agek, Pol agak, Yad nepin, nad sub kunay yibil man awl ak biawl tig asikep midil chinop kod mideban agak. Anib ak nim, yip tep gaknij nep takaw pen agebin agak. ¹¹ Taynen agnepan jij ak, won anigil niginigaban agak. Ñin olap, ned anep umigan ñin anib ak, yad God nop kigom yimil agnigin agil, Jelusalem amninek agak. ¹² Yad binib oginap ayip, God agnigep kal awl kab wali kus gil yek migan ak takaw penpen ma apun agak. Juda apnan gipal kal okok akan, taun nab okok akan, chibol timel gep tek takaw oginap ma aginek agak. Tap timel anib ak ma gipin, bi anib okol kili nepal agak. ¹³ Yip miñil kot gebal ak, nad niginigaban, takaw jij olap ma mideb agak.

¹⁴ Pen nep takaw olap misen aginigebin agak. Yip apal, Pol chin Juda oginap gipun tek ma gup apal agak. Ne kanib anib pal ak kidek gup apal agak. Biawl kanib tep ne ameb apal ak kidek gup apal agak. Takaw anib ak ninid apal agak. Apis based sikop God agnigeligipal anep, yad agnepin agak. Bi Mosis ayip bi God gos ñek agñeb okok ayip, kili takaw ñu kil tikilak ak ma keligipin agak. ¹⁵ Juda bi anib okok, kili binib tep okok sek binib

24:11 Apo 21.17, 21.26, 24.17 **24:14** Apo 24.5, 26.22, 28.23, 2 Ti 1.3 **24:15** Dan 12.2, Jon 5.28-29, Apo 23.6, 26.6-7, 28.20

timel okok sek, midupsek God kilop gek kumil tikjakinigabal agil nepal tek ak yad abe nepin agak. ¹⁶ Anib ak tek, gos yad pal ak teplep won ak nig yeligipin agak. God yip ninid akan, binib okok ninid, gi timel ma gup aginigel agil gos nepin, anib ak tek nigtep gil, midtep gipin agak.

¹⁷ Pen yad sub oginap man okok ajil, kidek binib yad tap ma mideb okok kilop mani ñil, God nop tap sibog ñin agil, Jerusalem adikid ownek agak.

¹⁸ Apil, God nop tap sibog ñin agil, God takaw ne pal ak kidek gil, widin midup ne adek sinak teplep midil, God agnigep kal awl kab wali kus gil yek ak migan ayan am yenek agak. Pen binib kunay ma dap yelak ak nim, penpen agep tek takaw oginap ma aginek agak. ¹⁹ Pen Juda bi Esiya plopens nib okok, kili apil yepis agil yip dilak agak. Takaw kili midobikop ak, awl apil takaw anib ak apilap agak.

²⁰ Pen ma opal agak. Ak nim bi anib awl okol, bi Juda biawl takaw tig asikep okok ayip midon yad takaw apin anib ak, timel gen takaw jij nigilak ak agel niginimin agak. ²¹ Pen biawl takaw tig asikep okok ayip midonok ñin ak, takaw nokom olap agen kili nigel milik yownimun tek lak agak. Takaw awl agil aginek, Yad binib kumil tikjakipal agil gos anep nigen, yip kot gebim aginek agak.

²² Pol anib agaknin, gapman biawl Peliks, ne binib Biawl kanib tep ne ameb apal ak kidek gup okok, gos kilop ak nigtep gak. Nigtep gak ak nim, kilop agak, Kidek bi chim kadin gep biawl yibil

24:16 Apo 23.1 **24:17** Apo 11.29-30, 20.16, Lom 15.25-26, 2 Ko 8.4, Gal 2.10 **24:17** Apo 21.17-28 **24:19** Apo 23.30, 25.16, 2 Ti 1.15 **24:21** Apo 23.6, 28.20 **24:22** Apo 23.26

Lisiyas apek, takaw nop ak niñid, takaw anib ak aginigayn agak. ²³ Anib agil, ne bi chim kadin gep biawl anop agak, Pol nop nag lil, kod midtep ginimin agak. Pen nop pisnep nag wos ma linimin, ne tap oginap ma yek, binib ne okok kilop agnigek, nop ap ñinigel agak.

Pol kalabus sub omiñal yek

²⁴ Ñin oginap amnak niñid, kidek minek olap, Peliks bin ne Dlusila ayip, Pol nop niginig owlek. Bin Dlusila anib ak, ne Juda bin olap. Pen kili bel apil, nigimil Pol nop suk agek apek, Pol ne Klays Jisas nop gos linopun takaw ak ag dad amilig agñak. ²⁵ Anib agak, Gos chin adek ak ke ma niginigun, God agup tek niñid, midtep ginigun agak. Mel ak, kot awl ak niginigabun agak. Anib agek, gapman biawl Peliks takaw anib ak niñid pilikil, Pol nop agak, Nad miñil am yenimin, kidek ñin olap nep suk agen ownimin agak. ²⁶ Pen biawl anib ak, gos ne ke ak niñid agak, Yad Pol nop suk agen apek nim, gos ne ke niñid aginigab, Yad biawl nop kimigel mani ñil amnin aginigab agak. Gos anib ak niñid, yip mani ñinigab agak. Pen gos anib ak nigak tek, Pol nop minek minek suk agek apek, takaw ageligipil.

²⁷ Pen Pol kalabus nep yek, sub omiñal yin gakin, bi Posiyus Pestus, ne Peliks tep nop ak dak. Peliks pen, Pol nop yokip wisib yokinim agil nigak ak pen, Juda binib yip yilik niginigabal agil keligak.

25

Pol ne agak, Lom gapman binonim ne yip kot niginigab agak

¹ Pen gapman biawl Pestus, taun Sisaliya apil, ñin omiñal nokom midil, Jerusalem amnak. ²⁻³ Amek, bi God nop sibogep biawl okok sek, Juda biawl oginap sek kili nop niñid, Pol nop takaw yepis agilak. Pen Pol nop kanib nab ak ñiluk lil paklinig agil agilak, Chinop chib niñid, bi nad oginap age, Pol nop kasek dad Jerusalem ownigel agilak. ⁴ Anib agelak, Pestus agak, Pol kalabus mideb Sisaliya agak. Anib ak yad amnigebin tek, ⁵ ne gi timel gek nop takaw oginap midonimunj, biawl nibi oginap agem, yad ayip Sisaliya amil, nop kot ginigel agak.

⁶ Pestus anib agil, ne ñin anep jel tek midil, Sisaliya amnak. Minek kot gep migan ak amil agek, Pol nop dad owlak. ⁷ Apelak, bi Juda kay Jerusalem nib owlak okok apil nop punil kuskus gil, takaw adek keke kunjay yibil agilak. Pen takaw agilak adek anib okok, takaw jij yek ak ma agilak.

⁸ Pen Pol tikjakil adikil agak, Yad takaw Mosis ñu kil tikak ak akan, God agnigep kal awl takaw adek ak akan, Lom gapman binonim takaw kiles adek agak ak, ma tibilikipin agak.

⁹ Agek, biawl Pestus, Pol nop Jerusalem agyoken, Juda binib nigel tep ginigab agil, Pol nop agniñid agak, Kot takaw anib awl, Jerusalem amil aginigun agak? ¹⁰ Agek Pol agak, Miñil Lom gapman binonim kot adek ne ak midebin agak.

25:2-3 Apo 23.12, 23.15, 24.1, 25.15 **25:7** Apo 24.5-6, 24.13

25:8 Apo 24.12, 28.17 **25:9** Apo 24.27, 25.20

Taynen Jerusalem amil aginigun agak? Yad Juda binib kilop tap olap ma yibil gipin ak, nad abe nepan agak. ¹¹ Pen tap olap gen, kot gil yip paklun apilap ak, ma pilikipinep agak. Ak yip monmon pakipilap agak. Pen kot gil, takaw jij ma mideb ak, yip Juda binib kilop ñinige ban ak, yipid ma gup agak. Anib ak yad Lom gapman binonim ne mideb ak amil, takaw anib awl aginigayn agak. Yad pen Jerusalem ma amnigayn agak.

¹² Pol anib agek, biawl Pestus am bine okok ayip takaw anib ak ag amil apil gil, adikid apil agak, Lom gapman binonim ne kot yip ak niginigab apan ak nim, nep gapman binonim ne Lom mideb ak agyokon, kot anib ak ginigaban agak.

Gapman biawl Pestus, ne Juda gapman binonim Aglipa nop agnigak

¹³ Pen kidek ñin olap, Juda gapman binonim Aglipa ayip ninay ne Benaysi ayip, kili taun Sisaliya amil, gapman biawl Pestus nop ag dideg lilek. ¹⁴ Ñin kab olap midilig, Pestus ne Juda binonim Aglipa nop agak, Yad kidek ownek, ned Peliks man awl kod yek ñin ak, bi Pol apal ak nop kot gilak ak nim, kot ginig dap nag lilak mideb awl agak. ¹⁵ Yad Jerusalem amenek, bi God nop sibogep biawl okok sek, Juda biawl okok midupsek agilak, Pol ne gi timel yibil gup agilak agak. Anib ak nad age, Pol nop paklinigabal agilak agak. ¹⁶ Pen takaw jij olap ma agel, kilop pen aginek, Chin Lom binib takaw kiles olap anigil ma mideb aginek agak. Bi anib ak takaw jij ne ned gek, chin kot

gipun aginek agak. Bi olap nop yokip ma pakipun aginek agak. Kot gil, takaw jij olap mideb nep nim, nop anigipun aginek agak. ¹⁷ Anib agil, Juda biawl okok yad ayip Sisaliya awl ownok agak. Minek nim, am kot gipal kal migan ak besigil, Pol nop suk agen owak agak. ¹⁸ Yad agniginek, Ey, takaw awl yibil mideb aginek ak pen, bi nop kot gilak okok, tikjakil takaw agilakniñ niginek, takaw awl ma yek agak. ¹⁹ Kili yokip agilak, God takaw ak chin agtep gipun tek ma agup, ne oginap titimel agup agilak agak. Bi olap yib ne Jisas agilak ak abe, kili pisnep kumub agilak ak pen, Pol agak, Miñil tikjakil konim mideb agak. ²⁰ Yad jij anib ak nigin agil, nigtep ma gipin agak. Ak tek ak, Pol nop agniñid aginek, Nad Jelusalem amil, takaw jij anib ak agñinigaban akan aginek agak? ²¹ Agenek, Pol agak, Mel. Yad kalabus nep yenigayn agak. Kidek Lom gapman binonim ak, ne ke takaw anib ak aginigab agak. Anib agek, yad nop Lom gapman binonim yil ak yokinig, nop nag len mideb agak.

²² Pestus anib agek, Aglipa agak, Bi anib ak takaw ne ke agek, yad niginigayn agil gos nepin agak. Agek agak, Tol nop niginigaban agak.

²³ Anib agek, minek ak Aglipa ayip ninay Benaysi ayip, chech teplep yibil lilek. Lil, bi chim kadiñ gep biawl oginap ayip, biawl man anib ak nib oginap ayip wilikil, binib awl apobun agil, kiles timel gilig, kot nigep kal migan ak owlak. Ap midilakniñ, Pestus bi oginap kilop agak, Amil Pol nop dad owim agak. ²⁴ Agek dad apelak, Pestus

tikjakil agak, Binonim Aglipa nad sek, binib apil midebim okol sek, bi anib awl nop nigim agak. Juda binib kili nop kot gil, takaw awl agil, bi anib awl pisnep paklep apal agak. Jelusalem miden, yip anib anep apal, awl apen, anib anep apal agak. ²⁵Yad nepin, binib tap timel yibil gipal okok, kilop paklipal ak pen, bi anib ak nop kot gil niginek, tap anib ak tek olap ma gak agak. Ne ke pen agak, Lom gapman binonim ak ne takaw yip anib ak aginigab agak. Anib ak nim, yad gos anib ak ninid, Lom gapman binonim yil ak yokinigebin agak. ²⁶Yad pen bi anib awl tap titay gup takaw jij ak, mij sek tikninim tek ma lup agak. Anib ak, gapman binonim Aglipa nad ke sek, binib yokip okok sek, nibi takaw nop ak ninid, tap oginap titay gup ak agem, yad mij sek tikil, Lom gapman binonim mideb ak yokinim agak. ²⁷Bi ñag lup ak yokip yokinigebin ak, yipid ma ginigab agil nepin agak.

26

Pol ne Juda gapman binonim Aglipa nop takaw agak

¹Pen Juda gapman binonim Aglipa ne Pol nop agak, Yad nep nigebin nen, takaw agan agak. Agek, Pol ñin dad aplanil agak, ²Binonim Aglipa. Nad apil yip takaw aginimin age, Juda bi okok takaw yip apal ak nep aginigebin ak, niginigaban agil nigen yip tep gup agak. ³Chin Juda binib gipun gipun adek ak sek, takaw penpen agoligipun ak sek, nad midupsek nepan ak nim, nep aginigebin ak, niginigaban agil nigen yip tep gup agak. Anib ak takaw agen, yip yilik ma niginimin agak.

4-5 Juda binib okok midupsek nepal, yad bi ke okok nib mel, bi Pelisi olap agak. Bi Pelisi okok, takaw adek keke midil kidek gep tek mel ak pen, yad takaw anib okok midupsek ninid, asik tep yibil gipin agak. Nisikol mug tikil, mid dad apil, miñil midebin ñin awl, Juda binib taun Tasus nib, Jelusalem nib yad kili ayip midebin agak. Anib ak yip Pelisi agil nepal ak pen, takaw anib ak we gil, yip kot gebal agak. ⁶ Miñil midebin nim awl, yip kot gebal agak. Pen God bilel apis based sikop kilop takaw tep agek, gos sek kod yeligipal takaw anep aginek ak, kili ninid yip kot gebal agak. ⁷ Chin Juda binib okok jij keke anep umigan ak, subnab maynab God nop kidek gil agnigilig midobun agak. Chin midupsek, God based apis sikop kilop agak takaw tep ak kod midobun agak. Pen binonim, nad nigan agak. Takaw anib anep agen, yip kot gipal agak. ⁸ Pen taynen binib kubal okok, God kilop gek ma tikjakinigabal agil gos nepim agak?

⁹ Pen ned ñin ak, yad abe Jisas taun Nasalet nib takaw ak yipid ma gup agil, takaw anib ak gi timel yibil geligipin agak. ¹⁰ Jelusalem miden, bi God nop sibogep biawl okok yip agel, amil binib Klays yil yelak okok kilop dad apen, nag leligipal agak. Oginap pisnep pakleligipal agak. Pen binib pakeligipal anib okok, kilop paj ageligipin agak. ¹¹ Pen Juda apnan gipal kal okok ajilig, binib Klays yil yelak okok kilop ninid, takaw anib ak keligil Klays nop agjunigel agil, kilop gi timel geligipin

26:4-5 Apo 22.3, 23.6, 24.15, 24.21, Plp 3.5 **26:6** Lo 18.5, Sng 132.11, Ais 7.14, Dan 9.24, Apo 23.6, 28.20 **26:9** 1 Ti 1.13 **26:9** Apo 8.3, 22.4-5 **26:10** Apo 9.14, 9.21, Gal 1.13

agak. Yip milik timel yapek, binib anib okok piyow nigin agil, man palawl okok ameligipin agak.

Pol ne Jisas nop gos linigak takaw ak

¹² Pol takaw olap agak, Pen ñin olap, taun Damaskus amil binib Klays yıl yelak okok kilop nag lil dad owin aginek. Agen, bi God nop sibogep biawl okok yaw agil, mij tik ñel, dad sanjinek agak. ¹³ Binonim nigan agak. Subnab won ak, kanib nab ak amilig niginek, milek awl ak wisip alarj nib, chin amninok ak nigak agak. Milek anib ak, sub milek tek mel, milek awl anib ak ke yibil gak agak. ¹⁴ Anigek, chin midupsek apyap pakil yad niginek, takaw olap, takaw yibil chin Hiblu takaw agil, yip agak. Anib agak, Sol. Sol. Yip taynen pel gi timel gipan agak? Tap kid timel ak, tob pak dige okok okok gup, nep ke punjilil yul geb agak. ¹⁵ Agek, yad aginek, Biawl, nad an aginek agak? Agen Biawl ne agak, Yad Jisas, yip pel gi timel gipan ak nep agak. ¹⁶ Anib agil, yip agak, Tikjakan agak. Yad nep aglinig opin ak aginigebin agak. Nad wog yad ak ginigaban agak. Yip miñil nepan tek, pen kidek yomen nigtep ginigaban tek, binib okok kilop agñinigaban agak. ¹⁷ Binib nak okok sek, binib Juda mel okok sek kili nep gi timel gilakniñ, nep kod yenigayn agak. Pen binib Juda mel anib okok, yad nep agyoken kilop amnigaban agak. ¹⁸ Yad nep agyoken, widin kilop am tig yoke, sibgup bad ak keligil, milek ak niginigabal agak. Satan kiles ne ak keligil, God yıl ownigabal agak.

26:12 Apo 9.3, 22.6 **26:16** Apo 22.15 **26:17** Apo 22.21

26:18 Ais 35.5, 42.7, 42.16, Jon 8.12, Apo 20.32, 2 Ko 6.14, Epe 2.2, Kol 1.13

Anigek, yip gos linigel, God ne tap si tap timel gilak okok tig walig giyokinigab agak. Tig walig giyokek, kili binib yad ke aglipin nab okok yenigel agak.

Pol ne God nop wog goligup ak agñak

¹⁹ Pol takaw olap agak, Pen binonim Aglipa agak. Takaw anib ak God man ne alañ nib apek niginek ak, ma keliginek agak. ²⁰ Taun Damaskus amil, binib anib okok kilop God takaw tep ak agñinek agak. Kidek amil Jelusalem binib kilop agñil, Judiya binib okok midupsek kilop agñil, binib Juda mel man okok agñil ginek agak. Kilop agñil aginek, Nibi tap si tap timel gipun ak taynen anigipun agil keliginimib aginek agak. Keligil, adikid God nop gos niñid, gos teplep pal ak kidek ginimib aginek agak. Kidek gem, nibi God yil opim agil niginigabal aginek agak ²¹ Yad takaw anib ak agen, jii anib won ak Juda binib okok yip chichik dilak agak. God agnigep kal awl kab wali kus gil yek ak migan ayan amenek, yip chichik dil paklun agil nigilak agak. ²² God pen yip kod midil, mid dad amil, miñil kod mideb agak. Ak tek ak, takaw tep nop ak, binib yib mideb okok sek, binib yib ma mideb okok sek agñilig midebin agak. Takaw agñibin anib ak, adek olap ke mel, bi Mosis sek, bi God gos ñek agñeb okok sek, kili agilak tek agñibin agak. ²³ Kili agilak, Bi God nop aglup ak ne apil, yul awl dil kumnigab agilak agak. Kumil, ne ned jii ak tikjakinigab agilak agak. Ak nim, ne God milek

26:20 Mat 3.8, Apo 9.20, 9.28-29, 11.26, 13.14 **26:21** Apo 21.30-31 **26:22** Luk 24.27, 24.44, Jon 5.46, Lom 3.21 **26:23** Ais 42.6, 49.6, Luk 24.26, 24.44-47, 1 Ko 15.20, Kol 1.18

takaw ak dil age, Juda binib okok sek, binib Juda mel okok sek niginigabal agilak agak.

Pol agak, Binonim Aglipa, nad takaw anib ak dil, God nop gos liniginimin agak

²⁴ Pol takaw anib ak agakniñ, gapman biawl Pestus takaw awl agil agak, Pol. Nad takaw adek keke nepan tek, kimig mok nep ak milep gek ageban agak.

²⁵ Agek Pol agak, Biawl Pestus. Yip kimig mok milep gek ma agebin agak. Gos nigilig takaw niñid yibil ak agebin agak. ²⁶ Chin niñid gipun adek ak, binonim Aglipa ne nigup ak nim, yad nop pilikil ma agebin agak. Yad nepin, tap anib okok midupsek gak ak, we gil ma gak, misen yibil gek nigak ak nim, tap olap ma nigup mel, midupsek nigup agak. ²⁷ Binonim Aglipa, nad bi God gos ñek agñeb takaw agilak ak, niñid agilak agil gos nepan akan agak? Yad nepin, nad niñid agilak agil nepan tek lup agak.

²⁸ Pol anib agek, Aglipa ne Pol nop agak, Nad yip takaw sikol olap agen Klays bine olap miden agil, yip takaw anib ak ageban akan agak? ²⁹ Agek Pol agak, Takaw palawl agil akan, takaw wulep won agil ma apin agak. Pen God nop agniñid apin, Nad ayip, binib takaw agen nig midebal okol ayip, nibi midupsek yad midebin tek yenimib apin agak. Pen yip nag kiles lipal tek, nibop ma linigel apin agak.

³⁰ Pol anib agek, Juda binonim Aglipa ak, gapman biawl Pestus ak, Aglipa ninay Benaysi ak, binib ayip yelak okok, kili midupsek tikjakilak. ³¹ Tikjakil, senayan am midil agilak, Binib okok tap

timel gel nim, kot gil, oginap nag lil, oginap pisnep paklil gipal agilak. Bi anib awl pen tap timel olap ma gup agilak. ³² Anib agil, Aglipa ne Pestus nop agak, Bi anib ak kalabus keligil senayan abikop ak pen, ne Lom gapman binonim ne kot yip niginigab agup agak. Ak nim, kalabus midil, Lom gapman binonim mideb ak amnigab agak.

27

Pol nop taun Lom dad amnig, sip dam lilak

¹ Kidek takaw aglil agilak, Pol ayip bi kalabus oginap ayip kilop, bi Juliyus anop ñon, sip dil ponid Lom gapman binonim mideb man Yitali amnimun agilak. Bi Juliyus, ne bi chim kadin gep biawl olap. Bi chim kadin gep ne anib okok kilop ageligipal, Lom gapman binonim bi chim kadin gep ne yibil ageligipal. ² Pen ñin anib ak, sip taun Adlami-tiyum nib ak, Esiya plopens amnig gek nim, sip anib ak dinok. Bi Masedoniya plopens nib olap ayip amninok. Yib ne Alistakus. Taun ne ak nim Tesalonayka.

³ Minek taun Saydon amjakinok. Pen Juliyus ne Pol nop mapen ninid gitep gil, nop agak, Am bi nad okok kilop nige, nep tap tay tek donimun okok ñinigel agak. ⁴ Pen chin taun Saydon anib ak keligil amilig, yigen awl yibil ak apil, ñig solwala ak pagak. Anigek, man ñig tib kus gak Sayplus bak okok amninok. ⁵ Amil, am am Silisiya plopens sil gil, am Pampiliya plopens sil gil, Lisiya plopens amil taun Mayla amjakinok. ⁶ Amjakil, bi chim

kadiŋ gep biawl ak nigak, sip taun Aleksadliya nib ak, man Yitali amnig gek. Niŋid, chinop agek sip anib ak dinok. ⁷ Dil, ñin kuŋay yibil kimigel yibil amil, koslam am am taun Nidus amjakinok. Pen yigen awl ma apek, yipid gil ameb tek ma lek nim, pis kid okok nep am am, taun Salmone sil gil, man Klit bak okok amninok. ⁸ Koslam am am, man Ñig Midup Cheb Teplep Gol Okok amjakinok. Man anib ak, taun Laseya wulep okok.

⁹ Chin anigil sayn yibil gi ajinokniŋ nim, Juda binib tap ma ñibal ñin awl ak padikek, ñig solwala awl pagep ñin ak owak. Anib ak Pol ne bi anib okok kilop agak, ¹⁰ Bi okol. Ameb tek ma lup ak, amonigabun, sip migan tap yek okok timel gil, sip timel gil, chin oginap kumnigabun agak. ¹¹ Pol anib agak ak pen, bi sip dup ak sek, bi sip nap nib ak sek agelek, bi chim kadiŋ gep biawl ak, ne Pol takaw ak keligil, takaw kilop ak dak. ¹² Bi sip wog gilak oginap sek agilak, Yigen awl dup ñin awl, man timel anib awl ma yonigun, taun Piniks wulep mideb ak am yonigun agilak. Yigen awl owup ñin ak agil, sip dam man anib ak lon, timel ma ginigab agilak. Taun Piniks anib ak, man ñig tib kus gak Klit nab okok mideb, sub saŋid amub kid okok ken nigak.

Yigen awl apil ñig solwala pagak

¹³ Kili anib agil, man anib ak midil, yigen sikol owak ñin olap, miñil amil amjakinigabun agil, anka yokilak ak lipig del, man ñig tib kus gak Klit anib ak, ñig gol adek ak amninok. ¹⁴ Anigil amninokniŋ, yigen awl yibil ak amninok okok ken

owak. ¹⁵ Apil, chinop dad yepis okok amnig tek gak. Anigek, bi sip nap okok dad yipid gil amnun agil, gi mel ninid keligilak. Chinop sesek dad ñig solwala nab awl okok amnak. ¹⁶ Anigil dad amek, am am ñig tib kus gak man sikol Kawda agilak ak bak okok amil aginok, Yigen sikol owup tek, bot sikol bad ak dil, sip awl migan ak lun aginok. Agil, koslam yibil dilinok. ¹⁷ Dilitep gil, sip awl ak paginimun agil, nag okok pen sip sek li wos gil, okok nib okok nib tunig tep gilak. Pen yigen awl azeb, sip chinop ak dad man Aplika amil, kab kilup ak punilek paginigab agil, sel tun gilak ak wisib yep lel, jel pilikilig amninok. ¹⁸ Yigen awl apilig nep yek ak nim, minek sip ak owan amnan agil, sip migan tap yek okok yisik ñig solwala diyokilak. ¹⁹ Minek ak abe, yigen di nep yek nim, sip nag pal awl tap wog gep okok, tap anib okok dil diyokilak. ²⁰ Chin minek minek sub gap okok ma yibil nigoligipun. Pen yigen ak anigil di nep yek ak nim, man olap ma amnigabun, kum dinigabun agil niginok.

²¹ Pen ñin kunay tap ma ñibeligipal tek, Pol yelak nab ak tikjakil agak, Takaw yad aginek ak nepikep, chin man Klit midil, sip migan tap yek okok ma diyokipinop agak. ²² Pen gos kunay ma niginimib, gos sek yenimib agak. Chin olap ma kumnigabun, sip nokom ak pisnep timel ginigab agak. ²³ Yad God bine ak, nop kidek gil agnigilig nep midebin ak nim, miñil kinesipin, ensel olap agyokek apil yad midebin wulep sinjak apjakup agak. ²⁴ Apjakil agup, Pol, nad ma pilikinimin agup agak. Nad Lom

27:22 Apo 27.10, 27.31

27:23 Dan 6.16, Apo 23.11, Lom 1.9

27:24 Apo 23.11

gapman binonim mideb ak amil, kot niginigaban agup agak. Pen God nibop kod midek, bi sip migan okol abe ma kumnigabal agup agak. ²⁵ Anib ak gos kunay ma niginimib, gos sek yenimib agak. Yad nepin, God yip agup tek ginigab agak. ²⁶ Chin pen am am, yigen sip ak di nebneb gek, man ñig tib kus gak olap amnigabun agak.

²⁷ Yigen ak chinop anigil dad am am amninok. Pen ñin wajilem pis kid ak maynab ayan nim, ñig solwala Mediteleniyan apal nab ak amilig, bi sip wog gilak okok gos olap nigilak, man olap apjakobun tek lup. ²⁸ Kili gos anib ak ninid, kab kilup wulep wulep mideb akan agil, nag li nepal ak ñig migan punil nigilak, pal awl awl yek. Tapin sikol won olap amil, tepayan ñig migan punil nigilak, tapin wulep yibil yek. ²⁹ Anigek, chin kab sek okok amobun tek lup agil, pilikil, anka ominal ominal yokelak, sip ak alad gak. Alad gek midilig, kili agninid agilak, Man kasek tikil, sub ak nigan agilak. ³⁰ Pen bi sip wog gilak okok, kili man ñig tib kus gak yep wulep anib ak amnig, chinop yepis agil agilak, Bot sikol ak dam kimig day onid yokil, anka oginap sek yokun agilak. ³¹ Kili anigil yepis agilaknin, Pol ne ninid, bi chim kadin gep biawl ak ayip bine okok ayip kilop agak, Bi sip wog gipal awl, kili bot sikol ak dil midupsek chinop keligil amnigebal agak. Kili pen amenigabal, kumnigabim agak. ³² Anib agek, bi chim kadin gep okok kili takaw anib ak ninid, bot sikol ñig ayan yokinig gelak nag ak, pisnep tibilik yokilak.

³³ Pen man tikinig gak won ak, Pol tap ñinim agil gos ninid, kilop agak, Ñin anep wajilem pis kid ak gos kunay nigilig, tap ma ñibil, yokip yibil yesipim agak. ³⁴ Pen nibop takaw kiles timel agebin, tap olap nibop ma yibil ginigab agak. Anib ak tap oginap ñibil, kiles timel midil, midtep ginimib agak ³⁵ Pol anib agil, nig yelaknin bilet ak dil, God nop tep agil, tipagil ñinjak. ³⁶ Kili ninid, abe chibol tep gek tap ñinilak. ³⁷ Chin bi anep 276 ak sip migan anib ak midonok. ³⁸ Pen tap ñibil, sip ak wugan agil, tap wit yek okok ñig solwala ayan diyokilak.

Sip pisnep timel gak

³⁹ Man tikaknin, ñig tib kus gak man won ak niginok ak pen, man anib awl tay agil, ma nigilak. Pen kili nigilak, ñig solwala day onid tib sak amnak ak, kab kilup tep yibil ak yek ak nim, kili agilak, Sip ak adek anib ak yipid gil amnigabun agilak. ⁴⁰ Agil, sip anka yokilak nag okok tibilikil, sip pispis lak stia ominal ak wisib yepil, sel awl wisib lak ak, tepayan tun gil sanidinok. ⁴¹ Am am nim, sip kimig day ak, kab kilup day ak punil, tik ñil wos gak. Anigil tik ñil wos gek, ñig solwala ak pag apil, sip jij day okok ken pisnep pag pakek amnak.

⁴² Anigek, bi chim kadin gep okok agilak, Sip ak timel geb agilak. Bi kalabus okok pilik amel, biawl okok chinop ag ginigabal agilak. Anib ak bi kalabus kilop paklun agilak. ⁴³ Anib agilak ak pen, bi chim kadin gep biawl ak ne Pol nop gos ninid, kilop mel agil agak, Bi ñig wij pilik nepal okok, ned

ñig wij pilikil man ak amnigel agak. ⁴⁴ Kidek bi ñig wij ma pilik nepal okok, mab bog dayday okok chichik dil man ak amnigel agak. Agek, agak tek nep ginok. Bi olap ñig ma ñinjinok, midupsek kim amninok.

28

Pol man ñig tib kus gak Malta yek

¹ Pen chin man ñig tib kus gak anib ak amon, binib anib yelak okok, chinop agilak, Man anib awl Malta agilak. ² Anib agil, chinop ditep yibil gilak. Chinop man pak pil gak tek, mab dap dagilel, minil tep ginok. ³ Pol pen am mab lek oginap yipilig dad owak. Dad apil dagilakniñ, salaw ak mab lek dad owak nab anib okok yek ak nim, sibob tikek, aplanil Pol nop ñin kid ak suwijsek lak. ⁴ Anigek, binib man anib ak yelak okok niñid, kili ke agilak, Bi anib awl, binbi pak ñag loligup tek lup, kim amnimun tek ma lup agilak. Ñig solwala nab ak midil, sip ak timel gek ma kumub ak pen, miñil kumnigab agilak. ⁵ Anib agilak ak pen, Pol ñin midup ne ak pipal pakek, salaw anib ak yapil mab yinak. Pen Pol nop tap olap ma gak. ⁶ Binib anib okok pen, Pol nop salaw suwup ak, su ginigab akan, kasek kumnigab agil, tapin nig yelak. Nig midel, nop tap olap ma gek agilak, Bi anib ak adekab alan nib owup, bi yibil olap mel agilak.

⁷ Pen biawl man anib ak kod yek ak, yib ne ak Publiyus. Kal man ne ak wulep anib sinjak yek ak nim, chinop dad kal ne ak amil, ñin ominjal nokom

kod midtep yibil gak. ⁸ Biawl anib ak, nap ne ak wak nop okok mab tek yinil, chib kogil abe gil, kum yek. Pol am God nop agniñid, nop dinigek, tap gak anib ak pisnep sun lak. ⁹ Anigek niñid, binib man anib ak tap gak okok apelak, kilop gek sun lak. ¹⁰ Pol anigek nim, chinop kod midtep yibil gil, kidek sip dil amnig ginok ñin ak, tap tay ma yek okok, chinop monmon ñilak.

Pol taun Lom amjakak

¹¹ Pen man Malta anib ak, sip taun Aleksadliya nib olap ap yek. Sip anib ak kimig day alan, kicheki kili Sus ñine omiñal kawnan akilak. Ñin anib ak yigen awl dep ñin ak owak ak nim, ameb tek ma lek, anib ak yek. Chin abe man anib ak midon, takan omiñal nokom yonok. Yigen awl ma dep ñin ak apek, sip anib ak dil, ¹² am taun Silakus amjakinok. Amjakil, ñin omiñal nokom man anib ak yonok. ¹³ Midil, sip anib ak nep dil, am taun Legiyum amjakinok. Minek, yigen awl ak kud okok ken apil, sip ak dad kasek amek nim, ñin omiñal ñig nab okok midil, am taun Puteyoli amjakinok. ¹⁴ Taun anib ak, binib Jisas nop gos linigilak oginap yelak ak nim, chinop agilak, Chin ayip midil amnimib agilak. Agelak, kili ayip ñin anep kugul ak yonok. Midil, taun Lom amnun agil amninok. ¹⁵ Pen Lom binib Jisas nop gos linigilak okok, chinop apebal agel niñid, oginap apil chinop Apiyus Maket nab ak neben pakilak. Pen oginap apil chinop neben pakilak, bi okok nib okok nib kinibal kal omiñal nokom yek man ak. Pen chinop

apil neben pakilak tek, Pol kilop niñid, chibol nop ak tep gek, God nop tep agak.

¹⁶ Pen chin Lom amonok, gapman biawl okok kili Pol nop agilak, Kal nak olap ke kinimin, bi chim kadin gep olap nep kod kinigab agilak.

Pol ne Jisas takaw teplep ak agñak, taun Lom

¹⁷ Pol ñin omiñal nokom midil, Juda biawl man anib ak yelak okok kilop suk agak. Suk agek apnan gelak agak, Mam sikop. Yad binib chin okok kilop gi timel ma gil, based apis sikop takaw agilak ak ma tibilikinek agak. Anib okok ma ginek ak pen, Juda biawl Jelusalem nib okok kili yip nag lil, dam Lom gapman biawl okok kilop ñilak agak. ¹⁸ Ñelak, Lom gapman biawl okok kili yip kot gil nigilak, takaw jip olap ma yek agak. Tap olap gen yip pakinigel tek ma lak agak. Anigek nim, yip wisik yokun agil nigilak ak pen, ¹⁹ Juda kay yelak okok, kili kiles timel gil nop tepayan kot ginigun agil gos nigilak agak. Anigilak ak nim yad aginek, Lom gapman binonim ne nokom kot yip ak niginigab aginek agak. Pen binib yad okok kilop takaw olap yek anib ma ginek agak. ²⁰ Pen chin Juda okok takaw tep gos sek kod midobun ak agen, yip nag kiles lipal agak. Anib ak tek takaw anib ak aginig nim, nibop suk apin agak.

²¹ Pol anib agek, Juda biawl okok nop agilak, Bi Judiya nib anib okok, kili awl apil akan, mij ñel apek, takaw timel oginap nep agilak ak ma nopun

28:16 Apo 24.23 **28:17** Apo 21.33, 24.12-13, 25.8 **28:18** Apo 22.24, 25.8, 26.31 **28:19** Apo 25.11 **28:20** Apo 24.15, 26.6-7, 26.29, Epe 3.1-2, 2 Ti 2.9, Plm 10, 13

agilak. ²² Anib ak, takaw nad ke age chin niginigun agilak. Chin nopun, binib man okok midupsek apal, Binib gos nad nepan tek nepal okok, binib tep mel apal agilak.

²³ Pen kili anib agil, ñin olap takaw aginigabun agil agilak. Ñin agilak anib ak apek, bi ned owlak tek mel, kunay yibil Pol yek kal ak owlak. Apil, man kideyil tikak won ak apnan gilak. Anigil apnan gelak, Pol ne God binib dil kilop kod yenigab takaw ak agñak. Agñilig, takaw Mosis tikak ak sek, bi God gos ñek agñeb oginap tikilak ak sek, kili Jisas anib anib gil ginigab agil tikilak takaw ak agñak. Jisas nop takaw ak agen nigilan agil, takaw anib ak ag midakniñ, sub sanid amnak. ²⁴ Pen takaw agak anib ak, oginap agak tek nigilak, oginap ma nigilak. ²⁵ Kili ke penpen agilig, amnig gilak, Pol kilop agak, Bilel God Kawnan ne ak Aysaya nop gos ñek, ne based apis nibop okok kilop takaw niñid yibil olap agak. ²⁶ Takaw anib ak tikil agak,

Binib anib okok kilop am agil aginimin, Takaw pel agek niginigabim ak pen, takaw agup ak agil ma niginigabim aginimin agil tikak agak. Pel widin niginigabim ak pen, tap olap ma niginigabim aginimin agil tikak agak. ²⁷ Binib okol takaw yad apin ak kilop yilik gek, ma yibil nepal aginimin agil tikak agak. Tep adikid God nop gos niñid ownigun, chinop gitep gek binib ne yonigun tek lup agil, gos anib ak ma nepal aginimin agil

28:22 Apo 24.5, 24.14, 1 Pi 2.12, 4.14

28:25 Ais 6.9-10, Mat 13.14

28:26 Jer 5.21, Ese 12.2, Lom 11.8

28:26 Ais 6.9-10

tikak agak. Anib ak timud pil gil, widin jukil
nep midebal aginimin agil tikak agak.

²⁸⁻²⁹ Pen Pol takaw olap anigil agak, Anib ak nibi
niginimib agak. God binib kilop tig asik dup takaw
ak man keke amub agak. Amek, binib Juda mel
okok kili ninid dinigabal agak.

³⁰ Pen Pol taun Lom kin yoligup kal ak, tawlig
tawlig nep kin yek, sub ominal yin gak. Binib nop
yil owlak okok, kilop midupsek ditep yibil goligup.

³¹ God binib dil kilop kod yenigab takaw ak agnil,
Biawl Jisas Klays takaw ak agnil gak. Biawl olap
nop ma ag gak, binib okok kilop ma pilikil, takaw
monmon kiles gil agil, yipid gil yibil agnoligup.

28:28-29 Sng 67.2, Luk 3.6, Apo 13.46-47, 18.6, 22.21, Lom 11.11

28:30 Apo 28.16 **28:31** Apo 4.31, 28.23, Epe 6.19

Jisas Klays Takaw Teplep Ne Tay New Testament

copyright © 2013 Pioneer Bible Translators

Language: Tay (Tai)

Translation by: Pioneer Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

- You include the above copyright and source information.

- You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

PDF generated using Haiola and XeLaTeX on 11 Nov 2022 from source files dated 29 Jan 2022

24d09cce-9a93-523a-afa5-7b091c264cee